

MISSINGIUT

Kukkunersuisut aamma kukkunersiuinermik suliffeqarfiit akuerisaasut pillugit inatsimmik
Kalaallit Nunaannut atuutilersitsineq pillugu peqqussut

UAGUT MARGRETHE AAPPAAT, Guutip saammaassineratigut Danmark-ip Dronningia,
matuminnga tamanut nalunaarpugut:

Kukkunersuisut aamma kukkunersiuinermik suliffeqarfiit akuerisaasut pillugit inatsit pillugu inatsimmi nr. 468, 17. juni 2008-meersumi § 64, imm. 2, Inuussutissarsiutinut attuumassutilinnut sillimmasiinermit aqqissuussinerit iluanni arnat angutillu assigiimmik pineqarnissaat pillugu inatsit, inatsisit assigiinngitsut allat aamma aningaaseriveqarnermik suliffeqarfiit pillugit inatsimmik allannguut pillugu inatsimmi nr. 133, 24. februar 2009-meersumi § 8, imm. 3, Aningaaseriveqarneq pillugu inatsit, inatsisit assigiinngitsut allat aamma ukiumoortumik naatsorsuutit pillugit inatsimmik allannguneq pillugu inatsimmi nr. 516, 12. juni 2009-meersumi § 25, imm. 2, inatsisit assigiinngitsut allat aamma akiliisinnaajunnaarneq pillugu inatsimmik allannguneq pillugu inatsimmi nr. 718, 25. juni 2010-meersumi § 56, imm. 3, pinngitsooranni qarasaasiakkut attaveqatigiittarnissaq pillugu inatsisini aalajangersakkanik assigiinngitsunik allanngunerit pillugit inatsimmi nr. 1231, 18. december 2018-imeersumi § 70, imm. 4, ukiumoortumik naatsorsuutit pillugit inatsimmik aamma kukkunersiuneq pillugu inatsimmik allannguneq pillugu inatsimmi nr. 1232, 18. december 2012-imeersumi § 4, imm. 2, aningaaseriveqarneq pillugu inatsit aamma kukkunersiuneq pillugu inatsimmik allannguneq pillugu inatsimmi nr. 617, 12. juni 2013-imeersumi § 5, imm. 2, eqqartuussisarneq pillugu inatsit, inatsisit assigiinngitsut allat aamma pillaatissiineq pillugu inatsimmik allannguneq pillugu inatsimmi nr. ?, 12. juni 2013-imeersumi § 14, imm.2, pappialanik nalilinnik il.il. niuffanneq pillugu inatsit, aningaasaliisarnermik aningasaateqarfinnik allatut ittunik aqutsisut il.il. pillugit inatsit, eqqartuussisarneq pillugu inatsit aamma inatsisit assigiinngitsut allat aamma aningaaseriveqarneq pillugu inatsimmik allannguneq pillugu inatsimmi nr. 403, 28. april 2014-imeersumi § 23, imm. 3, pappialanik nalilinnik il.il. niuffanneq pillugu inatsit,

akiliinermut kiffartuussissutit aamma qarasaasiakkut aningaasat pillugit inatsit, inatsisit assigiinngitsut allat aamma aningaaseriveqarneq pillugu inatsimmik allanngueq pillugu inatsimmi nr. 1490, 23. december 2014-imeersumi § 16, imm. 3, aningaasaliinermik peqatigiiffiit il.il. pillugit inatsit, pappialanik nalilinnik il.il. niuffanneq pillugu inatsit, inatsisit assigiinngitsut allat aamma aningaaseriveqarneq pillugu inatsimmik allanngueq pillugu inatsimmi nr. 1563, 15. december 2015-imeersumi § 11, imm. 3, inatsisit assigiinngitsut allat aamma kukknersiueq pillugu inatsimmik allanngueq pillugu inatsimmi nr. 631, 8. juni 2016-imeersumi § 15, imm. 2, aningaasaliinermik peqatigiiffiit il.il. pillugit inatsit, aningaaseriveqarneq pillugu inatsimmik allanngueq pillugu inatsimmi § 19, imm. 3, inatsisit assigiinngitsut allat aamma pappialanik nalilinnik niuffanneq il.il. pillugit inatsimmi nr. 285, 29. marts 2017-imeersumi § 26, imm. 2, inatsisit assigiinngitsut allat aamma pisortanut akiligassanik akiliisitsiniaasarneq pillugu inatsimmik allanngueq pillugu inatsimmi nr. ? § 22, imm. 2, inatsisit assigiinngitsut allat aamma Qitiusumik suliffeqarfinnik nalunaarsuivik pillugu inatsimmik allanngueq inatsimmi nr.1665, 16. december 2017-imeersumi § 9, kukknersiueq pillugu inatsit, nunat peqatigisat avataanniittunut aningaasatigut attaveqarneq il.il. pillugu Den Europæiske Union-ip eqqartuussisutigut aalajangersagaasa ilaannik atuineq pillugu inatsit, ukiumoortumik naatsorsuutit pillugit inatsimmik allanngueq pillugu inatsimmi nr. 1716, 27. december 2018-imeersumi § 7, imm. 2, inatsimmi nr. 1716, 27. december 2018-imeersumi § 2, inatsimmi nr. 642, 19. maj 2020-imeersumi § 4, inatsimmi nr. 643, 19. maj 2020-imeersumi § 1 aammalu inatsit nr. 1733, 1. december 2020-imeersuq malillugit tulluuttut allataalluni inatsit aalajangersarneqarpoq:

Kapitali 1

Inatsimmut atuuffiit aamma isumasiuutit

Atuuffiit

§ 1. Kukknersiuisunik aamma kukknersiuinermik suliffeqarfinnik akuersinermut aamma nalunaarsuinermut piunasaqaatinik, kukknersiuinermut atatillugu suliat suliarinerannut piunasaqaatinik il.il. kiisalu Kukknersiuisut aamma kukknersiuinermik suliffeqarfinnik akuerisaasunik pisortat nakkutilliinerat pillugit maleruagassanik manna inatsit imaqarpoq.

Imm. 2. Kukkuñersiuisup naatsorsuutinuñ nalunaarusiamik tunniussineranuñ, ilaatillugit ukiumoortumik naatsorsuutit pillugit inatsit naapertorlugu aqutsisut pisimasut aamma pisussat pillugit naliliinerat pillugu kukkuñersiuisup oqaaseqaataanuñ, aamma kukkuñersiuisup, suliaakkiisumuinnaangitsumuñ atugassamik qularnaveeqqutilimmik nalunaaruteqarneranuñ, inatsit atuuppoq.

Imm. 3. Inatsimmi § 16, imm. 4, § 22, § 30, §§ 43 aamma 44, §§ 45-47 c aamma § 54, imm. 4, oqaaseqatigiit siulliit, ilutigisaanik atortinneqassapput kukkuñersiuisup allatigut nalunaaruteqarnerani, inatsisit atuuttut naapertorlugit piumasarisaasunik, imaluunniit inuussutissarsiortumi taamaallaat atugassatut aalajangigaasuni, Kalaallit Nunaanni atortuulersinneqartumi Kunngip peqqussutaatigut, aamma kukkuñersiuisup kukkuñersiuisuulluunniit suliffiutaata siunnersuineratigut sullitamik, aningaasanik pinerlunnikkut pissarsianik malunnarunnaarsaasarnermut inatsimmik tunngaveqartumik pisussaaffii pillugit.

Imm. 4. (Kalaallit Nunaannut atuutilersinneqassanngilaq)

Isumasiuutit

§ 1 a. Inatsimmi matumani makku ima paasineqassapput:

- 1) Kukkuñersiuisoq: Inuk, allamik paatsuugassaangitsumik allassimasoqanngippat, §§ 3, 10 imaluunniit 11 malillugu akuerisaasoq.
- 2) Kukkuñersiuinermik suliffeqarfik: Suliffeqarfik, allamik paatsuugassaangitsumik allassimasoqanngippat, § 13-i malillugu akuerisaasoq.
- 3) Suliffeqarfiit tamanut soqtiginaatillit:
 - a) Den Europæiske Union-ip iluani nunami imaluunniit Union-imit isumaqatigiissusiorfigineqarsimasumi nunami, imaluunniit aningaasaliisarnermik suliaasaqarfimmi Kalaallit Nunaannut isumaqatigiissusiorsimasuni nunani niuffaffimmi maleruagassiugaasumi niuerutiginiisaannut immikkoortinneqarsimasunik aningaasaatinut piginneqataassutinik, taarsigassarsianut uppernarsaatinik, imaluunniit allanik pappialanik nalilinnik pigisaqartut Suliffeqarfiit, aamma
 - b) Kunngip peqqussutaatigut Kalaallit Nunaannut atuutilersinneqartoq aningaaseriveqarfiit pillugit inatsimmi § 5, imm. 1, nr. 1, naqinnerit a, b aamma e naapertorlugit, aningaaseriveqarfiit.

4) Suliffeqarfeeqqat: Suliffeqarfiit, pigisanik nalilinnik, taakkualu aningaasalersornerinik piffissami oqimaaqatigiissitsiffiusumi naatsorsuusiorfiusuni ukiuni imminnut malittuni marlunni, annertussutsinut killigititanik tulliuuttunik marlunnik qaangiingitsut:

- a) Pigisanik nalilinnik, taakkualu aningaasalersornerinik oqimaaqatigiissitsinerup katinnera 44 mio. kr.,
- b) ilanngaait peereerlugit kaaviiartitat 89 mio. kr. aamma
- c) naatsorsuusiorfiusup ukiup ingerlanerani piffissaq tamaat sulisorisat amerlassusaat agguaqatigiissillugu 50-it.

5) Akunnattumik angissusillit suliffeqarfiit: Suliffeqarfiit, suliffeqarfiaraanngitsut, pigisanillu nalilinnik, taakkualu aningaasalersornerinik piffissami oqimaaqatigiissitsiffiusumi naatsorsuusiorfiusuni ukiuni imminnut malittuni marlunni, annertussutsinut killigititanik tulliuuttunik marlunnik qaangiingitsut:

- a) Pigisanik nalilinnik, taakkualu aningaasalersornerinik oqimaaqatigiissitsinerup katinnera 156 mio. kr.,
- b) ilanngaait peereerlugit kaaviiartitat 313 mio. kr. aamma
- c) naatsorsuusiorfiusup ukiup ingerlanerani piffissaq tamaat sulisorisat amerlassusaat agguaqatigiissillugu 250-it.

6) Suliffeqarfissuit angisuut: Suliffeqarfiaraanngitsut imaluunniit akunnattumik angissusiliunngitsut, suliffeqarfiit.

Imm. 2. Imm. 1, nr. 4 aamma 5 malillugit annertussutsit naatsorsorneranni, Kunngip peqqussutaatigut Kalaallit Nunaannut atuutilersinneqartumi ukiumoortumik naatsorsuutit pillugit inatsimmi § 7, imm. 3 aamma 4 atuupput, taamaattoq takujuk imm. 3.

Imm. 3. Imm. 1, nr. 4 aamma 5-i naapertorlugit suliffeqarfiup piginnittuusup aamma suliffeqarfiup pigineqartup oqimaaqatigiissitsinerup katinnerisa, ilanngaait peereerlugit kaaviiartitaasa aammalu agguaqatigiissillugu piffissaq tamaat sulisorisat amerlassusaasa katinnerattut, suliffeqarfinnut piginnittuusunut, oqimaaqatigiissitsinerup katinnera, ilanngaait peereerlugit kaaviiartitat aammalu agguaqatigiissillugu ukiumi naatsorsuusiorfiusumi piffissaq tamaat sulisorisat amerlassusaat naatsorsorneqassaaq. Oqaaseqatigiit siulliit malillugit annertussutsit naatsorsorneqarneranni, Kunngip peqqussutaatigut Kalaallit Nunaannut atuutilersinneqartumi Ukiumoortumik naatsorsuutit pillugit inatsimmi § 110, imm. 3 aamma 4 atuupput.

Kapitali 2

Akuersineq il.il.

Pisortatigoortumik nalunaarsuivik

§ 2. Erhvervsstyrelsen-i pisortatigoortumik kukknersiuisunut aamma kukknersiuinermik suliffeqarfinnut akuerisaasunut nalunaarsuivimmik ingerlataqarpoq. Makku nalunaarsorneqartarput

- 1) inuit, § 3 naapertorlugu naalagaaffimmit akuerisaasutut imaluunniit kukknersiuisutut nalunaarsugaasut,
- 2) inuit, § 10, imm. 1-i malillugu kukknersiuisutut akuerisaasut,
- 3) inuit, § 10, imm. 5-i malillugu suliamik aalajangersimasumik isumaginnittussatut akuerisaasut,
- 4) inuit, § 11, imm. 2 naapertorlugu utaqqiisaasumik aamma ilaanneeriarlutik nalunaarusiortartut,
- 5) suliffeqarfiit, § 13 naapertorlugu kukknersiuinermik suliffeqarfittut akuerisaasut,
- 6) suliffeqarfiit, § 13 a naapertorlugu EU-mi kukknersiuinermik suliffeqarfittut imaluunniit EØS-imi kukknersiuinermik suliffeqarfittut nalunaarsugaasut,
- 7) kukknersiuisut aamma kukknersiuinermik suliffeqarfiit, § 15 malillugu nunami maani nalunaarsugaasussat, aamma
- 8) § 17 naapertorlugu nunami aningaasaqarnermik peqatigiiffinnut siunnersuisutut allaffeqarfiit.

Imm. 2. Erhvervsstyrelsen-i nalunaarsuinerup ingerlanneqarnera, ilaatillugit tamatuminna nalunaarutiginninneq aamma tamatuma allanngutsaalinera pillugit maleruagassanik aalajangersaassaaq.

Naalagaaffimmit akuerisaasutut kukknersiuisutut akuerisaaneq

§ 3. Kukknersiuisutut naalagaaffimmit akuerisaasutut inuk Erhvervsstyrelsen-imit akuerineqarsinnaavoq, taanna

- 1) maani nunami, EU-mi nunami allami, EØS-imi nunami imaluunniit EU-mit isumaqatigiissuteqarfigisaasumi, imaluunniit Kalaallit Nunaannut isumaqatigiissusiorsimasumi nunami allami najugaqarpat,

2) inersimasuuppat aamma kunngip peqqussutaatigut Kalaallit Nunaannut atulersinneqartoq namminersorsinnaanermut inatsit malillugu nakkutigineqartariaqarnerup ataaniingippat,
3) akilersuisinnaajunnaarsitaasimangippat imaluunniit akiliisinnaajunnaarsimangippat,
4) akiliisinnaajunnaarneq pissutigalugu peqataaqqusaajunnaarsimassanngilaq imaluunniit ukiut kingulliit marluk akiliisinnaajunnaarneq pissutigalugu

peqataaqqusaajunnaarsimassanani,

5) § 33 malillugu maleruagassat atuutilersinneqartut naapertorlugit immikkut ittumik soraarummeerummik angusaqarsimappat,

6) 18-ileereermermi kingorna minnerpaamik ukiuni pingasuni ukiumoortumik naatsorsuutit, suliffeqarfissuup naatsorsuutaat imaluunniit naatsorsuuserinermik nalunaarusiornerit pillugit sulianik suliaqarnermut ilaasarsimaguni, aamma

7) § 1, imm. 2 aamma 3 malillugit suliassat suliarinerinut atatillugu

piumasaqarfigineqarsinnaanermut aningaasaqarnermut piumasaqaataasinnaasunut sillimmasersimaguni.

Imm. 2. Imm. 1, nr. 6 malillugu suliassat, kukkunerisiuineramik suliffeqarfimmi suliarineqarsimassapput. Kukkunerisiusutut akuerisaasumit nakkutigineqarluni suliat suliarineqarsimappata taamaallaat, naalagaaffimmit akuerisaasutut kukkunerisiusutut akuerisaaneq anguneqarsinnaavoq.

Imm. 3. Erhvervsstyrelsen-i imm. 1, nr. 6-imi piumasaqaatinit ilaatitsinngissinnaavoq/saneqqutsisinnaavoq.

Imm. 4. Erhvervsstyrelsen-i imm. 1, nr. 7-i malillugu sillimmasiineq, ilaatillugit sillimmasiinerup annertussusaa aamma suussusaa kiisalu piffissarititaa pillugit maleruagassanik aalajangersaassaaq.

Imm. 5. Akuersissummik itigartitsissutaasinnaapput

1) pinerluttulerineri inatsimmi § 164, imm. 2-mi eqqaaneqartut pissutsit,

2) pineqartoq imatut pissusilersorsimappat, pisortat tatigisaasutut sinniisuattut pineqartup suliassaq isumannaatsumik isumagisinnaanngikkaa isumaqartoqarnissaanut pissutissaqarpat, imaluunniit

3) pineqartoq 50.000 kruuninik annertunerumilluunniit pisortanut akiitsoqarpat.

§ 3 a. Kukkunerisiusut nalunaarsugaasut, § 2 naapertorlugu Erhvervsstyrelsen-ip pisortanit akuerisaasunik kukkunerisiusunik aamma kukkunerisiuineramik suliffeqarfinnik

nalunaarsuiviani nalunaarsugaasut, tamatumunnga soraarummeerummik angusigunik, naalagaaffimmit akuerisaasutut kukkunersiuisutut akuerineqarsinnaapput.

Imm. 2. Soraarummeerut tamanna, ilaatillugit soraarummeerutip imarisassai, ingerlanneqarnera aamma naliliivigineqarnera pillugit maleruagassanik sukumiinerusunik Erhvervsstyrelsen-i aalajangersaassaaq.

Ilinniaqqinneq

§ 4. Kukkunersiuisoq, § 3 malillugu akuerisaasoq, naammaginartumik qaffasissusilimmik, ilinniarsimasutut piginnaanermik aammalu pisortani tatigisaasutut sinniisuusinnaasutut, pineqartup atuagarsornikkut ilinniakkatut ilisimasami nutarsarsimajuarnissaannik qulakkeerisumik ilinniaqqinnermik aaqqissuussami naleqquttumi peqataassalluni pisussaaffeqarpoq.

Imm. 2. Ilinniaqqinneq aammalu tamatumunnga nakkutilliineq pillugit maleruagassanik sukumiinerusunik Erhvervsstyrelsen-i aalajangersaassaaq. Aammattaaq § 1 a, imm. 1, nr. 3-mut ilaatinneqartuni suliffeqarfinni kukkunersiuiinermik suliaqartut kukkunersiuisut, ilassutitut ilinniaqqittarnissaat pillugit maleruagassanik sukumiinerusunik Erhvervsstyrelsen-i aalajangersaasinnaavoq.

Imm. 3. Kukkunersiuisoq qaqugukkulluunniit ilinniaqqinnermut piumasaqaatit pillugit naammassinnissimanernik allakkiatut uppersaasinnaassaaq.

Taaguummik atuineq

§ 5. Taaguut »naalagaaffimmit akuerisaasoq kukkunersiuisoq« imaluunniit tamatuminnga katiterineq taamaallaat inummit naalagaaffimmit akuerisaasutut kukkunersiuisuusutut akuerisaasumit atorneqarsinnaavoq.

Imm. 2. Taaguut »kukkunersiuisoq nalunaarsugaasoq« imaluunniit tamatuminnga katiterineq taamaallaat inummit kukkunersiuisuusutut nalunaarsugaasutut akuerisaasumit atorneqarsinnaavoq.

Imm. 3. Taaguut »kukkunersiuisoq akuerisaasoq« imaluunniit tamatuminnga katiterineq taamaallaat inummit § 3 aamma § 10, imm. 1-i malillugu kukkunersiuisuusutut akuerisaasumit atorneqarsinnaavoq.

Imm. 4. Tamatumunnga paarlaattoorneqarsinnaasumik qallunaatumik, kalaallisuumik imaluunniit allamiutumik taaguummik atuisoqaqqusaanngilaq. Taamaattoq §§ 10, 11 aamma 15-i malillugit inunnut akuerisaasunut tamanna atuutinngilaq.

Imm. 5. Inummut, naalagaaffimmit akuerisaasutut kukkunersiuisuujunnaarsimasumut imaluunniit kukkunersiuisutut nalunaarsugaajunnaarsimasumut, taaguutit » naalagaaffimmit akuerisaasoq kukkunersiuisoq « imaluunniit »kukkunersiuisoq nalunaarsugaasoq« imaluunniit tamatuminnga katiterineq imaluunniit naalisaneq atoqqusaanngillat, taamaattoq takujuk § 6, imm. 2.

Toqqorsineq

§ 6. Kukkunersiuisup akuersissutaatini Erhvervsstyrelsen-imi toqqorsimatissinnaavaa. Toqqorsimatitsinissamut § 7 malillugu akuersissut atorunnaarsimassanngitsoq, § 8 aamma § 8 a, imm. 4, nr. malillugu arsaarinnissutaasimassanngitsoq imaluunniit § 44, imm. 4 imaluunniit pinerluttulerinermi inatsimmi § 165 malillugit allagartaajagaataasimanninnissaa piumasagaataavoq.

Imm. 2. Kukkunersiuisoq, akuersissutaatiminik Erhvervsstyrelsen-imi toqqorsimatitsisoq, niueqateqarnermi pissutsini »naalagaaffimmit akuerisaasutut kukkunersiuisutut«, imaluunniit »kukkunersiuisutut nalunaarsugaasutut« imaluunniit »kukkunersiuisutut akuerisaasutut« imminut taaguuseqqusaanngilaq. Tamakkua taaguutit katiterneru aamma naalisarneri atoqqusaanngillat.

Imm. 3. Inuup, akuersissutaatiminik toqqorsisimasup, piumasagaataalluni piumasagaatit § 3, imm. 1, nr. 1-3 aamma 7-imiittut, aamma § 4-miittut naammassisimassagai, kiisalu pineqartoq pisortanut 100.000 kruuninik imaluunniit annerunerusumik akiitsoqanngikkuni, qinnuteqarnermigut akuerisaaleqqissinnaavoq. Toqqorsimatitsisimanerup kingorna akuerisaanermut atatillugu § 8a, imm. 1, aamma § 9, imm. 3 atuupput.

Imm. 4. Kukkunersiuisoq, akuersissutaatiminik toqqorsisimasoq, kukkunersiuisunut akuerisaasunut pisortat nalunaarsuviannit peerneqassaaq.

Atuukkunnaarneq

§ 7. § 3, imm. 1, nr. 1-3-mi imaluunniit 7-imi piumasagaatit naammassisimajunnaarneqarpata kukkunersiuisutut akuersissut atuukkunnaartarpoq.

Imm. 2. Erhvervsstyrelsen-imit qinnutigineqarpat, kukknersiuisup § 3, imm. 1, nr. 7-i malillugu sillimmasersimanini uppersassavaa. Tamatumunnga uppersaat Styrelsen-imit kingusinnerpaamik sapaatit akunneri arfineq marluk qinnutiginnittoqarnerata kingorna tiguneqareersimassaaq. Piffissarititap naanerani uppersaat tiguneqareersimangippat, akuersissut atorunnaassaaq.

Akuersissutaajagaaneq il.il.

§ 8. Kukknersiuisoq 100.000 kruuninik annertunerumilluunniit pisortanut akiitsoqarpat, kukknersiuisup akuersissutaataanik Erhvervsstyrelsen-i arsaarinnissinnaavoq. Pissutsit iluarsineqareerserlugit, akuersissut arsaarinnissutigeqqaneqarsinnaavoq. Aalajangiineq § 52 malillugu eqqartuussivimmi misiliisinaanermut periarfissaq, tamatumunngalu piffissarititaq pillugu paasissutissanik imaqassaaq.

Imm. 2. Aammattaaq § 29 naapertorlugu pitsaassutsimik nakkutilliineq pillugu maleruagassanut kukknersiuisoq malinnikkumangippat Erhvervsstyrelsen-i akuersissummik arsaarinnissinnaavoq.

§ 8 a. § 4 aamma § 4, imm. 2 malillugu maleruagassat aalajangersakkat naapertorlugit ilinniaqqinnissaq ilivitsoq imaluunniit ilamernga kukknersiuisup amigaatigippagu, piffissarititamik aalajangersakkap iluani kukknersiuisoq ilinniaqqinnissamut piumasaqaatinik naammassinneqqullugu Erhvervsstyrelsen-i peqqusinnaavoq.

Imm. 2. § 4-mut ilaatinneqartumik ilinniaqqinnissaminik isumaginninnini nutarsaanissanilu kukknersiuisup uppersarsinnaangippagu, Erhvervsstyrelsen-ip piumasaqaatinik sukumiinerusunik ilinniaqqinnissamut nalunaaquttap akunnerinik amerlassusilinnut peqataaqqullugu kukknersiuisoq peqqusinnaavaa.

Imm. 3. § 32, imm. 3, nr. 2-4 naapertorlugit kukknersiuisunik aamma kukknersiuinermik suliffeqarfinnik nakkutilliinermut atatillugu Erhvervsstyrelsen-ip nalilerpagu, ilinniaqassaqarfiup sukumiinerusumik killiligaasup iluani ilassutaasumik ilinniaqqinnissamik kukknersiuisoq pisariaqartitsisoq, piumasaqaatini sukumiinerusuni ilinniaqqinnermi taamaattumi kukknersiuisoq peqataassasoq styrelsen-i peqqusinnaavoq.

Imm. 4. Ilinniaqqinnissamut § 4-mi piumasaqaatit kukknersiuisup naammassinngippagit, imaluunniit imm. 1-3 malillugit peqqussutit kukknersiuisup malinnngippagit, Erhvervsstyrelsen-ip

- 1) pineqartup atuuttumi imaluunniit tulliuuttumi ilinniaqqinnissamut piffissarititami ilinniaqqinnissamut piumasagaatit maangaannartinngippagit, taamaattoqartillugu pineqartup katillugu naliliinerup kingorna akuersissummik arsaarneqarsinnaaneramik piumasagaataatillugu, kukkuniuissup akuersissutaataa arsaarinnissutigissamaarsinnaavaa,
- 2) kukkuniuissuq atuuttumi aamma tulliuuttumi ilinniaqqinnissamut piffissarititami kukkuniuissuermik suliaqarsinnaanera imaluunniit kukkuniuissuermik suliamik nakkutiginnissinnaanera imaluunniit kukkuniuissuermik suliffeqarfimmi suliaqarnissaa inerteqqutigisinnaavaa, imaluunniit
- 3) kukkuniuissup akuersissutaanik arsaarsinnaavaa.

*Akiliisinnaajunnaarneq pillugu inatsit malillugu akiliisinnaajunnaartutut
peqataaqqusaajunnaarneq*

§ 8 b. Kukkuniuissuq, akiliisinnaajunnaarneq pillugu inatsit malillugu akiliisinnaajunnaartutut peqataaqqusaajunnaarsitaasoq, matumani inatsimmi § 1, imm. 2 malillugu, akiliisinnaajunnaartutut peqataaqqusaajunnaarsinneqarnermi kingorna ukiuni tallimani oqaaseqaasioqqusaanngilaq aamma nalunaarusioqqusaanngilaq.

Atorunnaarnerup sunniutai il.il.

§ 9. kukkuniuissutut akuersissut § 7 malillugu atorunnaarsimappat, § 8 aamma 8 a, imm. 4 nr. 3 malillugu arsaarinnissutaasimappat imaluunniit § 44, imm. 4, imaluunniit pinerluttulerinermi inatsimmi § 165 malillugu allagartaajaassutaasimappat, pisortat kukkuniuissut akuerisaasut nalunaarsuiviannit piiarneqassaaq, pineqartorlu tamatuma kingorna akuersissummut uppersaammik ilinniakkamullu taaguummik atueqqusaajunnaassaaq.

Imm. 2. Akuersissummut atorunnaarsitsinnermut imaluunniit arsaarinnissutiginninnermut, imaluunniit akuersissummut allagartaajagaanerup atorunnaarsinneqarneranut, pissutaasoq atorunnaarpat, qinnuteqarneq malillugu akuersissut atuutilerseqqinneqassaaq, inullu kukkuniuissut akuerisaasut pisortatigoortumik nalunaarsuiviannut ikkunneqassalluni. § 3, imm. 1, nr. 1-3 aamma 6, aamma § 4-mi piumasagaatit naammassineqarsimassasut, aamma pineqartoq pisortanut 100.000 kruunit taakkuluunniit qaangerlugit akiitsoqassanngitsoq, piumasagaataavoq.

Imm. 3. Inummut, ukiuni arlalinni akuersissutaateqarsimannngitsumut, § 4 malillugu iliniaqqinnissaq pillugu piumasaaqat, Erhvervsstyrelsen-imit aalajangersarneqartut, maleruagassat malillugit immikkut ittumik misilitsinnermik taarserneqarsinnaavoq.

Kukkunersiuisutut akuersissutit allat il.il.

§ 10. Erhvervsstyrelsen-i naalagaaffimmit akuerisaasutut kukkunersiuisutut akuersissuteqarsinnaavoq, inunnut

- 1) § 3, imm. 1 aamma 2 malillugit ilinniarnermut naleqqiussinnaasumik nunani allani ilinniakkamik naammassinnissimanerminnut uppersaasinnaasunut,
- 2) inatsisitigut pisussaaffimmik kukkunersiuinermik suliaqarnissamut nunani allani akuerisaasunut, aamma
- 3) § 3, imm. 4 aamma 5-imi piumasaaqatinik naammassinnittunut.

Imm. 2. Ukiumoortumik naatsorsuutinik aamma naatsorsuutinik kattutanik inatsisitigut pisussaaffittut kukkunersiui neq pillugu Europa-Parlament-ip aamma Råd-ip malitassiaanik 2006/43/EF-imit, malitassiakkut 2014/56/EU-kkut allanngortinneqartumik, naammassinninngitsumi, aamma EU-mit isumaqatigiissusiorfigineqarsimannngitsumi, nunami, taamaallaat, illuatungeriittut akuereqatigiissimaneq apeqqutaatillugu, inuit, inatsisitigut pisussaaffittut kukkunersiuinermik suliaqarnissamut akuerisaanermik angusaqarsimasut, imm. 1-i malillugu kukkunersiuisutut akuerineqarsinnaapput. Erhvervsstyrelsen-imit qinnuiginninneq malillugu, qinnuteqartup, illuatungeriittut akuereqatigiinneq uppersarsassavaa.

Imm. 3. Imm. 1-i malillugu naalagaaffimmit akuerisaasutut kukkunersiuisutut akuerisaaneq sioqqullugu, Erhvervsstyrelsen-i tulluartuunermut misiligummik angusaqarnissaq pillugu piumasaaqateqarsinnaavoq.

Imm. 4. Kukkunersiuisunut imm. 1-i malillugu akuerisaasunut, taamatuttaaq §§ 4-9-mi aalajangersakkat atuupput.

Imm. 5. Pissutsit immikkut ittut atuutsillugit, allatigut, naalagaaffimmit akuerisaasumit imaluunniit nalunaarsugaasumit kukkunersiuisumit suliarineqassasut inatsisini piumasaaqataatillugu, suliaassanik aalajangersimasunik, kukkunersiuisut nunani allamiut suliaqarsinnaanissaannut Erhvervsstyrelsen-ip akuersissuteqarfigisinnaavai. Akuersissut taamaattoq killiligaasinnaavoq aamma piumasaaqatitaqarsinnaalluni. Kukkunersiuisumut,

naggat siullermi allassimasut malillugit akuersissummik pisimasumut, kapitali 9-mi aalajangersakkat taamatutaaq atuupput.

Utaqqiisaasumik aamma periarfissani nalunaaruteqartarnissamut periarfissaq

§ 11. Ukiumoortumik naatsorsuutinik aamma naatsorsuutinik kattutanik kukkunersiui nermut inatsisitigut pisussaaffik pillugu Europa-Parlament-ip aamma Råd-ip malitassiaanik naamassinnittut maleruagassat malillugit akuerisaasut, EU-mi nunami, EØS-imi nunami imaluunniit EU-mit isumaqatigiissusiorfigineqarsimasumi nunami allami, imaluunniit Kalaallit Nunaannut isumaqatigiissusiorsimasumi nunami inissisimaffillit kukkunersiuisut, § 1, imm. 2 aamma 3 malillugit utaqqiisaasumik aamma periarfissaqartillugu nalunaaruteqartarsinnaapput. Taamaattoq nalunaaruteqarneq ukiumoortumik naatsorsuutinik aamma suliffeqarfissuup naatsorsuutaanik kukkunersiui nermit inatsisitigut pisussaaffimmut tunngassuteqassanngilaq. Kukkunersiuisut, naggat siullermi allassimasut malillugit nalunaaruteqartut, nunami pilersitsivigisaminni ilinniakkatut taaguutigisartik atussavaat.

Imm. 2. Imm. 1-imut ilaatinneqartut, kukkunersiuisut, nalunaaruteqartinnatik (erklæring), Erhvervsstyrelsen-imut allaatiginneqqaartassapput (anmeldelse). Allaatiginninneq aamma nalunaarsuineq pillugit Styrelsen-i maleruagassanik aalajangersaassaaq.

Imm. 3. Allaatigineqarfimmi piffissami (anmeldelsestidspunktet) EU-mi nunami allami, EØS-imi nunami imaluunniit EU-mit isumaqatigiissuteqarfisaasumi nunami, imaluunniit Kalaallit Nunaannut isumaqatigiissusiorsimasumi nunami allami pilersinneqarsimasunut, aammalu utaqqiisaasumik aamma periarfissatigut nunami maani nalunaaruteqartarnissamut pilersaarnerminnik styrelsen-imut allaatiginnissimasunut kukkunersiuisunut, imm. 1-i naapertorlugu Erhvervsstyrelsen-i pisortatigoortumik nalunaarsuiveqassaaq. Nalunaarsuivimmi inuup aqqa, najugaa aamma ilinniakkatut taaguutaa pillugit allattuisoqartassapput.

§ 12. § 11, imm. 1-i malillugu nunami maani nalunaaruteqartut kukkunersiuisut, paasissutissat makkuusinnaasut, nunami pilersitsivigisimasaminni ilinniakkatut taaguutertik, nunami pilersitsivigisimasaminni pisortatigoortumik nalunaarsuivimmi nalunaarsugaanermut normu, nunami pilersitsivigisimasaminni momsimumut nalunaarsugaanermut normu aamma inuussutissarsiornermi akisussaaffimmik matussusiinissamut sillimmasiineq pillugit nalunaaruteqarnernik tiguisussanut paasissutissiisassapput.

Imm. 2. Imm. 1-i malillugu tunniunneqartussat paasissutissat pillugit maleruagassanik Erhvervsstyrelsen-i aalajangersaassaaq.

Kukkunersiuisutut suliffeqarfinnik akuersissuteqartarneq il.il.

§ 13. Kukkunersiuisutut suliffeqarfittut Erhvervsstyrelsen-ip akuerisarpai, taamaattoq takukkit imm. 7 aamma 8, sunaluunniit suliffeqarfik,

1) imm. 2 aamma 5-imi piumasaqaatinik kiisalu imm. 6 malillugu atulersinneqartuni maleruagassani piumasaqaatinik kiisalu ilumini aaqqissaaneq pillugu §§ 28 aamma 28 a-mi piumasaqaatinik naammassinnittoq, aamma

2) § 29 malillugu pitsaassutsimut nakkutilliineq pillugu maleruagassanut akuersisoq.

Imm. 2. Kukkunersiuinermik suliffeqarfinni taasisinnaatitaassutit amerlanersai ukiumoortumik naatsorsuutininik aamma naatsorsuutininik kattutanik kukkunersiuinermut inatsisitigut pisussaaffik pillugu Europa-Parlament-ip aamma Råd-ip malitassiaanik naammassinnittut maleruagassat malillugit akuerisaasunit kukkunersiuisunit imaluunniit kukkunersiuinermik suliffeqarfinnit pigineqassapput. Suliffeqarfimmi taasisinnaatitaassutit sinneri, immikkut tamarmik annerpaamik 10 pct.-inik atuisinnaapput. Taamaattoq killiliineq tamanna atuutinngilaq

1) inunnut, kukkunersiuinermik suliffeqarfimmi pingaarnertut suliffeqartunut,

2) kukkunersiuinermik suliffeqarfiup aqutsisuinik pisariaqartitsisunik, taamaallaallu inunnik nr. 1-ip ataani taakkartorneqartunik ilaasortaqaartunik, kukkunersiuinermik aktieselskabini, kukkunersiuinermik anpartsselskabini imaluunniit kukkunersiuinermik komanditaktieselskabini (kukkunersiuinermik peqatigiilluni ingerlatseqatigiiffinni) sulisunut peqatigiiffinnut, aamma

3) inunnut, sulisunut aaqqissuussinermut atatillugu kukkunersiuinermik aktieselskabini, kukkunersiuinermik anpartsselskabini imaluunniit kukkunersiuinermik komanditaktieselskabini (kukkunersiuinermik peqatigiilluni ingerlatseqatigiiffinni) taasisinnaatitaassutinik pissarsisimasunut.

Imm. 3. Taaguut »kukkunersiuinermik suliffeqarfik« imaluunniit tamatuminnga katiterineq, taamaallaat imm. 1-i malillugu akuerisaasunit kukkunersiuinermik suliffeqarfimmit atorneqarsinnaavoq.

Imm. 4. Kukkunersiuinermik suliffeqarfiit, taasisinnaatitaassutaasut amerlanersaannik, naalagaaffimmit akuerisaasunit kukkunersiuisunit imaluunniit naalagaaffimmit akuerisaasunit kukkunersiuinermik suliffeqarfinnit aammalu kukkunersiuisunit nalunaarsugaasunit imaluunniit kukkunersiuinermik suliffeqarfinnit nalunaarsugaasunit piginnittuuffiusut, kisimik »naalagaaffimmit akuerisaasoq kukkunersiuinermik suliffeqarfik« aammalu

»kukkunersiuinermik suliffeqarfik nalunaarsugaasoq« imaluunniit tamatuminnga, taaguummik, katitigaasumik, atuinissamut piginnaatitaapput. Taaguutit qallunaatuut, kalaallisuut imaluunniit allamiutuut tamatumunnga paarlaassisoorutaasinnaasut atorneqarnissaat inerteqqutaavoq.

Imm. 5. Kukkunersiuinermik suliffeqarfiup qutsinnerpaamik aqutsisoqarnikkut qullersaqarfiani ilaasortaasut amerlanersaat tassaassapput, ukiumoortumik naatsorsuutinik aamma naatsorsuutinik kattutanik inatsisitigut pisussaaffittut kukkunersiuineq pillugu Europa-Parlament-ip aamma Råd-ip malitassiaanik naammassinnittut maleruagassat malillugit akuerisaasut kukkunersiuisut imaluunniit kukkunersiuinermik suliffeqarfiit. Marloqiusamik aqunneqarnermik aqqissuussaasuni, ingerlatseqatigiiffinni, qitiusumik aqutsisoqarfimmut aammalu nakkutilliinermut aqutsisoqarfimmut, naggat siullermi allassimasut atuupput.

Imm. 6. Ingerlatseqatigeeriaatsini assigiinngitsuni kukkunersiuinermik ingerlataqarnermik suliaqarneq pillugu maleruagassanik sukumiinerusunik, ilaatillugit kukkunersiuinermik suliffeqarfiup taaguutaa, akiliisinnaajunnaarneq aamma akilersuiunnaarneq il.il., kukkunersiuinermik suliffeqarfimmi taasisinnaatitaanermik atuneq aamma akuersissummik toqqorsinermi imaluunniit toqusoqarnerani taasisinnaatitaassutinik tunniussineq pillugit maleruagassanik Erhvervsstyrelsen-i aalajangersaasinnaavoq.

Imm. 7. ilimagineqarpat suliffeqarfiup isumannaatsumik suliaq isumagisinnaanaviangikkaa, akuersissut itigartitsissutigineqarsinnaavoq.

Imm. 8. Suliffeqarfik, § 14, imm. 1-i naapertorlugu akuersissumminik atorunnaarsitsiffiusoq, § 14, imm. 2 malillugu arsaagaasimasoq, imaluunniit § 44, imm. 6, naggatit sisamaanni allassimasut malillugit allagartaajagaasimasoq, nutaamik akuerisaaleqqissinnaavoq taamaallaat akuersissummik atorunnaarsitsinermut imaluunniit arsaagaanermut pissutissaarussimappat, imaluunniit allagartaajagaanermut pissutaasoq qaangiussimappat imaluunniit atorunnaarsinneqarsimappat.

§ 13 a. § 2 naapertorlugu, ukiumoortumik naatsorsuutinik aamma naatsorsuutinik kattutanik inatsisitigut pisussaaffittut kukkunersiuineq pillugu Europa-Parlament-ip aamma Råd-ip malitassiaanik 2006/43/EF-imik, malitassiakkut 2014/56/EU-kkut allangortinneqartumik naammassinnittut maleruagassat malillugit EU-mi nunami allami imaluunniit EØS-imi nunami akuerisaasoq kukkunersiuinermik suliffeqarfik, aammalu § 1, imm. 2 malillugu nalunaaruteqartoq, § 2 naapertorlugu, kukkunersiuisunik aamma kukkunersiuinermik suliffeqarfinnik akuerisaasunut pisortatigoortumik nalunaarsuivimmi nalunaarsorneqassaaq.

Imm. 2. Imm. 1-imut ilaatinneqartut kukkundersiuinermik suliffeqarfiit, § 1, imm. 2 malillugu nalunaaruteqarnermik tunniussinermik sulineq aallartinneqartinnagu, allaatiginninnermik (anmeldelse-mik) Erhvervsstyrelsen-imut tunniussissapput.

Imm. 3. Imm. 1-imut ilaatinneqartut kukkundersiuinermik suliffeqarfinnik nalunaarsuinermit piumasagaatit, aammalu naalagaaffiup angerlarsimaffigisap oqartussaasuinik piginnaatitaasuinik nalunaarfiginninnissaq pillugit maleruagassanik sukumiinerusunik Erhvervsstyrelsen-i aalajangersaasinnaavoq.

§ 14. Kukkundersiuinermik suliffeqarfik § 13, imm. 2 aamma 5-imi piumasagaatinik, aammalu § 13, imm. 6 malillugu atulersinneqartuni maleruagassani piumasagaatinik naammassinnissinnaajunnaarpat, kukkundersiuinermik suliffeqarfittut akuersissut atorunnaartarpoq.

Imm. 2. § 29 malillugu pitsaassutsimut nakkutilliineq pillugu maleruagassanut malinnikkumanngippat kukkundersiuinermik suliffeqarfiup akuersissutaataa Erhvervsstyrelsen-imit arsaarinnissutigineqarsinnaavoq.

Imm. 3. Imm. 1-i malillugu kukkundersiuinermik suliffeqarfittut akuerissut atorunnaarsimappat, imm. 2 malillugu arsaarinnissutigineqarsimappat, imaluunniit § 44, imm. 6, naggatit sisamaanni allassimasut malillugit allagartaajagaassutaasimappat, kukkundersiuinermik suliffeqarfinnut akuerisaasunut pisortatigoortumik nalunaarsuivimmit suliffeqarfik piiarneqassaaq, tamatumalu kingorna § 13, imm. 3 naapertorlugu imminut »kukkundersiuinermik suliffeqarfittut«, imaluunniit § 13, imm. 4 naapertorlugu »naalagaaffimmit akuerisaasutut kukkundersiuinermik suliffeqarfittut« imaluunniit »kukkundersiuinermik suliffeqarfittut nalunaarsugaasutut« imaluunniit tamatuminnga katitikkanik naalisaanernilluunniit taaneqaqqusaajunnaassaaq.

EU-mi nunami allami imaluunniit EØS-imi nunami angerlarsimaffeqanngitsunik kukkundersiuisunik aamma kukkundersiuinermik suliffeqarfinnik nalunaarsuineq

§ 15. EU-mi nunami allami imaluunniit EØS-imi nunami angerlarsimaffeqanngitsut kukkundersiuisut aamma kukkundersiuinermik suliffeqarfiit, suliffeqarfimmullu nunami maani imaluunniit EU-mi nunami allami imaluunniit EØS-imi nunami angerlarsimaffeqanngitsumut, aammalu Kalaallit Nunaanni niuerfimmi maleruagassiugaasumi niuerutiginnissaannut immikkoortinneqarsimasunik nalilinnik pappiaraatilimmut, ukiumoortumik naatsorsuutit imaluunniit suliffeqarfissuup naatsorsuutai pillugit inerniliinermik oqaaseqaasiortut,

kukkunersiuisunut aamma kukkunersiuinermik suliffeqarfinnut akuerisaasunut pisortatigoortumik nalunaarsuivimmi nalunaarsorneqassapput.

Imm. 2. Kukkunersiuinermik inerniliinermik oqaaseqaat suliffeqarfimmut taamaallaat akiitsunut uppernarsaatinik atulersitsisartumut tunngassuteqarpat, akiitsunut uppernarsaatit atulersinneqarsimasut

1) imm. 1-i naapertorlugu 31. december 2010 tikitsinnagu niuerfimmut maleruagassiugaasumut immikkoortinneqareersimappata, taakkualu ataasiakkaatut nalingat ullormi atuutilersitsiffimmi minnerpaamik 50.000 euro-ppat, imaluunniit nunat allat aningaasaannik, ullormi atuutilersitsiffiusumi minnerpaamik 50.000 euro-nik naleqartutut akiitsunut uppernarsaatit pineqarpata, imaluunniit

2) imm. 1-i naapertorlugu ulloq 31. december 2010 imaluunniit kingusinnerusukkut niuerfimmut maleruagassiugaasumut immikkoortinneqareersimappata, taakkualu ataasiakkaatut nalingat ullormi atuutilersitsiffimmi minnerpaamik 100.000 euro-ppat, imaluunniit nunat allat aningaasaannik, ullormi atuutilersitsiffiusumi minnerpaamik 100.000 euro-nik naleqartutut akiitsunut uppernarsaatit pineqarpata, imm. 1-i atuutinngilaq.

Imm. 3. Kukkunersiuisunut aamma kukkunersiuinermik suliffeqarfinnut imm. 1-i malillugu nalunaarsorneqarsimasunut, tulluarsaanerit pisariaqartut ilaatillugit kapitalimi 9-mi aalajangersakkat taamatuttaaq atuupput.

Imm. 4. Imm. 3-mi aalajangersakkanut assingusunik, nunat peqataasut avataanniittumi nunami pisortatigoortunik nakkutilliinernut aaqqissuussinernik, pitsaassutsinut nakkutilliinernik kiisalu misissuinernut aammalu pissusissanik saneqqutsisunut pillaatissiissutinik atugassaqaartitaanera, illuatungeriittut akuereqatigiinneq apeqquaatillugu imm. 1-imi aamma 3-mi piumasagaatinit tamakkiisumik imaluunniit ilaannakortumik Erhvervsstyrelsen-i Kukkunersiuisumik imaluunniit kukkunersiuinermik suliffeqarfimmik pisussaatitsinngissinnaavoq.

Imm. 5. Imm. 1-i malillugu nalunaarsuinermit piumasagaatinik aamma piumasagaatit pillugit, aamma imm. 4 malillugu tamakkiisumik imaluunniit ilaannakortumik pisussaatitsinnginnissamut piumasagaatinut maleruagassanik Erhvervsstyrelsen-i aalajangersaassaaq.

Imm. 6. Kukkunersiuisumit imaluunniit kukkunersiuinermik suliffeqarfimmit tunniunneqartoq kukkunersiuinermit inerniliinermik oqaaseqaat, imm. 1-5-imut naapertorlugu nalunaarsorneqanngitsoq, inatsisitigut sunniuteqanngilaq.

Kapitali 3

Kukkunersiuisup ingerlatai il.il.

Kukkunersiuinissamik suliassamik akuersineq aamma nangitsineq

§ 15 a. Kukkunersiuinermik suliffeqarfik, kukkunersiuinermik suliassamik akuersitinnani imaluunniit nangeqqiitinnani,

1) § 24 naapertorlugu attuumassuteqanngissuseq pillugu piunasaqaatinik

naammassinninnini pillugu,

2) kukkunersiuinermik suliffeqarfiup aamma kukkunersiuisup attuumassuteqanngissusianut akorngutissaqarnerseq, taamaattoqarpallu akorngutissat tamakkua akiorniarlugit isumannaallisaatitut iliuusissani pillugit,

3) eqqortumik kukkunersiuinermik suliassamik suliaqarnissamut pisariaqartunik piginnaanilinnik sulisoqarnini, pisariaqartumik piffissaqarnini isumalluutinillu pisariaqartunik peqarnini pillugit, kiisalu

4) naatsorsuutitut kukkunersiuinermut inerniliinermut oqaaseqaatinik tunniussinissamut kukkunersiuisup akuerisaanera pillugu, nalilersuissaaq allakkiatigullu uppersaassalluni.

Imm. 2. Suliffeqarfeeqqanit saqqummiunneqartunik naatsorsuutitut kukkunersiuinermi imm. 1, nr. 3 aamma 4, atuutinngillat.

Imm. 3. Qularnaveeqqusikkanik nalunaaruteqarnissamut suliani imm. 1, nr. 1 aamma 2, taamatuttaaq atuupput.

Imm. 4. Suliffeqarfiit tamanit soqutigisaqarfigineqartut naatsorsuutaannik kukkunersiuinissamut piunasaqaatit immikkut ittut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi ilanngussaq 6-imut ilaatinneqartumut kukkunersiuinermik suliffeqarfimmu, ilanngussaq 1-i naapertorlugu tamanit soqutigisaqarfigineqartunik suliffeqarfinnik kukkunersiuinissamut piareersarnermut imm. 1-i taamatuttaaq atuuppoq.

Kukkunersiuisup atuuffii

§ 16. Kukkunersiuisoq, § 1, imm. 2 malillugu suliassat suliarineqarneranni tamani tatigeqatigiinnermut sinniisuvoq. Kukkunersiuisup kukkunersiuinermi ileqqut pitsaasut, ilaatillugit, suliat pissusaat apeqqutaatillugit eqqoqqissaartumik ingerlatsineq sukkassuserlu, naapertorlugit suliat suliarissavai. Tamatuma saniatigut kukkunersiuinermik ileqqut pitsaasut

ilagaat, suliassat ingerlannerini kukkunerisuiisoq inuussutissarsiutiginnittut qularnaarisinnaassuseqassasoq, najoqqutassianut aalajaatsuussasoq, kinaassusersiortuussanngitsoq, isertuussisinnaassuseqassasoq, inuussutissarsiutiginnittut pissuseqassasoq, inuussutissarsiutiginnittut piginnaaneqassasoq, pisariaqartumillu peqqissaartuulluni.

Imm. 2. § 1, imm. 2 malillugu suliassap piareersarnerani aamma suliarinerani, kukkunerisuiisoq, sammisami nalunaaruteqaatissami kukkusunik paasissutissinernik annertuunik ersersitsisunik pissutsinik atuuttoqarsinnaaneranik ilisimanninnermigut inuussutissarsiutiginnittut qularnaarisinnaassuseqassaaq. Kukkunerisuiunerup suliarinerani, kukkunerisuiisoq pingaartumik, suliffeqarfiup kukkunerisuiunneqartup ingerlatsinerninik nangitsinissamut periarfissaanut pingaaruteqartut, ullormut naligitinneqartut aamma pigisanik nalikilliliinerit, aningaasaliissamaarutit inissitat siunissamilu kaaviiartitsinissat pillugit aqutsisut naliliinerisa misissorneranni inuussutissarsiutiginnittut qularnaarisinnaassuseqassaaq.

Imm. 3. Imm. 1-i malillugu suliassat, taamaallaat kukkunerisuiunermik suliffeqarfinit suliarineqarsinnaapput, taamaattoq takukkit § 10, imm. 5, § 11 aamma § 17.

Imm. 4. Kukkunerisuiisoq, § 1, imm. 3 malillugu suliassat ingerlannerini, inuussutissarsiutiginnittut piginnaassuseqassaaq pisariaqartumillu peqqissaarussissalluni. Kukkunerisuiisoq, § 24 naapertorlugu attuumassuteqanngitsut inissisimangippat, tamanna nalunaaruteqarnermi ilisimatitsissutigineqassaaq.

Imm. 5. Ileqqorissaarnek, pilersaarusiorneq aamma kukkunerisuiunermik suliassat suliarineri aamma kukkunerisuiisup kukkunerisuiunermi inerniliinermik oqaaseqaammik saqqummiussinera pillugit, ilaatillugit, kunngip peqqussutaatigut Kalaallit Nunaannut atulersinneqartoq, ukiumoortumik naatsorsuutit pillugit inatsit naapertorlugu aqutsisut nalunaarutaat pillugit kukkunerisuiisup oqaaseqaasiai, aammalu qularnaveeqqusikkanik nalunaaruteqarnissamut suliassat allat suliarinissaat, aamma qularnaveeqqusikkanik nalunaarutinik allanik kukkunerisuiisup saqqummiussinera pillugit, Erhvervsstyrelsen-i maleruagassanik aamma pitsaassutsinik sukumiinerusunik aalajangersaasinnaavoq. § 1, imm. 2-mut ilaatinneqartut suliassat suliarinerinut atatillugu kukkunerisuiisut aamma kukkunerisuiunermik suliffeqarfiit qarasaasiakkut digitaliusumik atsiortarnermik imaluunniit assingusumik qarasaasiakkut atsiortarnermik atuisarnissaat, Styrelsen-ip aalajangersinnaavaa.

§ 17. (Kalaallit Nunaannut atuutilersinneqassanngilaq)

Kukkunersiuisup tunuarnera il.il.

§ 18. Kukkunersiuisoq, ukiumoortumik naatsorsuutitut kukkunersiuiinermut inerniliinermik oqaaseqaammik saqqummiussisuuguni il.il., kukkunersiuisup nutaap ikkunneqarnissaata tungaanut, inatsisini allamik allassimasoqanngippat, suliffeqarfiup malittarisassaanik imaluunniit isumaqatigiisummut tunngaviusunik allanik, kukkunersiuisup sulinera imaqarpoq. Kunngip peqqussutaatigut Kalaallit Nunaannut atuutilersinneqartumi ukiumoortumik naatsorsuutit pillugit inatsimmi § 135, imm. 1, naggatit aappaanni allassimasut naapertorlugit Erhvervsstyrelsens erklæringsstandard-it malillugit kukkunersiuiineq suliarineqarsimappat, taamaalillunilu kukkunersiuisoq annertusisamik misissuineq pillugu saqqummiisimappat, naggat siullermi allassimasut atuutinngillat.

Imm. 2. Imm. 1-i apeqqutaatinnagu, kukkunersiuiinermut ileqqut pitsaasut saneqqullugit tunuarnerunngippat, kukkunersiuisoq qaqugukkulluunniit tunuarsinnaavoq. Kukkunersiuisoq tunuarpat, kukkunersiuisoq atorfinitsitaasoq tunuartumut, tunuarnerminut pissutaasunik ilisimatitsinissaminut pisussaasumut, saaffiginnissaaq. Kukkunersiuisoq tunuartoq ukiumoortumik naatsorsuutitut nalunaarummik kingullermik il.il. saqqummiussisimannngippat, kukkunersiuisoq atorfinittoq nalunaarummik kingullermik saqqummiussisimasumut kukkunersiuisumut aamma saaffiginnissaaq. Kukkunersiuisoq tunuartoq aamma kukkunersiuisoq nalunaarummik kingullermik saqqummiussisimasoq, tamarmik, kukkunersiuisup atorfinittup, suliffeqarfik pillugu paasissutissanik attuumassutilinnik tamanik, kukkunersiuisup nalunaaruteqarnissaanut attuumassutilinnik pissarsinissaminut periarfissaqartinnissaanut pisussaaffeqarput.

*Kukkunersiuiinermut inerniliinermik oqaaseqaat imaluunniit qularnaveeqqusikkamik
nalunaaruteqarneq alla*

§ 19. Kukkunersiuisup kukkunersiuiineq naammassereeruniuk, naatsorsuutitut suliap suliarineqarnera aamma tamatumunnga inerniliineq pillugu kukkunersiuiinermut inerniliinermut oqaaseqaat kukkunersiuisup saqqummiutissavaa. Kukkunersiuisumit imaluunniit kukkunersiuisunit, imaluunniit, kukkunersiuiinermik suliffeqarfimmik toqqaasoqarsimatillugu, tassani kukkunersiuisumit imaluunniit kukkunersiuisunit suliamik ingerlatsisimasunit naggataagullu akisussaasuusunit, suliamik suliarinnittussatut

toqqarneqarsimasunit kukknersiuiinermut inerniliinermut oqaaseqaat saqqummiunneqassaaq. Naatsorsuutitut kukknersiuiinermut inerniliinermut oqaaseqaat, kukknersiuisunit akuerisaasunit allaanerusunik ilaqlarluni saqqummiunneqassaanngilaq, taamaattoq takujuk imm. 4.

Imm. 2. Inatsisini imaluunniit suliffeqarfiup malittarisassaani, naatsorsuutitut kukknersiuiinermut inerniliinermik oqaaseqaammik imaluunniit allanik qularnaveeqqusikkanik nalunaaruteqaatinik saqqummiussinissanut kukknersiuisunik arlalinnik toqqaasoqassasoq allassimappat, kukknersiuisut taakku kukknersiuiinermik suliffeqarfimmut ataatsimut attuumassuteqaqquusaanngillat.

Imm. 3. Imm. 2 malillugu, kukknersiuiinermut inerniliinermut oqaaseqaammik saqqummiussinissamut arlalinnik kukknersiuisunik toqqaasoqarsimappat, kukknersiuisut tamakku kukknersiuiinerup suliarineqartup inernera pillugu isumaqatigiissapput, kukknersiuiinermullu inerniliinermut oqaaseqaammik peqatigiillutik saqqummiussissallutik. Kukknersiuisut isumaqatigiissinnaanngikkunik, kukknersiuisut tamarmik immikkut, kukknersiuiinermut inerniliinermut oqaaseqaammi immikkoortumi immikkoortitami inerniliinermik oqaaseqaammik saqqummiussissapput isumaqatigiinngissutaasumullu pissutaasoq allaatigissallugu.

Imm. 4. Imm. 1-i apeqqutaatinnagu, naalagaaffiup naatsorsuutaanik il.il. kukknersiuiineq pillugu inatsimmut imaluunniit inatsisinut immikkut ittunut, kukknersiuiineq ilaatinneqarpat, tamakku malillugit naalagaaffimmi kukknersiuisoq, naalagaaffimmit akuerisaasumik imaluunniit nalunaarsugaasumik kukknersiuisumik peqateqarluni kukknersiuiinermik suliaqassalluni, kukknersiuisoq, naalagaaffimmi kukknersiuisoq peqatigalugu kukknersiuiinermut inerniliinermut oqaaseqaammik saqqummiussisinnaavoq.

Imm. 5. § 1, imm. 2 naapertorlugu kukknersiuiinermut inerniliinermut oqaaseqaammit allaanerusut qularnaveeqqusikkat nalunaaruteqaatit, taassumanga imaluunniit taakkunannga suliap suliarinissaanut toqqagaasunit kukknersiuisunit, imaluunniit, kukknersiuiinermik suliffeqarfimmik toqqaasoqarsimatillugu, tassani kukknersiuisumit imaluunniit kukknersiuisunit suliamik ingerlatsisimasunit naggataagullu akisussaasuusunit, atsiorneqassapput. Nalunaaruteqaatit kukknersiuisunit allaanerusut peqatigalugit saqqummiunneqarsinnaapput.

Kukknersiuiinermut allattaavik

§ 20. Tamanit soqutigisaqarfigineqartuni suliffeqarfinni, ilanngussaq 1-i naapertorlugu, suliffeqarfiit tamanit soqutigisaqarfigineqartut naatsorsuutaasa kukkunersiorneqarnerinut piomasaaqatit aalajangersimasut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi ilanngussaq 11, imm. 1-i naapertorlugu suliffeqarfiup kukkunersiugaasup siulersuisuinut imaluunniit nakkutilliisoqarfianut kukkunersiuinermut allattaavik aammattaaq saqqummiunneqassaaq.

§ 21. (Atorunnaarpoq)

Aningaasaqarnikkut pinerluttuliornerit pillugit nalunaarutit

§ 22. Kukkunersuisup § 1, imm. 2 aamma 3 malilugit suliassat suliarinerini paasiguniuk, suliffeqarfiup aqutsisuinut ilaasortat ilaannit ataatsimit imaluunniit arlalinnit, suliassap suliarineranut atatillugu aningaasaqarnikkut pinerluuteqartoqartoq imaluunniit pinerluuteqartoqarsimasoq, aammalu kukkunersuisup, aningaasat annertussusaannik annertuunut imaluunniit allatut ingasattumik ajussusilimmut pinerlunneq attuumassuteqartoq, tunngavissaqartumik ilimagiguniuk, kukkunersuisup ingerlaannaq aqutsisuni ilaasortat ataasiakkaat tamaasa tamatumingga ilisimatissavai. Ilisimatitsineq, kukkunersuisup ingerlataanut, kukkunersiuinermut allattaavimmut allanneqassaaq. Aqutsisut kingusinnerpaamik ullut 14-it tamatuma kingorna, tamatuma pinerluuteqarnerup nassatarisaanut ajoqusiinerit iluarsiniarnerinut aamma pinerluttuliorneq ingerlasoq unitsinniarlugu pisariaqartut iliuusissatut qisuariaatigalugit allakkiatigut uppersarsimangippassuk, kukkunersuisup, aningaasatigut pinerluuteqarnerit ilimagisani pillugit Aningaasatigut Immikkut Ittunik aamma Nunani Tamalaani Pinerluttulerinermut Naalagaaffiup eqqartuussisua ilisimatissavaa. Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugu iliuuserisassat pillugit inatsimmi (Kunngip peqqussutaatigut Kalaallit Nunaannut atuutilersinneqartumi Aningaasanik peqquserluutinik malunnarunnaarsaasarneq pillugu inatsimmi) maleruagassanut ilaatinneqartunut pissutsinut, oqaaseqatigiinni siullerni pingasuni allassimasut atuutinngillat.

Imm. 2. Kukkunersuisoq isumaqaruni, pinerluuteqarnerup ingerlaannarnissaanut pinngitsoortitsinissamut, aqutsisuni ilaasortanut ilisimatitsineq tulluarnavianngitsoq, aningaasaqarnikkut pinerluuteqarnerit ilimagisani pillugit Aningaasatigut Immikkut Ittunik aamma Nunani Tamalaani Pinerluttulerinermut Naalagaaffiup eqqartuussisua ingerlaannaq

ilisimatissavaa. Assigisaanik, aningaasaqarnikkut pinerluutitut suliffeqarfiup aqutsisuisa amerlanersaat peqataappata imaluunniit ilisimasaqarpata, tamanna ammaa atuuppoq.

Imm. 3. § 18, imm. 2 naapertorlugu kukkunersiuisoq tunuaruni, aammalu imm. 1, naggat siullermi allassimasuni eqqartorneqartutut ittunik pisoqarneranik pissutissaqartumik ilimagisaqarneranut atatillugu tamanna pippat, kukkunersiuisup tamanna pillugu aammalu tunuarnerminut pissutaasoq pillugu Aningaasatigut Immikkut Ittunik aamma Nunani Tamalaani Pinerluttulerinermut Naalagaaffiup eqqartuussisua ingerlaannaq ilisimatissavaa.

Imm. 4. Ingerlatseqatigiiffinni, marloqiusamik aqutsisoqarnikkut aaqqissuussaaffiusuni, suliffeqarfiup aqutsisuisa ilaasortai, qitiusumik aqutsisoqarfimmi ilaasortanik aammalu nakkutilliinermut ataatsimiititalimik ilaqarput.

Imm. 5. Ilanngussaq 1-i naapertorlugu suliffeqarfiit tamanit soqutigisaqarfigineqartut naatsorsuutaannik kukkunersiuinermut piumasaaqatit aalajangersimasut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi ilanngussaq 7-imi pisussaaffinnut kukkunersiuisup ilaatinneqarfiani, suliffeqarfimmut tamanit soqutigisaqarfigineqartumut ukiumoortumik naatsorsuutinik il.il. kukkunersiuinermi imm. 1-4-mut atuutinngillat.

Allakkiatigut uppernarsaatit

§ 23. Kukkunersiuisut aamma kukkunersiuinermik suliffeqarfiit, § 1, imm. 2 malillugu sulianut tamanut, nalunaaruteqaammut imaluunniit oqaaseqaammut saqqummiunneqartumut tunngaviusutut allakkiatut uppernarsaataasussanik suliap pappiarartaanik suliaqartassapput. Nalunaaruteqaatinut, kukkunersiuinermut allattaavinnut aamma naatsorsuutinut suliap pappiaratai aammalu assilineri, piffissamiit suliamut attuumassuteqartup nalunaaruteqaatip atsioreraniit ukiuni tallimani toqqortaatineqartassapput. Kukkunersiuisumut imaluunniit kukkunersiuinermik suliffeqarfimmut Erhvervsstyrelsen-i nalunaarfiginnissimappat, § 37-i malillugu misissuineramik styrelsen-i aallartitsisimasoq, § 40, imm. 1-i naapertorlugu misissuinerup inerneranik styrelsen-ip nalunaarnissaata tungaanut, misissuinermut attuumassuteqartut nalunaarusianut saqqummiunneqarsimasunut, kukkunersiuinermik allattaavinnut aamma naatsorsuutinut suliap pappiaratai aammalu assilineri, toqqorsivimmiitinneqassapput.

Imm. 2. Suliffeqarfissuup naatsortaanic saqqummiussisartut suliffeqarfiit piginnittut kukkunersiornerini, aammattaaq, suliffeqarfissuarmik kukkunersiuineq siunertaralugu

kukkunersiuisunit allanit suliarineqarsimasoq, kukkunersiuisimanermik suliamik ingerlanneqasimasoq, misissuisimaneq aamma naliliineq, suliamut pappiaqqat allakkiatut uppersartassavaat. Aammattaaq suliffeqarfissuup kukkunersiorneqarnerata ingerlannerani, kukkunersiuinermut tunngassutillit allakkiat uppersaatit attuumassutillit ingerlateqqinnissaannut, taakku kukkunersiuisut isumaqataanerat suliap pappiarartaasa uppersassavaat.

Imm. 3. Imm 2-mi, naggat siullermi allassimasut naapertorlugit suliffeqarfissuup naatsorsuutaanik kukkunersiuinissaq siunertaralugu kukkunersiuisunit allanit suliarineqarsimasut kukkunersiuisimanerit misissornissaannut aamma nalilernissaannut kukkunersiuisoq akornuseqqaneqaruni, tamatumunnga naleqquttunik iliuuseqassaaq Erhvervsstyrelsen-ilu tamatuminnga ilisimatissallugu.

Imm. 4. Suliffeqarfissuup naatsorsuutaanik kukkunersiuinermut pingaarutilik kukkunersiuinermik suliaq, kukkunersiuisumit ataatsimit arlalinnilluunniit imaluunniit kukkunersiuinermik suliffeqarfimmit EU-mi nunami, EØS-imi nunami imaluunniit EU-mit isumaqatigiissusiorfigineqarsimasumi imaluunniit Kalallit Nunaannut isumaqatigiissusiorsimasumi nunami allami angerlarsimaffeqanngitsumit suliarineqarsimappat, kukkunersiuisup imaluunniit kukkunersiuinermik suliffeqarfiup allakkiat uppersaataasut, ilaatillugit suliasap suliarineranut, suliap pappiarartaasa assilineri ataatsit toqqorsimasuutigissavai. Qinnuteqarnek malillugu kukkunersiuukkanut tamakkiisumik aamma killeqanngitsumik takunnissinnaaneq pillugu isumaqatigiissuteqartoqarsimappat imaluunniit allatut naleqquttumik iliuusissanik aalajangiisoqarsimappat, kukkunersiuisoq imaluunniit kukkunersiuinermik suliffeqarfik allakkianik uppersaatinik toqqorsimatitaqanngissinnaavoq.

Imm. 5. Kukkunersiuisoq imaluunniit kukkunersiuinermik suliffeqarfik, imm. 4 malillugu allakkianik uppersaataasunik pissarsinissaminut akornuseqqaneqarpat, tamanna akornuseqqaneqarnek suliap pappiarartaanik allakkiatut uppersaaserneqassaaq.

Imm. 6. § 48, imm. 5, nr. 2 naapertorlugu nunamik pineqartumik isumaqatigiissuteqartoqarsimappat, imm. 4 aamma 5-i atuutinngillat.

Kapitali 4

Kukkunersiuisup attuumassuteqannginnera

§ 24. Kukkuersiuisoq, kukkuersiuinermik suliffeqarfik kukkuersiuinermillu suliffeqarfimmi inuit allat, suliamut imaluunniit tamatuma suliarineqarneranut nakkutilliinermut attuumassutillit, § 1, imm. 2-mut ilaatinneqartut suliat suliarineqarneranni, suliffeqarfiup aalajangiisuutitaqarneranut akuussanngilaq, suliamullu attuumassuteqartumut suliffeqarfimmut attuumassuteqassanani. Suliassap piffissarititaani aammalu naatsorsuutit imaluunniit pissutsit pillugit nalunaaruteqarnissamut piffissarititap ingerlanerani, attuumassuteqannginneq piunasaqaataavoq. Suliassamut piffissarititaq, nalunaaruteqarnissamut suliassap suliarinerata aallartinnerani aallartittarpoq, nalunaaruteqaallu saqqummiunneqaraangat naasarluni.

Imm. 2. Ilaatillugit kukkuersiuisup attuumassuteqannginnera pillugu peqataasut avataanniittumik paasisimasaqarluartumik qulalersitsisinnaasumik, kukkuersiuisup aamma suliffeqarfiup akornanni, suliamut attuumassuteqartumik, § 1, imm. 2-mut ilaatinneqanngitsumik sullissinermik, aningaasaqarnikkut toqqaannartumik imaluunniit toqqaannanngitsumik soqutigisaqarnermik imaluunniit niueqatigiinnermik-, atorfinitsitsinermik imaluunniit allatut pissutsinik atuuttoqartillugu, kukkuersiuisoq attuumassuteqanngitsutut oqaatigineqarsinnaanngilaq. Taamatuttaaq suliamut attuumassutilinnik imaluunniit tamatuma suliarineqarneranik nakkutilliisunik, kukkuersiuinermik suliffeqarfik imaluunniit kukkuersiuinermik suliffeqarfiup attaveqarfiinik, aamma taanna suliamut attuumassutilik suliffeqarfik, kukkuersiuinermik suliffeqarfimmi inuit allat akornanni pissutsinik taamaattunik atuuttoqarpat tamanna atuuppoq.

Imm. 3. Ilaatillugit, imminut kukkuersiornermik, nammineq soqutigisanik, kinaassusersiornermik, inuttut qanigisanik, ilaatillugit ilaqutariinnermut tunngasunik, attuumassutinik imaluunniit qunutitsinernik, kukkuersiuisup imaluunniit kukkuersiuinermik suliffeqarfiup attuumassuteqannginneranut akornutaasinnaasoqartillugu, kukkuersiuisup imaluunniit kukkuersiuinermik suliffeqarfiup, akornutaasinnaasut tamakku annikillisinniarlugit isumannaallisaanermut iliuusissanik aalajangersaassaaq. Akornutaasinnaasoq, isumannaallisaanermut iliuusissanut aalajangersagaasunut naleqqiullugu imatut pissuseqarpat kukkuersiuisup imaluunniit kukkuersiuinermik suliffeqarfiup attuumassuteqannginnera ulorianartorsiortinneqarluni, kukkuersiuisup, § 1, imm. 2 malillugu suliassat suliarinissaat taamaattissavaa.

Imm. 4. Ilaatillugit akorngutit, isumannaallisaanermut iliuusissat aammalu pisut kukkuersiuisup imaluunniit kukkuersiuinermik suliffeqarfiup attuumassuteqanngitsutut

oqaatigineqarsinnaangiffii, imm. 2 aamma 3-mut ilaatinneqartut pissutsit pillugit maleruagassanik Erhvervsstyrelsen-i aalajangersassaaq.

Imm. 5. Kukkuersiuisut suliassap suliarineranut atatillugu suliarisami pappiarartaanni, kukkuersiuisup aamma kukkuersiuinermik suliffeqarfiup attuumassuteqannginneranut akorngutaasinnaasut pingaarutillit tamaasa aammalu akorngutaasinnaasut tamakku annikillisarmlarlugit isumannaallisaatit iliuusissatut aalajangersakkat allakkiatut uppersaasertassagaat kukkuersiuinermik suliffeqarfiit qulakkiissavaat.

Imm. 6. naatsorsuuserinerup nalaani suliffeqarfimmit allamit tiguneqartumut, allamut kattunneqartumut imaluunniit allamik tiguisumut suliffeqarfimmut kukkuersiuineq kukkuersiuisup ingerlakkuniuk, isumannaallisaanerit pissarsiarineqarsinnaasut eqqarsaatigalugit, kattunermut- imaluunniit tiguisinermut ullup kingorna, kukkuersiuisup attuumassuteqannginneranik aamma kukkuersiuinermik ingerlatseqqinnissamik pisinnaaneranik ulorianartorsioertitsisinnaasut, ilaatillugit, suliffeqarfimmut pineqartumut kukkuersiuinermik allaanerusut kiffartuussinerusinnaasut allat tunniunneqarnerat, kukkuersiuisup, siusinnerusuklut aammalu maanna soqutigisarineqartut imaluunniit attuumassuteqarfigneqartut tamaasa, suussusersissavai nalilerlugillu.

Imm. 7. Kukkuersiuisoq piaarnerpaamik aammalu kingusinnerpaamik qaammatit pingasut iluanni, imm. 6-i naapertorlugu kukkuersiuisup attuumassuteqannginneranik ulorianartorsioertitsisinnaasut, maanna soqutigisarfigineqartut imaluunniit attuumassuteqarfigneqartut naammassiniarlugit, iliuuserineqartussat pisariaqartut tamaasa aalajangiutissavai. Aammattaaq, siornagornisat aamma maanna atuuttut soqutigisarist aamma attuumassuteqarfisat kingunerisaannik, nammineq attuumassuteqanngissutsiminut akorngutaasinnaasut annikillisinmlarlugit kukkuersiuisup isumannaallisaanermut iliuusissat aalajangiutissavai.

§ 24 a. Ilanngussaq 1-i naapertorlugu suliffeqarfiit tamanit soqutigisakarfigineqartut naatsorsuutaannik kukkuersiuisarnermut piumasqaatit aalajangersimasut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi ilanngutassiami, imm. 1-i apeqqutaatinnagu, tamanit soqutigisakarfigineqartut suliffeqarfiit naatsorsuutaannik kukkuersiuisuusup, kukkuersiuisup imaluunniit kukkuersiuinermik suliffeqarfiup, kukkuersiuinermik sullitamut aammalu suliffeqarfimmut piginnittuanut- aamma pigisaanut suliassat tulliuuttut sullississutigisinnaavai:

1) Akileraartarnermi makkununga tunngassutillit

- a) akileraartarnermut tunngassutilinnik immersugassanik suliaqarneq,
 - b) pisortanit tapiissutinik aamma akileraarnissamut kajumississutinik tikkuussineq,
 - c) akileraartarnermut nakkutilliisoqarnermut atatillugu ikiuunneq aamma
 - d) akileraartarnermut inatsisinik atuineq pillugu akileraarnermut siunnersuinissaq aamma
- 2) ilaatillugit, sillimmasiisarfiit nalilersuisartuisa sullissinerinik aamma eqqartuussinernut tapertaanernut atatillugu naliliinerit, naliliinernik sullissinerit.

Imm. 2. Imm. 1-i malillugu suliassat sularinissaannut,

- 1) suliassat tamarmik immikkut imaluunniit kattusimallutik, naatsorsuutitut kukkunersiorneqartunut sunniuteqassanngitsut imaluunniit taamaallaat pingaaruteqanngitsumik sunniuteqassasut,
- 2) naatsorsuutitut kukkunersiugaasunut sunniutaannik naliliineq, allakkiatigut uppernarsaaserluagaassasoq aamma Ilanngussaq 1-i naapertorlugu suliffeqarfiit tamanit soqutigisaqarfigineqartut naatsorsuutaannik kukkunersiuisarnermut piumasaqaatit aalajangersimasut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi ilanngutassiaq, imm. 11-i naapertorlugu Kukkunersiuisut pillugit Ataatsimiititaliamut aamma siulersuisunut, kukkunersiuinermut allattaavimmi nassuiagaassalluni, aamma
- 3) § 24-imi attuumassuteqannginnissaq pillugu piumasaqaatit kukkunersiuisup aamma kukkunersiuinermik suiffeqarfiup naammassisimassagai, piumasaqaataavoq.

§ 24 b. Kukkunersiuisumit imaluunniit kukkunersiuinermik suliffeqarfimmit peqquteqartumik qinnuteqarneq malillugu, Erhvervsstyrelsen-i qaqutiguuissumik, aammalu pissutsit immikkorluinnaq ittut atuutsillugit pisariaqartitsisoqartillugu, ilanngussaq 1-i naapertorlugu suliffeqarfiit tamanit soqutigisaqarfigineqartut naatsorsuutaannik kukkunersiuisarnermut piumasaqaatit aalajangersimasut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi ilanngutassiaq 4, imm. 2-mi killilersuummut kukkunersiuisoq imaluunniit kukkunersiuinermik suliffeqarfik pisussaatinngissinnaavaa.

Imm. 2. Imm. 1-i malillugu pisussaatisinnginneq sivilunerpaamik ukiumut naatsorsuusiorfiusumut ataatsimut tunniunneqarsinnaavoq.

§ 24 c. Taanna imaluunniit taakku kukkunersiuisut, suliffeqarfimmi kukkunersiuinermut inerniliinermik oqaaseqaammut atsiortuusut, pineqartup kukkunersiuisutut tunuarnerup kingorna ukioq ataaseq qaangiutsinnagu, aqutsisutut atorfimmik tiguseqqusaanngillat

imaluunniit siulersuisuni imaluunniit nakkutilliisoqarfimmi imaluunniit kukkundersiuinermik ataatsimiititaliami ilaasortanngoqqusaanatik. Kunngip peqqussutaatigut Kalaallit Nunaannut atuutilersinneqartumi ukiumoortumik naatsorsuutit pillugit inatsimmi § 135, imm. 1, naggatit aappaanni allassimasut naapertorlugit, Erhvervsstyrelsen-imi nalunaaruteqartarnermut pitsaassutsit (erklæringsstandard-it) malillugit kukkundersiuineq suliarineqarsimappat, oqaaseqatigiinni siullerni allassimasut atuutinngillat. Kukkundersiuinermut inerniliinermik oqaaseqaat, tamanit soqutigisaqarfigineqartumut suliffeqarfimmut attuumassuteqarpat, oqaaseqatigiinni siullerni allassimasut malillugit inerteqqut, ukiuni marlunni atuuppoq.

Imm. 2. Kukkundersiuinermik suliffeqarfimmut attuumassutilinnut kukkundersiuisunut tamanut, aammalu kukkundersiuinermut toqqaannartumik attuumassuteqarsimasunut, imm. 1, oqaaseqatigiit siullerni allaassimasut atuupput.

§ 25. Taanna imaluunniit taakkua kukkundersiuisut, imm. 2-mi eqqaaneqartutut suliffeqarfimmut kukkundersiuinermik inerniliinermik oqaaseqaammik atsiortoq imaluunniit atsiortut, suliassamut toqqaasimanerisa kingusinerpaamik ukiut arfineq marluk kingorna, piffissarititamik minnerpaamik ukiunik pingasunik sivisussusilimmik taarserneqartassasut, kukkundersiuinermik suliffeqarfiup aamma kukkundersiuisup qulakkiissavaa.

Imm. 2. Suliffeqarfiit, § 1, imm. 1, nr. 3-mut ilaatinneqanngitsut, kisianni naatsorsuusiorfiusuni imminnut malittuni ukiuni marlunni, atugassarititaasunik tulliuttunik marlunnik amerlanerusunilluunniit qaangiisut, atugassarititaasunik naammassinnikkunnaarnissartik tikillugu, imm. 1-imut ilaatinneqarput:

- 1) Inunnik 2.500-nik sulisullit,
- 2) pigisat akiitsullu oqimaaqatigiinnerat 5 mia. kr.-ulluni aamma
- 3) ilanngaatit peereerlugit 5 mia. kr.-nik kaaviiartitaqarneq.

Imm. 3. Imm. 2 malillugu annertussutsinik naatsorsuinermi § 1 a, imm. 2 aamma 3 atuupput.

§ 26. Kukkundersiuisoq, § 1, imm. 2 malillugu suliat suliarinerinut

- 1) suliaminut naleqquttutut isigineqarsinnaasumit annerusumik akilerneqaqqunermik, imaluunniit
- 2) suliavit suliarineqartumit pissutsinik allaanerusunik apeqquserlugu akissarsisinneqarnissami annertussusaata inissinneqarnissaanik piunasaqaateqaqqusaanngilaq.

Imm. 2. Kukkunersiuisoq imaluunniit kukkunersiuinermik suliffeqarfimmi inuit allat, suliassamut attuumassutillit imaluunniit tamatuma sularineqarneranik nakkutilliisut, tamatuma peqatigisaanik suliakkiisumit tassannga nakkutilliisitaaguni imaluunniit § 1, imm. 2 malillugu suliassamut attuumassuteqaruni, imm. 1-imi aalajangersagaq suliat allat pillugit akissarsiaqarnernut aammattaaq atuuppoq.

Kapitali 5-i

(Atorunnaarpoq)

§ 27. *(Atorunnaarpoq)*

Kapitali 6-i

Suliffeqarfiup iluani aaqqissuussineq, pitsaassutsimik aqutsineq aamma pitsaassutsimik nakkutilliineq

§ 28. Kukkunersiuinermik suliffeqarfik ilumini, ilaatillugit pitsaassutsimut aqutsinermik, suliffeqarfiup aamma kukkunersiuisup attuumassuteqanngitsuuneranik aamma kinaassusersiortuunnginneranik akornusiisinnaasut pinngitsoortinnissaat kiisalu nalunaaruteqartarnermi suliassat sularineranni pitsaassutsimik, innarlerneqarsinnaangissusermik peqqissaarnermillu qulakkeerinissaq siunertaralugu, aaqqissuussaassaaq. Oqaaseqatigiinni siullerni allassimasut eqquutsinnissaannut atatillugu, kukkunersiuinermik suliffeqarfiup suliffeqarfiup angissusaa aammalu ingerlatsinermut tunngasut ilusilersuutaasut aamma attaveqaaqatigiinnermut ilaaffeqarnersoq eqqarsaatigissavai.

Imm. 2. Kukkunersiuinermik suliffeqarfiup imm. 1-imi piumasaqaatinik naammassinnineq, ilaatillugu pitsaassutsimut aqutsinermik aaqqissuussamik atuineq, allakkiatigut uppernarsaasersinnaassavaa.

Imm. 3. Suliffeqarfiup iluani aaqqissuussinermut aamma pitsaassutsimut aqutsinermut aaqqissuussinerup imarisaa pillugu aamma tamatuminnnga atuinermut allakkiatigut uppernarsaasersuinermut piumasaqaatit pillugit maleruagassanik sukumiinerusunik Erhvervsstyrelsen-i aalajangersaassaaq.

§ 28 a. Kukkunersiuinermik suliffeqarfik pitsaassutsimut aqutsinermut aaqqissuussinermiut atatillugu, sulisunut aqutikkut immikkut ittukut, unioqqutitsinermik imaluunniit

kukkunersiuinermut inatsisinik maleruagassiugaanerani unioqqutitsiffiusinnaasumik nalunaarutiginniffiusinnaasumik aaqqiinermik peqassaaq. Aaqqiinermut nalunaaruteqartarneq kinaassutsimik isertuussinertut suliarineqarsinnaassaaq.

Imm. 2. Sulisup imm. 1-i malillugu unioqqutitsinermik imaluunniit kukkunersiuinermut inatsisinik maleruagassiugaanerani unioqqutitsiffiusinnaasumik nalunaarutiginninnerata nassatarisaanik, kukkunersiuinermik suliffeqarfiup sulisuni iluaqutissaanngitsumik pissusilersorfigissaanngilaa imaluunniit iluaqutissaanngitsumik kinguneqartitsivigissaanngilaa.

Imm. 3. taamaallaat kukkunersiuusumik ataatsimik attuumassutilimmik, imaluunniit kukkunersiuinermik suliffeqarfinnut, taamaallaat naatsorsuutit kukkunersiornerinik allaanerusunik suliaqartunut imm. 1-imi aalajangersagaq kukkunersiuinermik suliffeqarfimmut atuutinngilaq.

§ 29. Kukkunersiuinermi suliffeqarfik aamma tassani sulisorineqartut kukkunersiuusut pisussaapput pitsaassutsimik nakkutigineqarnissamut akuersaassallutik. Pitsaassutsimik nakkutilliineq §§ 34-35 b-mi maleruagassat naapertorlugit suliarineqassaaq.

Imm. 2. §§ 28 aamma 28 a naapertorlugu pitsaassutsimik nakkutilliineq, pitsaassutsimut aqutsinermut aaqqissuussinermik, kiisalu tamatuma suliarinerani aamma § 1, imm. 2 malillugu kukkunersiuusup suliarisaanut suliaassanut atatillugu attuumassuteqannginnermik naliliinermik ilaqarpoq.

Imm. 3. Kukkunersiuinermik suliffeqarfinni, akunnattumik angissusilinnit suliffeqarfinnit aamma suliffeqarfissuarnit saqqummiunneqartunik naatsorsuutini kukkunersiuusartuni, akuttunerpaamik ukiunik arfinilinnik akuttussusilimmik pitsaassutsimut nakkutilliineq suliarineqartassaaq. Kukkunersiuinermik suliffeqarfinni allani, § 1, imm. 2 malillugu nalunaaruteqaatinik saqqummiussisartuni, pitsaassutsimut nakkutilliineq, navianaatinik misissueqqissaarneq tunngavigalugu, suliarineqartassaaq. Ilanngussaq 1-i naapertorlugu suliffeqarfiit tamanit soqutigisaqarfigineqartut naatsorsuutaannik kukkunersiuinermut piumasagaatit aalajangersimasut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi ilanngutassiami nr. 2-mut ilaatinneqartut kukkunersiuinermik suliffeqarfiit pitsaassutsimut nakkutigineqarnerannut oqaaseqatigiinni siullerni allasimasut atuutinngillat.

Imm. 4. Kukkunersiuinermik suliffeqarfiup, pitsaassutsimik nakkutilliinermik aqqusaarneqartup, Erhvervsstyrelsen-ip aamma pitsaassutsimik misissuisup pisariaqartutut isigineqartunik misissuinernik suliaqarnissaannut periarfississavai, pitsaassutsimillu

misissuinerup ingerlannissaanut Erhvervsstyrelsen-ip aamma pitsaassutsimik misissuisup pisariaqartutut isigisaannik paasissutissanik aamma ikiuunnermik pisariaqartutut isigisaannik pissarsinissaat isumagissallugu. Kukkuersiuiuermik suliffeqarfimmut attuumassutillit kukkuersiuisut, Erhvervsstyrelsen-imut aamma pitsaassutsimik misissuisumut assingusumik pisussaaffeqarput.

Imm. 5. § 1, imm. 5, imaluunniit § 1 a, imm. 1, nr. 3 malillugit atuutilersinneqartunut maleruagassanut ilaatinneqartut suliffeqarfiit naatsorsuutaannik kukkuersiuisartumik kukkuersiuiuermik suliffeqarfimmik pitsaassutsimik nakkutilliinermi, kukkuersiuiuermik suliffeqarfiup attavigisartagaanut ilaasut, suliffeqarfiit, pitsaassutsimik misissuinissap suliarinissaanut pisariaqartunut paasissutissanut Erhvervsstyrelsen-i aamma pitsaassutsimik misissuisartoq takunnissinnaatissavaat.

Imm. 6. Erhvervsstyrelsen-ip aamma pitsaassutsimik misissuisartup imm. 5-i malillugu paasissutissanik takunnissinnaaneq pillugu qinnuteqarneratigut, pitsaassutsimik misissuinermut ilaatinneqartumi kukkuersiuiuermik suliffeqarfiup attaveqaqatigiiffigisaani tassani ilaasumi suliffeqarfimmi siulersuisunut, pisortaqarfimmi imaluunniit assingusumi aqutsisoqarfimmi ilaasortanut taamatutaaq § 42 atuuppoq.

Imm. 7. § 13 a-mut ilaatinneqartoq kukkuersiuiuermik suliffeqarfik, maani nunami saqqummiunneqartunik § 1, imm. 2-mut ilaatinneqartunik nalunaaruteqaatinik pitsaassutsimik nakkutilliivigineqarnissamut akuersinissamut pisussaaffeqarpoq.

Kapitali 7-i

Kukkuersiuisup nipangiussisussaataitaa

§ 30. Taamatutaaq pinerluttulerinermi inatsimmi §§ 48-55-imut kukkuersiuisunut atuupput. Taamatutaaq taakkua sulisui eqqarsaatigalugit, pinerluttulerinermi inatsimmi §§ 48 aamma 50-54-imut atuupput.

Imm. 2. Pinerluttulerinermi inatsimmi §§ 50-54-imi aalajangersakkat apeqqutaatinnagit, suliffeqarfimmi pigineqartumi kukkuersiuisup, suliffeqarfimmi piginnittuusumi suliffeqarfissuarmut kukkuersiuisuusumut paasissutissat ingerlateqqissinnaavai.

Kapitali 8

Kukkuersiuisut pillugit Ataatsimiititaliaq

§ 31. Suliffeqarfiit tamanit soqutigisaqarfigineqartut Kukkunersuisut pillugit Ataatsimiititaliamik pilersitsissapput, taamaattoq takukkit imm. 5, 6, 8 aamma 9. Ataatsimiititaliaq suliffeqarfiup siulersuisuini ilaasortanik, tamatumunnga peqatigitillugu suliffeqarfiup pisorta qarfiani, imaluunniit nakkutilliisoqarnermik siunnersuisoqatigiinni imaluunniit inunnik suliffeqarfiup ataatsimeersuarnerani qinigaasimasunut imaluunniit ataatsimiititaliami ilaasortatut aqutsisoqarfimi assingusumi ilaasortaangitsunik, inuttaligaassaaq. Ataatsimiititaliami ilaasortat amerlanerussuteqartut, ilaatillugu siulittaasoq, suliffeqarfiup siulersuisuini imaluunniit nakkutilliisoqarnermik siunnersuisoqatigiinni ilaasortaannarnik ataatsimiititaliaq inuttaqangippat, attuumassuteqassanngillat. Ilaasortaq minnerpaamik ataaseq, naatsorsuuserinermik ingerlatsinerup imaluunniit kukkunersuiunerup iluanni piginnaasaqassaaq. Ataatsimiititaliami siulittaasoq ataatsimiititaliami ilaasortanik, siulersuisunit, nakkutilliisoqarnermik siunnersuisoqatigiinnit imaluunniit suliffeqarfiup ukiumoortumik ataatsimeersuarnerani qinigaassaaq. Taasisut amerlaqatigiinnerini makitsinikkut qinersineq aalajangiivigineqassaaq. Ataatsimiititaliami ilaasortat katitikkatut isigalugit, suliffeqarfiup suliassa qarfianut attuumassutilimmik piginnaasaqassapput.

Imm. 2. Inuk ataatsimeersuarnermit imaluunniit aqutsisoqarfimmit assingusumit taasisitsinikkut Kukkunersuisut pillugit Ataatsimiititaliamut ilaasortaasussatut qinigaasimasoq, suliassami suliarinerani, Kukkunersuisut pillugit Ataatsimiititaliami ilasortatut, aammattaaq suliffeqarfiup siulersuisuinut imaluunniit nakkutilliinermut siunnersuisoqatigiinnut ilaasortatut maleruagassiunermit tassunga ilatinneqarpoq.

Imm. 3. Kukkunersuisut pillugit Ataatsimiititaliap suliassai minnerpaamik tulliuttunik imaqassapput:

- 1) Inatsisitigut pisussaaffittut kukkunersuiunerup, ilaatillugu naatsorsuutunik saqqummiussinissamut ingerlatsinerup ineneri pillugit kattusimasoq aqutsisoqarfik qaffasinnerpaaq nalunaarfigissallugu,
- 2) naatsorsuutunik saqqummiussinissamut ingerlatsineq alaatsinaassallugu aammalu ilumoortuunermik innarlerneqarsinnaanngissutsip qulakkeernissaanut piumasqaateqartassalluni imaluunniit siunnersuuteqartassalluni,
- 3) attuumassuteqanngissusaa innarlingikkaluarlugu suliffeqarfimmi naatsorsuutunik saqqummiussineq eqqarsaatigalugu suliffeqarfiup ilumini nakkutilliinermut aaqqissuussaanera, immi kukkunersuiunerussaaneq aamma navianaatinik aqutsinermut aaqqissuussartai pissusissamissut atuunnersut alaatsinaassallugit,

4) inatsisitigut pisussaaffittut ukiumoortumik naatsorsuutinin kukkunersiuineq il.il. alaatsinaassallugit, kukkunersiuinermik suliffeqarfimmik pitsaassutsimut nakkutilliineq kingusinnerpaaq eqqarsaatigiitigalugu,

5) §§ 24-24 c kiisalu ilanngussa 1-i naapertorlugu tamanit soqutigisaqarfigineqartut suliffeqarfiit naatsorsuutaannik kukkunersiuinermut piunasaqaatit aalajangersimasut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi ilanngutassiaq 6 naapertorlugit kukkunersiuisup attuumassuteqannginnera nakkutigissallugu aamma alaatsinaassallugu, aamma peqqussummi matumani ilanngutassiaq 5 naapertorlugu kukkunersiuinermik allaanerusunik kiffartuussinernik kukkunersiuisup tunniuttagaanik akuersissuteqartassalluni, aamma

6) Ilanngussa 1-i naapertorlugu tamanit soqutigisaqarfigineqartut suliffeqarfiit naatsorsuutaannik kukkunersiuinermut piunasaqaatit aalajangersimasut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi ilanngutassiaq 16 naapertorlugu kukkunersiuisumik qinigassanik toqqaanermik aamma innersuussinernik ingerlatsinermut akisussaassalluni, taamaattoq takujuk imm. 4.

Imm. 4. Suliffeqarfik, qinigassanngortitsinissamut ataatsimiititalialik, aningaasaatinik piginnittut imaluunniit suliffeqarfimmut peqataasut annertuumik sunniisinnaassuseqartut, kukkunersiuisussamillu qinersinissamut innersuussanik saqqummiussinissamik suliaqartussaq, imm. 3, nr. 6-i malillugu suliassap ataatsimiititaliamut isumagitinnissaa toqqarsinnaavaa.

Imm. 5. Suliffeqarfiit imm. 1, naggat siullermi allasimasunut ilaatinneqartut, kukkunersiuinermik ataatsimiititaliamit suliarineqartartut, kattusimasumit aqutsisoqarfimmit qullerpaamit suliarineqarnissaat toqqarsinnaavaat. Siulersuisunut ilaasortat arlaannaalluunniit tamatumunnga peqatigitillugu pisortanut ilaasortaassanngitsoq, minnerpaamillu pisortanut qullerpaanut ilaasortaq ataaseq naatsorsuuserinermut imaluunniit kukkunersiuinermut piginnaasaqassasoq, tamatumunnga piunasaqaataavoq.

Imm. 6. Qaammatisiutini ukiuni qaangiuttuni pingasuni agguaqatigiissillugu, suliffeqarfiup niuernerme nalingata, ukiup naanerani, aningaasanut naligitinneqartoq tunngavigalugu 100 mio. euro ataasimappagu, imaluunniit suliffeqarfiup, piffissami naatsorsuutininut oqimaaqatigiissitsiffiusumi ukiuni naatsorsuuseriffiusuni imminnut malittuni marlunni, annertussutsit tulliuuttut ilaat marluk qaangersimanngippagit, suliffeqarfiup siulersuisuinut siulittaassuata pisortanut ilaasortaannngitsup, kukkunersiuinermik ataatsimiititaliamit

suliarineqartartut, kattusimasumit aqutsisoqarfimmit qullerpaamit suliarineqarnissaat toqqarsinnaavaa:

- 1) Piffissaq tamakkerlugu sulisorineqartut 250-it,
- 2) oqimaaqatigiissitsinermi 43 mio. euro aamma
- 3) ilanngaait peereerlugit kaaviiartitat 50 mio. euro.

Imm. 7. Imm. 5-i aamma 6-i naapertorlugit, suliffeqarfinni, kukkunersiuinermik ataatsimiititaliamit suliarineqartartut, kattusimasumit aqutsisoqarfimmit qullerpaamit suliarineqartut, tamanna pillugu ukiumoortumik nalunaarusiami ilisimatitsissutigineqassapput.

Imm. 8. Suliffeqarfiit tulluuttut, imm. 1-7-imut malillugit kukkunersiuinermik ataatsimiititaliamik pilersitsissallutik piussaataaangillat:

- 1) Suliffeqarfinnit piginnittuusunit kukkunersiuinermik ataatsimiititaliamik pilersitsinissaq pillugu piumasaqaatinut ilaatinneqartunit, suliffeqarfiit pigineqartut.
- 2) Aningaasaliinermik peqatigiiffiit.
- 3) Aningaasaliinermik aningaasaateqarfiit allat aqunneqartarnerat pillugu Europa-Parlament-ip aamma Råd-ip malitassiaani 2011/61/EU, 8. juni 2011-meersumi ilanngutassiaq 4, imm. 1, naqinneq a-mi isumasiuuserneqartutut aningaasaliinermik aningaasaateqarfiit¹ allat.
- 4) Paasissutissaasiveqarfinni² paasissutissat pillugit Kommission-ip peqqussutaani (EF) nr. 809/2004-meersumi ilanngutassiaq 2, nr. 5-imi isumasiuuserneqartutut pigisani qularnaveeqqusikkanik pappiaqqanik nalilinnik atulersitsinissamik taamaallaat siunertallit, suliffeqarfiit.
- 5) Piginneqatigiissutaasut, EU-mi imaluunniit EØS-imi nunami niuffaffimmi maleruagassiugaasumi nioqqutigineqarnissaannut immikkoortinneqarsimanngippata, aamma soorlu, niuffaffimmi maleruagassiugaasumi nioqqutigineqarnissaannut immikkoortinneqarsimasut (naalagaaffimmut piginneqataassutit) obligation-it atuutilersinneqarnerisut ingerlaavartumik imaluunniit pisaqattaartumik obligation-iinnarnik atuutilersitsisoqarsimaneratut pisuni, obligation-it taamaattut aningaasaliissutaasimasut kisitsisaasa katillutik nalingisa 100 mio. EUR ataasimassagaat, aamma suliffeqarfiit eqqaaneqartut, tamanut saqqummiussassamik paasissutissiiveqarfiit pillugit Europa-Parlament-ip aamma Råd-ip malitassiaa 2003/71/EF, 4. november 2003-meersoq naapertorlugu tamanut nalunaaruteqarsimannginnissaat

piumasaqaataalluni, pappiaqqat nalillit tamanut tuniniagaalerpata imaluunniit nioqputiginissaannut³ immikkoortinneqarsimappata, Kunngip peqqussutaatigut Kalaallit nunaannut atulersinneqartoq aningaaseriveqarfiit pillugit inatsimmi § 5, imm. 1, naqinneq a-mut imaluunniit b-mut ilaatinneqartut aningaaseriveqarfiit.

Imm. 9. Suliffeqarfik, imm. 8, nr. 4 malillugu Kukkuersuisut pillugit Ataatsimiititaliamik pilersitsinariani aalajangertoq, ukiumoortumik nalunaarusiamini, Kukkuersuisut pillugit Ataatsimiititaliap suliassaanik suliaqarnermut akisussaaffilimmik, Kukkuersuisut pillugit Ataatsimiititaliamik, siulersuisunik imaluunniit nakkutilliisoqatigiinnik pisariaqartitsinnginnermut pissutigineqartutut isigineqartut nalunaarusiarissavai.

Kapitali 9

Pisortatigoortumik nakkutilliineq il.il.

Nalinginnaasut

§ 32. Kukkuersuisunik aamma kukkuersuiuineramik suliffeqarfinnik nakkutilliinermut Erhvervsstyrelsen-i akisussaasuvoq.

Imm. 2. Nakkutilliisoqarfimmi aqutsisut, inatsisit malillugit kukkuersuisussaataitanermut attuumassutillit susassaqarfiit iluanni pissutsinut ilisimasaliussapput, tamatumingalu suliaqarnermini imaluunniit ukiut kingulliit pingasut ingerlaneranni

1) inatsisit malillugit kukkuersuisussaataitanermik suliaqassanani imaluunniit suliaqarsimassanani,

2) kukkuersuiuineramik suliffeqarfimmi taasisinnaatitaassanani imaluunniit taasisinnaatitaasimassanani,

3) kukkuersuiuineramik suliffeqarfimmi siulersuisuinut, aqutsisunut imaluunniit nakkutilliisoqarfianut ilaasortaassanani imaluunniit ilaasortaasimassanani imaluunniit

(. (Fodnoteteksterne til ¹ og ² mangler)

³ Malittarisassiamut 2003/71/EF-imut innersuussutit, pappiaqqat nalillit tamanut neqeroorutigineqaraangata imaluunniit niuffaffimmi maleruagassiugaasumi nioqputigineqarnissaannut immikkoortinneqaraangata, tamanut saqqummiunneqartussa q pilersaarussiaq pillugu, aamma malittarisassiamik 2003/71/EF-imik atorunnaarsitsineq pillugu, Europa-Parlament-ip aamma Råd-ip peqqussutaanut (EU) 2017/1129, 14. juni 2017-imeersumut innersuussinertut isigineqartarput, aammalu uunga peqqussummut ilanngussa VI-imi sanilliussinermut tabel-i malillugu atuarneqassallutik.

(Layoutet (vedr.fodnote implementering) skal efterses.)

4) kukkunersiuinermik suliffeqarfimmut piginneqataassanatik imaluunniit piginneqataasimassanatik imaluunniit sulisuusimassanatik imaluunniit allatut isumaqatigiissuteqassanatik imaluunniit isumaqatigiissusiorsimassanatik.

Imm. 3. Makkua ilaatillugit nakkutiginnissaat Erhvervsstyrelsen-ip akisussaaffigaa

- 1) § 33 naapertorlugu soraarummeernerit, aammalu § 4 naapertorlugu ilinniagaqaqqinnerit,
- 2) §§ 34-35 b naapertorlugit pitsaassutsinik nakkutilliineq,
- 3) §§ 37-42 naapertorlugit misissuinerit,
- 4) §§ 43-47 naapertorlugit pissusissanik saneqqutsisunut pillaatissiissutit, aamma
- 5) §§ 48 aamma 49 naapertorlugit nunat allat piginnaatitaaffilittut oqartussaasuinik suleqateqarneq aamma paasissutissanik avitseqateqarneq.

Imm. 4. Aammattaaq Erhvervsstyrelsen-i

- 1) ilanngussaq 1 imaluunniit malittarisassiakkut 2014/56/EU-kkut allanngortinneqartoq, inatsisit malillugit ukiumoortumik naatsorsuutinik aammalu naatsorsuutinik patajaallisakkanik kukkunersiuissusaatitaaneq pillugu, Europa-Parlament-ip aamma Råd-ip malittarisassiaani 2006/43/EF-imi, ilanngutassiamik 37 aamma 38-imik naammassinnittut, aalajangersakkat naapertorlugit, tamanit soqutigisaqarfigineqartumi suliffeqarfimmi, aqutsisoqarfimmi qutsinnerpaami, pisortaqaarfimmi imaluunniit kukkunersiuinermik ataatsimiitaliami ilaasortat, tamanit soqutigisaqarfigineqartut suliffeqarfiit naatsorsuutaannik kukkunersiuinermut piumasaaqaatit aalajangersimasut pillugit Europa-Parlament-ip aamma Råd-ip peqqussutaanik (EU) nr. 537/2014, 16. april 2014-imeersumik, inatsit manna malillugu pisussaaffinnik eqqortitsinerannik, nakkutilliinermut aamma
- 2) tamanit soqutigisaqarfigineqartunut suliffeqarfinnut inatsisit malillugit kukkunersiuissusaatitaanermut, niuffannermi ineriartornermik nakkutilliinermut aamma nalilersuinerit, akisussaasuvoq.

Imm. 5. Imm. 1-4 malillugit ingerlataminik suliaqarnerminut atatillugu Erhvervsstyrelsen-i, qallunaaniit, kalaalliniit aamma nunani allamiuniit piginnaatitaasuniit oqartussaasuniit allaniit, aamma kattuffiusinnaasuniit imm. 3 malillugu suliassanik isumagisaqartuniit, paasissutissanik pissarsiniarsinnaavoq, kukkunersiuisuniillu aamma kukkunersiuinermik suliffeqarfinniit paasissutissat pisariaqartut, ilaatillugit § 1, imm. 2 malillugu suliat pappiarartaannik aamma suliassat suliarineqartut pillugit allakkianik allanik tunniussisoqarnissaa, piumasarisinnaallugit. Aammattaaq imm. 4 malillugu ingerlataminik

suliaqarnissaminut atugassanik, styrelsen-i tamanit soqutigisaqarfigineqartuniit suliffeqarfinniit paasissutissanik pisariaqartunik pissarsiniarsinnaavoq.

Imm. 6. Taamatuttaaq § 13 a, imm. 1-i malillugu nalunaarsugaasunut kukkunersiuinermik suliffeqarfinnut imm. 3, nr. 3-5, aamma imm. 4 atuupput.

Imm. 7. Finanstilsyn-imit nakkutigineqartussat, tamanit soqutigisaqarfigineqartut suliffeqarfiit pillugit, nakkutilliinermik suliaqarnermi, imm. 4, nr. 1-i malillugu Erhvervsstyrelsen-ip akisussaaffia Finanstilsyn-ip tigusassavaa. Nakkutilliinermut tamatumunnga atugassatut, piginnaatitaaffiit imm. 5-imi allassimasut Finanstilsyn-ip atorsinnaavai.

Imm. 8. Aqutisisoqarfiup susassaqarfiani inatsisit allat malillugit nakkutilliinermut atatillugu, §§ 34-35 b malillugit Erhvervsstyrelsen-ip pitsaassutsimut nakkutilliinera imaluunniit § 37 malillugu, misissuineq ingerlanneqarsinnaavoq. Erhvervsstyrelsen-ip nakkutilliinera, namminneq susassaqarfimmini inatsisit naapertorlugit nakkutilliisartut oqartussaqaarfiit allat suleqatigalugit aaqqissuunneqarsinnaavoq.

§ 32 a. Kukkunersiuineq pillugu inatsimmi pissutsit nalinginnaasut pillugit styrelsen-imik siunnersuisussamik, aamma kukkunersiuinermik aamma kukkunersiuinermik suliffeqarfinnik § 32, imm. 3 aamma 4 malillugit nakkutilliinermut atatillugu Erhvervsstyrelsen-i kukkunersiuinermik siunnersuisoqatigiinnik pilersitsissaaq. Aammattaaq § 33 naapertorlugu naalagaaffimmit akuerisaasunut kukkunersiuinermik il.il. soraarummeerneq pillugu maleruagassanut atatillugu kukkunersiuinermik siunnersuisoqatigiit styrelsen-imik ikiuissapput. Tamatuma saniatigut § 32, imm. 7 malillugu akisussaaffik Erhvervsstyrelsen-imiit Finanstilsyn-ip tigugaangagu oqaaseqatigiinni siullerni allassimasuni eqqaaneqartut pissutsit pillugit kukkunersiuinermik siunnersuisoqatigiit Finanstilsyn-i siunnersortassavaat.

Imm. 2. Kukkunersiuinermik siunnersuisooqatigiit, siulittaasumik ataatsimik, Erhvervsstyrelsen-imeersumik ilaasortamik ataatsimik aamma ilaasortanik allanik qulinik, taakkunanga ilaasortat sisamat kukkunersiuinermik susassaqarfimmit sinniisuussasunik, aammalu ilaasortat arfinillit aningaasaliisunut aamma naatsorsuutinik atuisunut sinniisuussasunik, inuttaligaapput. Siunnersuisooqatigiit ilaasortaat amerlanersaasut, ilaatillugu siulittaasoq, kukkunersiuinermik suliffeqarfimmi atorfeqaqqusaanngillat imaluunniit kukkunersiuinermik akuerisaasunik peqateqarluni, kukkunersiuinermik suliffeqarfimmik ingerlataqaqqussanatik imaluunniit kukkunersiuisooqusaanngillat akuerisaasut.

Imm. 3. Kukkunersiuinermik siunnersuisooqatigiit silulittaasuat ilaasortallu, ukiut sisamat tikillugit piffissarititamut Erhvervsstyrelsen-imit toqqarneqartassapput. Siulittaasoq toqqaannartumik Erhvervsstyrelsen-imit toqqarneqartassaaq. Ilaasortat sinneri kattuffinnit attuumassutilinnit innersuussinikkut toqqarneqartassapput. Siunnersuisooqatigiit ilaasortai toqqaqqinneqarsinnaapput.

Imm. 4. Kukkunersiuinermik siunnersuisooqatigiit allattoqarfeqarnikkut Erhvervsstyrelsen-imit kiffartuunneqassaaq.

Imm. 5. Kukkunersiuinermik siunnersuisooqatigiit ilaasortaannik, ilaatillugit ilaasortat allagartaqarfigalugit pisinnaasaat, aamma siunnersuisooqatigiit ingerlatassaat pillugit maleruagassanik sukumiinerusunik Erhvervsstyrelsen-i aalajangersassaaq.

Kukkunersiuusunut soraarummeerneq il.il.

§ 33. Misilitsinnissanut tulliuuttunut imminut innersuunnissamut piumasagaatit pillugit maleruagassanik Erhvervsstyrelsen-i aalajangersaassaaq:

1) § 3, imm. 1, nr. 5, aamma § 3 a, imm. 1-i naapertorlugit naalagaaffimmit akuerisaasunut kukkunersiuusunut soraarummeerneq,

2) § 9, imm. 3 naapertorlugu ukiualunni akuersissutaateqarsimangitsunut inunnut soraarummeerneq immikkut ittoq, aamma

3) § 10, imm. 2 naapertorlugu inatsisit malillugit kukkunersiuissusaatitaanermik suliaqarnissamut nunani allani suliaqarnissamut akuerisaasunut inunnut tulluarnermut soraarummeerneq.

Imm. 2. Aammattaaq imm. 1-imi eqqaaneqartut soraarummeernerit, ilaatillugit soraarummeernerit imarisaat taakkunungalugu piumasagaatit, soraarummeernerup ingerlanneqarnera aamma nalilerneqarnera, soraarummeernerit naammagittaalliutinik suliaqarneq, soraarummeernerit peqqusersusaarnermi pillaatissiissutit, kina soraarummeernerit ingerlatsisuussasoq, aammalu soraarummeernerit tamakkua ingerlannerinut akissarsisitsinissamut tunngaviusut pillugit maleruagassanik Erhvervsstyrelsen-i aalajangersaassaaq.

Imm. 3. § 48, imm. 1-i apeqqaatinnagu, paasissutissat suliassamik isumaginninnissaanut pisariaqartut, imm. 2 malillugu soraarummeernerit ingerlatsisumut, Erhvervsstyrelsen-ip ingerlateqqissinnaavai.

Imm. 4. (Kalaallit Nunaannut atuutilersinneqassanngilaq)

Pitsaassutsimik nakkutillineq

§ 34. § 29 malillugu pitsaassutsimik nakkutilliinerup ingerlanneqarnissaanut Erhvervsstyrelsen-i akisussaasuvoq. Tamanit soqutigisaqarfigineqartunit suliffeqarfinit saqqummiunneqartunik, naatsorsuutunik kukkunersiuinermik suliaqarnej ajortunut Kukkunersiuinermik suliffeqarfinnut pitsaassutsimik nakkutilliinerup ingerlanneqarnissaanut Styrelsen-i suliassamik agguaassisinnaavoq. Pitsaassutsimik nakkutillineq tamatuminngalu ingerlatsineq pillugit maleruagassanik sukumiinerusunik Styrelsen-i aalajangersaassaaq. Tamanit soqutigisaqarfigineqartut suliffeqarfiit naatsorsuutaannik kukkunersiuisartunik, kukkunersiuinermik suliffeqarfinnik pitsaassutsimik nakkutilliinermut maleruagassat immikkut ittut ilaatillugit, Styrelsen-ip aalajangersarsinnaavai.

Imm. 2. Pitsaassutsimik nakkutilliinerup ingerlanneranut maleruagassanik imm. 1-imi pineqartunik, ilaatigut:

- 1) Pitsaassutsimik nakkutilliinermik kikkut suliaqarsinnaanerannut,
- 2) § 35 naapertorlugu pitsaassutsimik nakkutilliinermik pulaarnissamik suliaqarnissamut pitsaassutsimik nakkutilliisussanik toqqaanermut,
- 3) pitsaassutsimik nakkutilliinissamut kukkunersiuinermik suliffeqarfinnik toqqaanermut,
- 4) pitsaassutsimik nakkutilliinerup annertuussusissaa aamma ingerlanneqarnissaanut aamma
- 5) § 35 b, imm. 1-i naapertorlugu pitsaassutsimik nakkutilliinerup inerneranik tamanut nalunaaruteqarnermut, maleruagassanik imaqassapput.

Imm. 3. Pitsaassutsimik nakkutilliinermut aningaasartuutit aallaqqaammut Erhvervsstyrelsen-imit naatsorsorneqartassapput, kisianni pitsaassutsimik nakkutilliivigineqartumit kukkunersiuinermik suliffeqarfimmit akilerneqartassallutik. Akiliinissaq pillugu maleruagassanik sukumiinerusunik Erhvervsstyrelsen-i aalajangersaassaaq.

§ 35. Pitsaassutsimik nakkutilliinerup ingerlanneqarneranut atatillugu, kukkunersiuinermik suliffeqarfimmi pitsaassutsimik nakkutilliinermik pulaarnej ingerlanneqartassaaq. Tamanit soqutigisaqarfigineqartuni suliffeqarfinni saqqummiunneqartunik naatsorsuutunik kukkunersiuinermik suliaqartartuni kukkunersiuinermik suliffeqarfinni pitsaassutsimik

nakkutilliinermik pulaarneq, Erhvervsstyrelsen-imi atorfilinnit pitsaassutsimik nakkutilliisuutitanit suliarineqartassaaq.

Imm. 2. § 1, imm. 2 malillugu suliaassanik suliaqartunit imm. 1-imi eqqaaneqartunit kukkunersiuiinermik suliffeqarfinnit allaanerusuni pitsaassutsimik nakkutilliinermik pulaarnermi oqaaseqatigiit aappaat malillugit akuerisaasunit pitsaassutsimik nakkutilliisunit, Erhvervsstyrelsen-i ikiorneqartassaaq. Piffissami ukiunik tallimanik sivisussusilimmi § 34, imm. 2, nr. 2 naapertorlugu pitsaassutsimik nakkutilliinermik suliaqarsinnaasunik kukkunersiuisunik pitsaassutsimik nakkutilliisussatut Styrelsen-i akuersissuteqassaaq. Styrelsen-i, pisariaqarfiini, nammineq nakkutilliinermik pulaarsinnaavoq imaluunniit pitsaassutsimik nakkutilliisoq ilagalugu nakkutilliinermik pulaarnermi peqataasinnaavoq. Pisuni aalajangersimasuni pitsaassutsimik nakkutilliisussatut kukkunersiuisunit allaanerusunik (kukkunersiuisuunngitsunik) Styrelsen-i toqqaasinnaavoq.

Imm. 3. Pitsaassutsimik nakkutilliisut ilinniakkamut naammattumik ilinniarsimasuussapput attuumassutilimmillu kukkunersiuiinerup iluani aammalu naatsorsuutininik saqqummiussinermik misilittagaqassallutik aamma pitsaassutsimik nakkutilliinermut naammattumik ilisimasaqassallutik.

Imm. 4. Pitsaassutsimik nakkutilliisut allallu, pitsaassutsimik nakkutilliinermik suliamut ilaatinneqartut, § 24 naapertorlugu kukkunersiuisup arlaannaannulluunniit attuumassuteqannginnissaa pillugu maleruagassat ataanniipput.

Imm. 5. Erhvervsstyrelsen-imit akuerisaasunit pitsaassutsimik nakkutilliisunit suliarineqartumit pitsaassutsimik nakkutilliinermik pulaarnerup naammassineqarnerata kingorna, pitsaassutsimik nakkutilliinermik pulaarneq pillugu pitsaassutsimik nakkutilliisut styrelsen-imut nalunaaruteqartassapput. Nalunaaruteqaat, nakkutilliinerup atortuinut, suussusaanut aamma annertussusaanut nassuiaammik aamma § 1, imm. 2 malillugu pitsaassutsimik nakkutilliinermik aqqissuussap kiisalu suliap suliarineqarneranik aammalu arlaannaannulluunniit attuumassuteqannginnermik naliliinermik imaqtartassaaq.

Imm. 6. Nakkutilliivigineqartumi kukkusoqarsimaneramik, amigaateqarneranik imaluunniit pitsanngorsaavigineqarsinnaaffeqarneranut styrelsen-ip aalajangiinissanut pitsaassutsimik nakkutilliisumit aamma pitsaassutsimik nakkutilliivigineqartumit paasissutissat pisariaqartut Erhvervsstyrelsen-ip piumasarisinnaavai. Taamatuttaa, Kukkunersiuisut pillugit Ataatsimiititaliaq sinnerlugu (Revisornævnet-i sinnerlugu) suliamik ingerlatsisinnaanissamut pitsaassutsimik nakkutilliisumiit paasissutissat styrelsen-ip piumasarisinnaavai.

§ 35 a. Pitsaassutsimik nakkutilliinerup inaarutaasutut, suliffeqarfimmut pitsaassutsimik nakkutilliivigineqartumut Erhvervsstyrelsen-i nalunaarusiamik suliaqassaaq. Nalunaarusiaq pitsaassutsimik nakkutilliinermit isummiussanik pingaarnernik, kiisalu nakkutilliivigineqartup pitsanngorsaatissatut suussusersineqartunik iluarsiinissaanik piumasaqaataanusinnaasunik, imaqaassaaq. Pitsaassutsimik nakkutilliineq suliarineqarsimasoq tunngavigalugu, nakkutilliivigineqartumi pitsaassutsimik nakkutilliineq tulliuuttut ukua arlaannut

1) allanik malitsilersornagu pitsaassutsimik nakkutilliinerup naammassineqarnissaanut imaluunniit

2) pitsaassutsimik nakkutilliisimanermut atatillugu piumasaqaataatinik iliuuseqartoqarsimansoq qulakkeerniarlugu malitsigititaasumik pitsaassutsimik nakkutilliisitsisoqarnissaanut, pequtaassansoq Styrelsen-i isummissaaq.

Imm. 2. Erhvervsstyrelsen-ip piumasaqaateqarnera malillugu malitsigitatut pitsaassutsimik nakkutilliinissamat tunngaviusussamik, nakkutilliivigineqartoq iliuusissanik pilersarusiussaaq. Iliuusissatut pilersarusiaq styrelsen-imit akuerineqaqqaassaaq.

Imm. 3. Imm. 1-imi nalunaarusiaq, tamanit soqutigisaqarfigineqartunit suliffeqarfinit saqqummiunneqartunik naatsorsuutunik kukkundersiuisartumik, kukkundersiuinermik suliffeqarfimmik ilaqarpat, nalunaarusiamik tigusinerup kingorna kingusinnerpaamik sapaatit akunneri sisamat kukkundersiuinermik suliffeqarfik allakkatigut kukkundersiuinermik sullitap kukkundersiuinermik ataatsimiititaliaanut makkuninnga ilisimatitsissaaq

1) pitsaassutsimik nakkutilliinermit nalunaarusiami inerniliinertut isummiussat pingaarnertit, pitsanngorsagassatullu tikkuakkanut malitsigiteqqullugit piumasaqaataasinnaasut aamma

2) taanna nakkutilliivigineqarsimappat, kukkundersiuissutap naatsorsuutaanik kukkundersiuinerup nakkutilliivigineqarnerata inerneru.

Imm. 4. Tamanit soqutigisaqarfigineqartoq suliffeqarfik § 31, imm. 5, 6 imaluunniit 8 naapertorlugu Kukkundersiuisut pillugit Ataatsimiititaliamik pilersitsisimangippat, imm. 3 malillugu ilisimatitsineq, suliffeqarfiup aqutsisoqarfianut qullerpaamat tunniunneqassaaq.

§ 35 b. § 35, imm. 1, nr. 2 naapertorlugu malitsigitatut pitsaassutsimik nakkutilliinermit atatillugu malugineqarpat, pitsaassutsimik nakkutilliinermit siuliani piumasaqaataasunut malitsigitatassanik naammassinnittoqarsimangitsaq, Erhvervsstyrelsen-ip pitsaassutsimik

nakkutilliinerup inernera tamanut saqqummiussinavaa. Aammattaaq styrelsen-ip, tamanit soqutigisaqarfigineqartunit suliffeqarfinit saqqummiunneqartunik naatsorsuutunik kukkunersiuisartunut, kukkunersiuinermik suliffeqarfinnut pitsaassutsimik nakkutilliinerup ineneri, tamanut saqqummiussinavaai. Tamanut saqqummiussineq qanoq isikkoqarluni pissasoq styrelsen-ip aalajangersinnaavaa. Tamanut saqqummiussineq styrelsen-ip nittartagaatigut pissaaq.

Imm. 2. Pitsaassutsimik nakkutilliinermik styrelsen-ip sulinera pillugu ukiumoortumik nalunaarusiamik Erhvervsstyrelsen-i saqqummersitsisassaaq.

§ 36. (Atorunnaarsinneqarpoq)

Misissuisarnerit

§ 37. Kukkunersiuisoq, kukkunersiuinermik suliffeqarfik, tamanit soqutigisaqarfigineqartoq suliffeqarfik imaluunniit tamanit soqutigisaqarfigineqartup suliffeqarfiup aqutsisoqarfiani qullerpaami imaluunniit kukkunersiuinermik ataatsimiititaliaani ilaasortaq, ilanngussaq 1 naapertorlugu, manna inatsit imaluunniit tamanit soqutigisaqarfigineqartut suliffeqarfiit naatsorsuutaannik kukkunersiuinermut piumasaqaatit aalajangersimasut pillugit Europa-Parlament-ip aamma Råd-ip peqqussutaa (EU) nr. 537/2014, 16. april 2014-imeersoq malillugu, pisussaaffimmik unioqutitsisimanissaanut imaluunniit unioqutitsissamaarneranut, aarlerinaateqartoq, Erhvervsstyrelsen-ip nalileruniuk, unioqutitsinermik taamaattumik paasisaqarnissaq, iluarsiinissaq imaluunniit pitsaaliuinissaq siunertaralugu misissuinermik styrelsen-i aallartitsisinnaavoq ingerlataqarsinnaallunilu. Tamanna § 1, imm. 3 malillugu nalunaarummut atuutinngilaq. Kukkunersiuisup, imaluunniit kukkunersiuinermik suliffeqarfiup, aningaasanik peqquserluutininik malunnarunnaarsaasarneq pillugu Kunngip peqqussutaatigut Kalaallit Nunaanni atortuulersinneqarsimasoq inatsit malillugu pisussaaffimminik sumiginnaasimanissaanik, imaluunniit aningaasanik peqquserluutininik malunnarunnaarsaasarneq pillugu Kunngip peqqussutaa Kalaallit Nunaanni atortuulersinneqarsimasoq inatsit malillugu sullitami pisussaaffiitut akerliusumik sullitaminik siunnersuisimanissaanut, aarlerinaateqartoq styrelsen-i naliliippat, oqaaseqatigiinni siullerni aalajangersagaq taamatuttaaq atuuppoq. Aammattaaq, § 32, imm. 3, nr. 5-i naapertorlugu nunani allani oqartussaasunit piginnaanilinnit tamatumingga qinnuigineqaruni, styrelsen-i misissuinermik aallartitsisinnaavoq.

Imm. 2. Taamatutaaq, tamanit soqutigisaqarfigineqartup suliffeqarfiup imaluunniit suliffeqarfimmi taamaattumi aqutsisoqarfimmi qullerpaami imaluunniit kukkunersiuiinermik ataatsimiititaliami ilaasortap, ukiumoortumik naatsorsuutinik aamma naatsorsuutinik patajaallisakkanik inatsisitigut pisussaaffittut kukkunersiuiineq pillugu Europa-Parlament-ip aamma Råd-ip malittarisassiaa 2006/43/EF-imi ilanngutassiaq 37-imik aamma 38-imik naammassinnittunik inatsimmik aalajangersakkanik, malittarisassiakkut 2014/56/EU-kkut allangortinneqartunik, unioqqutitsisimaneranik imaluunniit unioqqutitsissamaarneranik aarlerinaateqartoq, styrelsen-ip nalilerpagu, imm. 1-imi eqqaaneqartutut misissuineramik Erhvervsstyrelsen-i aallartitsisinnaallunilu ingerlataqarsinnaavoq.

Imm. 3. Pitsaassutimik nakkutilliinermut atatillugu, kukkunersiuisup, kukkunersiuiinermik suliffeqarfiup, tamanit soqutigisaqarfigineqartup suliffeqarfiup imaluunniit suliffeqarfimmi taamaattumi aqutsisoqarfimmi qullerpaami imaluunniit kukkunersiuiinermik ataatsimiititaliami ilaasortap imm. 1-imi aamma 2-mi eqqaaneqartunik aalajangersakkanik unioqqutitsisimaneranik aarlerinaammik malugisaqartoqarpat, Erhvervsstyrelsen-i aammattaaq imm. 1-imi eqqaaneqartutut misissuineramik aallartitsisinnaallunilu ingerlataqarsinnaavoq.

Imm. 4. Imm. 1-3-mut malillugit misissuinermut atatillugu avataaneersunik sullissisunik atuineq pillugu Erhvervsstyrelsen-i aalajangiisinnaavoq. Erhvervsstyrelsen-i sinnerlugu misissuineramik ingerlatsinissamut toqqarneqartoq paasisimasagarluartoq, § 35, imm. 3-mi aamma 4-mi piunasaqaatinik naammassinnissaaq, aammalu paasisimasagarluartup aamma kukkunersiuisup imaluunniit kukkunersiuiinermik suliffeqarfiup akornanni, misissuinermut attuumassuteqartunik soqutigisanik akerleriissuteqartoqassanani.

Imm. 5. Nunani allani kukkunersiuiinermik suliffeqarfinnut, § 13 a-mut ilaatinneqartunut imm.1-4-mut taamatutaaq atuupput.

Imm. 6. Imm. 1-3-mut malillugit misissuineramik aallartitsinerit aamma ingerlatsinerit pillugit Erhvervsstyrelsen-i aalajangersakkanik sukumiinerusunik aalajangersaasinnaavoq.

§ 38. Inatsit manna malillugu aalajangersakkannik aalajangersagaasunik, inatsisini allani aalajangersagaasunik kukkunersiuisup pisussaaffii pillugit aalajangersakkanik imaluunniit inatsimmi matumani aalajangersakkamik unioqqutitsisoqarsimanera imaluunniit unioqqutitsiumaartoqarnera pillugu styrelsen-ip aalajangiiniarneranut pisariaqartutut naatsorsuutigineqartut paasissutissat tamaasa, ilaatillugit suliap pappiaratai, kukkunersiuiinermut allattaaviit, attaveqatigiittarnernut aamma uppersaatitut allakkiat

allat, kukkunersiuisumiit imaluunniit kukkunersiuinermik suliffeqarfimmiit Erhvervsstyrelsen-ip piumasaqaatigisinnaavai.

Imm. 2. Tamanit soqutigisaqarfingineqartunik suliffeqarfinnik ilaatitsisunik misissuinerne, inunnit ilaatinneqartunit imaluunniit kukkunersiuisumut imaluunniit kukkunersiuinermik suliffeqarfimmut attuumassuteqartunit, aamma peqataasut avataanniittunit, kukkunersiuisumit imaluunniit kukkunersiuinermik suliffeqarfimmit suliaassanik tunineqarsimasunit, suliffeqarfimmik kukkunersiuissunneqartumik inatsisitigut pisussaaffittut kukkunersiuineq pillugu Erhvervsstyrelsen-i assingusunik paasissutissanik piumasaqaateqarsinnaavoq.

§ 39. Erhvervsstyrelsen-i qaqugukkulluunniit kinaassutsimut uppernarsaatinik naleqquttunik takutitsinikkut eqqartuussisunit akuerineqaqqaarani, § 37 malillugu paasissutissat misissuinerne atugassat pisariaqartut pissarsiariniarlugit, kukkunersiuinermik suliffeqarfimmik aamma suliffeqarfiup nalunaarsuutaanik, ilaatillugit qarasaasiamiitinneqartunik paasissutissanik, misissuinissamat periarfissaqarpoq, taamaattoq tak. pinngitsaaliissummik akuliunermik ingerlatsiviup atuinerani aamma paasissutissiinissamat pisussaataitanerini inatsisitigut isumannaatsuuneq pillugu inatsimmi (i lov om retssikkerhed ved forvaltningens anvendelse af tvangsindgreb og oplysningspligter) § 9.

Imm. 2. Inuup nammineq najugarisatut taamaallaat atorneqartunut illulianut imaluunniit illuliat ilamernginut imm. 1-i atuutinngilaq.

Imm. 3. Imm. 1-i malillugu misissuinerup ingerlanneqarnissaanut ikiuutissanik pisariaqartitsiffiusuni politiit ikiuuttarput. Erhvervsminister-i justitsminister-imik isumaqatigiinniarnert malillugit tamatumunnga maleruagassanik sukumiinerusunik aalajangersaasinnaavoq.

Imm. 4. Erhvervsstyrelsen-i § 37, imm. 1, oqaaseqatigiit sisamaanni allassimasut malillugit misissuinerne ingerlatsinerne, pineqartup nunami allami oqartussaasuniit sulisumit styrelsen-ip ilagineqarnissaanik akuersisinnaavoq.

Imm. 5. Imm. 4 malillugu nunanni allani oqartussaasuni sulisumiit peqataasoqarnissaa pillugu aalajangersakkanik Erhvervsstyrelsen-i aalajangersaassaaq.

§ 40. Misissuinerne naammassinninnerup kingorna misissuinerup inernerne

- 1) annertunerusunik nassuiaasersornagu misissuinerup naammassineqarnissaanut,
- 2) assuarlertoqarnissaanut,

3) unioqqutitsinerup unitsinneqarnissaata peqqusissutigineqarnissaanut,

4) § 42 naapertorlugu kukknersiuisoq, kukknersiuinermik suliffeqarfik imaluunniit tamaasa Kukknersiuisut pillugit Ataatsimiititaliamut tunniunneqarnissaannut, imaluunniit

5) § 42 naapertorlugu tamanit soqutigisaqarfigineqartumi suliffeqarfimmi Kukknersiuisut pillugit Ataatsimiititaliami imaluunniit aqutsisoqarfimmi qullerpaami ilaasortaq, tamanit soqutigisaqarfigineqartoq suliffeqarfik imaluunniit tamaasa Kukknersiuisut pillugit Ataatsimiititaliamut tunniunneqarnissaannut, pissutissaqalersitsinersoq Erhvervsstyrelsen-imi isummerfigineqassaaq.

Imm. 2. § 47 a naapertorlugu Erhvervsstyrelsen-imit aalajangiineq tamanut saqqummiunneqassaaq.

Imm. 3. Misissuineq tamanit soqutigisaqarfigineqartup suliffeqarfiup naatsorsuutaanik kukknersiuinermik suliassamik ilaqarsimappat, kukknersiuinermik suliffeqarfiup, imm. 1, nr. 2-4-mut naapertorlugit misissuinerup inernera tigusaqarnerup kingorna kingusinnerpaamik sapaatit akunneri sisamat qaangiutsinnagit, Erhvervsstyrelsen-ip inerniliinerinik pingaarnernik suliffeqarfiup kukknersiuinermik ataatsimiititaliaa allakkatigut ilisimatitsissuteqarfigissavaa. Suliffeqarfik kukknersiuinermik ataatsimiititaliamik pilersitsisimangippat, oqaaseqatigiinni siullerni allassimasut malillugit ilisimatitsissuteqarneq, suliffeqarfiup aqutsisoqarfianut qullerpaamut tunniunneqassaaq.

§ 41. (Atorunnaarsinneqarpoq)

§ 42. Kukknersiuinermik suliffeqarfiup siulersuisuini, pisortaqarfiani imaluunniit akisussaaffeqarfimmi assingusumi ilaasortat aamma kukknersiuisut kiisalu tamanit soqutigisaqarfigineqartup suliffeqarfiup aqutsisoqarfiani qullerpaami imaluunniit kukknersiuinermik ataatsimiititaliaani ilaasortat, Erhvervsstyrelsen-imit pinngitsaaliissutitut ullormoortunik imaluunniit sapaatit akunnikkaartunik akiliisitsissutinik tunineqarsinnaapput, makkunani

1) § 38 malillugu paasissutissat pillugit qinnuteqaat naammassinngippassuk imaluunniit

2) § 40 malillugu styrelsen-imit peqqusissutigineqartoq naammassinngippassuk.

Imm. 2. Pinngitsaaliissutitut akiliisitsissutit naalagaaffiup karsianut tutsinneqassapput.

Imm. 3. Akiligassanik kinguaattoorutinik akiliisitsiniartarnermut oqartussat, pisortanut

akiitsunik akiliisitsiniartarneq pillugu inatsimmi maleruagassat malillugit imm. 1-i aamma 2 malillugit isumakkeerinnissinnaapput.

Kukkunersiuisut pillugit Ataatsimiititaliaq

§ 43. Erhvervsstyrelsen-i Kukkunersiuisut pillugit Ataatsimiititaliamik pilersitsissaaq. Kukkunersiuisut pillugit Ataatsimiititaliaq, eqqartuussisuusussamik, siulittaasumik ataatsimik, minnerpaamillu 16-imik ilaasortanik, taakkunannga 8-nik akuerisaasususannik kukkunersiuisunik, aammalu 8-nik [naatsorsuutininik atuisunut sinniisuusussaasunik](#), inuttaqassaaq. [Naatsorsuutininik atuisunut sinniisuusunit](#) ilaasortat minnerpaamik marluk tamani soqutigisaqarfigineqartunit suliffeqarfinniit aqutsinermik misilittagaqassapput. [Naatsorsuutininik atuisunut sinniisuusut](#), tassaassanngillat kukkunersiuisut akuerisaasut, imaluunniit kukkunersiuinermik suliffeqarfimmi sulisut imaluunniit kukkunersiuisunik akuerisaasunik ilaqarlutik kukkunersiuinermik suliffeqarfimmik ingerlataqartut. Ilaasortaasoqatigiinnik annertusisitsinermi, naleqqiussilluni kukkunersiuisunik naalagaaffimmit akuerisaasunik aammalu kukkunersiuisunik nalunaarsugaasunik amerlaqatigiinnik, soorluttaaq [naatsorsuutininik atuisunut sinniisuusunik](#) naleqqiussilluni amerlassusaannik atuutsitsiinnartumik toqqaasoqassalluni. Ataatsimiititaliami siulittaasoq aamma ilaasortat Erhvervsstyrelsen-imit, taamatuttaaq ataatsimik arlalinnilluunniit eqqartuussisunik siulittaasup tullisut toqqaasinnaasumit, toqqarneqassapput. Siulittaasoqarfimmi ilaasortanik minnerpaamik ataaseq nunap eqqartuussisuunerissavaa. Siulittaasoqarfik aamma ilaasortat, piffissamut ukiunik sisamanik sivilissusilimmut toqqarneqartassapput.

Imm. 2. Naalagaaffimmit akuerisaasut kukkunersiuisut pillugit suliassamik Kukkunersiuisut pillugit Ataatsimiititaliap suliagarnerani, siulittaasup imaluunniit siulittaasup tulliaata ataatsip saniatigut, naalagaaffimmit akuerisaasumik kukkunersiuisumik minnerpaamik ataatsimik aamma [naatsorsuutininik atuisunut sinniisumik](#) ataatsimik peqataasoqassaaq. Kukkunersiuisut nalunaarsugaasut pillugit suliassamik Ataatsimiititaliap suliagarnerani, siulittaasup imaluunniit siulittaasup tulliaata ataatsip saniatigut, [naatsorsuutininik atuisunut sinniisumik](#) minnerpaamik ataatsimik aamma kukkunersiuisumik minnerpaamik ataatsimik, sapinngisamik kukkunersiuisumik nalunaarsugaasususannik, peqataasoqassaaq. Ilaasortanik arlalinnik peqataasoqarpat, kukkunersiuisut amerlassusaat [naatsorsuutininik atuisunut sinniisuusut](#) amerlassusaannut assigiisinneqassapput. Suliani, § 44, imm. 4 -6-imut naapertorlugit

pisinnaatitaaffiaaffiulersinnaasuni, 44, imm. 3 naapertorlugu inerteqquteqalersitsiffiulersinnaasuni, imaluunniit allagartaajagaaffiulersinnaasuni, ilaatillugu § 44, imm. 2 naapertorlugu allagartaajagaagallarfiulersinnaasuni, siulittaasup imaluunniit siulittaasup tulliata ataatsip saniatigut, tamatigut minnerpaamik naalagaaffimmit akuerisaasunik kukkundersiuisunik marlunnik, taamaattoq kukkundersiuisunut nalunaarsagaasunut naammagittaalliortoqartillugu, periarfissaqarpat kukkundersiuisunik nalunaarsagaasunik marlunnik, kiisalu [naatsorsuutininik](#) [atuisunut](#) [sinniisuusunik](#) assingusumik amerlassusilinnik, peqataasoqartassaaq. Naammagittaalliutinik suliap ingerlanneqarnerani, pillaatissiissummik taamaattumik atuinissaq pillugu oqaaseqartoqarsimappat taamaallaat, allagartaajaaneq, inerteqquteqarneq imaluunniit unioqqutitseqqittoqartillugu allagartaajaasoqarnissaa pillugu Kukkundersiuisut pillugit Ataatsimiititaliaq, aalajangiisinnaavoq.

Imm. 3. § 1, imm. 2 aamma 3 malillugit suliassanik kukkundersiuisup suliaqarnermini, atorfiup nassatarisaanik pisussaaffinnik sumiginnaasimaneranut naammagittaalliutit, Kukkundersiuisut pillugit Ataatsimiititaliamut tunniunneqarsinnaapput. § 11, imm. 2 malillugu nalunaarsugaasut kukkundersiuisut pillugit naammagittaalliutitut, aamma § 44, imm. 4, oqaaseqatigiit aappaanni eqqaaneqartut pissutsit pillugit naammagittaalliutitut, tamanna assinganik atuuppoq. Kukkundersiuisut akissarsisinneqartarnerat aamma suleqateqarneq pillugit sulianut naammagittaalliutit Kukkundersiuisut pillugit Ataatsimiititaliamut tunniunneqarsinnaangillat.

Imm. 4. Kukkundersiuinermik suliffeqarfiit aamma nunani allani kukkundersiuinermik suliffeqarfiit, § 44, imm. 6, oqaaseqatigiit sisamaanni eqqaneqartutut pissutsit pillugit § 13 a-mut ilaatinneqartut, Kukkundersiuisut pillugit Ataatsimiititaliamut tunniunneqarsinnaapput.

Imm. 5. § 29 naapertorlugu pitsaassutsimut nakkutilliineq imaluunniit, § 37 naapertorlugu misissuineq, ilaatillugit § 15 a, imm. 1-i aamma 4, aamma § 24, imm. 5-i naapertorlugit suliffeqarfiup pisussaaffii, tunngavigalugit, suliffeqarfimmi kukkunernik aamma amigaatinik styrelsen-ip isumaa malillugu tamatumunnga (tunniussisinnaanermut) pissutissaqalersitsisunik, styrelsen-i nassaarpat, aammalu §§ 28 aamma 28 a naapertorlugit pitsaassutsimut aqutsinermut aaqqissuussamik suliffeqarfik peqanngippat imaluunniit allanik pitsaassutsimut nakkutilliinermik suliaqartoqarneranut atatillugu styrelsen-ip isumaa malillugu, suliap ataatsimiititaliamut tunniunneqartariaqarneranut pissutissaqalersitsisunik kukkunernik imaluunniit amigaatinik suliffeqarfimmi nassaartoqarsimappat, kukkundersiuinermik

suliffeqarfik Erhvervsstyrelsen-imit Kukkuersuisut pillugit Ataatsimiititaliamut tunniunneqarsinnaavoq. Oqaaseqatigiit siulliit imaluunniit imm. 4 malillugu tunniunneqartumik, naammagittaalliummik tunniussinermi § 13 malillugu suli kukkuersuiuermik suliffeqarfiup akuerisaanera, imaluunniit § 13 a malillugu nalunaarsugaanersoq apeqqutaatinnagu, Kukkuersuisut pillugit Ataatsimiititaliaq naammagittaalliummik suliaqarsinnaavoq.

Imm. 6. Naammagittaalliutigineqartoq pillugu pissutsinut inatsisitigut soqutigisaqarfiginninngitsuniit inunniit, aamma naammagittaalliutitut tunngavissaqanngitsutut nalilereerneqarsinnaasut naammagittaalliutit suliarinissaat, Kukkuersuisut pillugit Ataatsimiititaliamit imaluunniit siulittaasumit itigartitsissutigineqarsinnaapput. Kukkuersuisoq imaluunniit kukkuersuiuermik suliffeqarfik pillugu Erhvervsstyrelsen-imit, Finanstilsyn-imit, Akileraartarnermut Ministeriaqarfimmit, unnerluussisussaataitaasumit imaluunniit 'FSR – danske revisorer'-init naammagittaalliut tunniunneqarpat, naammagittaalliut Kukkuersuisut pillugit Ataatsimiititaliamit suliarineqassaaq. Kommuninik imaluunniit nunap ilaanik aqutsineq pillugu inatsimmi § 60 naapertorlugu kommunimut imaluunniit kommunit peqatigiissutigisaannut § 1, imm. 2 aamma 3 malillugit suliassanik kukkuersuisup suliaqarnera pillugu naammagittaalliut, kommunimi imaluunniit nunap ilaani nakkutilliinermut oqartussaasumit tunniunneqarpat, naammagittaalliut Kukkuersuisut pillugit Ataatsimiititaliamit suliarineqassaaq. Oqaaseqatigiit siulliit malillugit naammagittaalliummik itigartitsinerup saniatigut, ataatsimiititaliaq piginnaasanut ilaatinneqanngitsumik, imaluunniit kingusinaartumik tunniunneqartumik, naammagittaalliummik suliaqarnissaaq, Kukkuersuisut pillugit Ataatsimiititaliamit imaluunniit siulittaasumit itigartitsissutigineqarsinnaavoq.

§ 43 a. Aningaasarsianik malunnaarsaarisarneq pillugu inatsit malillugu pisussaaffimminik sumiginnaaneranut imaluunniit taassuma aningaasarsianik malunnaarsaarisarneq pillugu inatsit Kunngip peqqussutaatigut Kalaallit Nunaannut atortuulersinneqarsimasooq malillugu sullitami pisussaaffiit akerliusumik sullitaminik siunnersuineranut, § 13 a-mut ilaatinneqartoq, kukkuersuisoq, kukkuersuiuermik suliffeqarfik imaluunniit nunani allani kukkuersuiuermik suliffeqarfik pillugu naammagittaalliut, Erhvervsstyrelsen-ip imaluunniit pisortat oqartussa qarfiata allap, Kukkuersuisut pillugit Ataatsimiititaliamut tunniussinavaa.

Imm. 2. § 13 a-mut ilaatinneqartup, kukkuersuisup, kukkuersuiuermik suliffeqarfiup imaluunniit nunani allani kukkuersuiuermik suliffeqarfiup, Aningaasarsianik

malunnaarsaarisarneq pillugu inatsit Kunngip peqqussutaatigut Kalaallit Nunaannut atortuulersinneqarsimasoq malillugu pisussaaffimmik sumiginnaasimappat, imaluunniit aningaasarsianik malunnaarsaarisarneq pillugu inatsit Kunngip peqqussutaatigut Kalaallit Nunaanni atortuulersinneqarsimasoq malillugu sullitap pisussaaffinut akerliusumik sullitap siunnersorsimappagu, Kukkunersiuisut pillugit Ataatsimiititaliaq pineqartumut pillaatitut iliuusissanik aalajangersaasinnaavoq. Pillaatitut iliuusissanik aalajangersaanermi § 44-mi aalajangersagaq taamatuttaaq atuuppoq.

§ 44. Kukkunersiuisoq, § 1, imm. 2 aamma 3 malillugit suliaasanik ingerlataqarnermini, atorfik malillugu pisussaaffinnik sumiginnaasoq, Kukkunersiuisut pillugit Ataatsimiititaliamit mianersoqquneqarsinnaavoq imaluunniit 300.000 kr.-it qaangernagit akiliisitsissuteqarfigineqarsinnaalluni. Kukkunersiuisup, atorfik malillugu pisussaaffimminik sumiginnaanera, ingasattumik annertussuseqarpat, Kukkunersiuisut pillugit Ataatsimiititaliap akiliisitsissut 600.000 kr.-it tikillugit qaffassinnaavaa.

Imm. 2. Kukkunersiuisoq, ingerlataminik suliaqarnermini ingasattumik imaluunniit sumiginnaaqqittaqaarpat, Kukkunersiuisut pillugit Ataatsimiititaliap pineqartoq taamaalioqqippat kukkunersiuisutut allagartaajarsinnaavaa. Kukkunersiuisut pillugit Ataatsimiititaliap aalajangiineraniit pineqartup piffissami ukiut tallimat tikillugit misiluiteqaataasumi, kukkunersiuinermik ileqqunik pitsaasunik, pissutsini imaattuni, pineqartoq kattutamik naliliinerup kingorna akuersissutaatiminik allagartaajagaassutissaminik sumiginnaannginnissaanik piumasaqaatitigut taamaalioqqinnermi allagartaajagaasussaaneq pissaaq. Kukkunersiuisut pillugit Ataatsimiititaliap aalajangiinerata pineqartumut nalunaarutigineqarnerata kingusinnerpaamik sapaatit akunneri arfineq marluk kingorna kukkunersiuisup aalajangiineq eqqartuussivinnut tunniuppagu, eqqartuussiviullu taamaalioqqittoqartillugu allagartaajaaneq pillugu aalajangiineq aalajangersaqqippagu, nagataarutaasumik eqqartuussinnermiit misiligummik piffissarititaasoq naatsorsorneqassaaq. Taamaalioqqinnermi allagartaajaanermi, taamaalioqqinnermi allagartaajaanerup aalajangersarneqarnera kinguartinneqassaaq. Kukkunersiuisoq misiligummik piffissarititaasumi, akuersissummik allagartaajaanermik kinguneqartumik, nutaamik unioqqutitseqqippat, matumani pissutsinut, siusinnerusukkullu eqqartuussissutaasunut pissutsinut, kattutamik allagartaajaaneq Kukkunersiuisut pillugit Ataatsimiititaliap aalajangersassavaa.

Imm. 3. Kukkuñersiuisoq, kukkuñersiuinermik ingerlataminik imaluunniit kukkuñersiuinermik suliffeqarfimmi suleriaatsinik suliaqarnermini ingasattumik imaluunniit sumiginnaaqqittaqaattarpap, pineqartup ukiut pingasut tikillugit ingerlatanik tulliuuttunik ataatsimik arlalinnilluunniit suliaqarsinnaanera imaluunniit ingerlataqarsinnaanera Kukkuñersuisut pillugit Ataatsimiititaliap inerteqquteqaatigisinnaavaa:

- 1) Kukkuñersiuinermik suliaqarnermik imaluunniit kukkuñersiuinermik nakkutilliinermik suliaqarñeq,
- 2) kukkuñersiuinermik suliffeqarfimmi ingerlatanik suliaqarñeq aamma
- 3) tamanit soqutigisaqarfigneqartumi suliffeqarfimmi ingerlatanik suliaqarñeq.

Imm. 4. Kukkuñersiuisoq, ingerlataminik suliaqarnermini ingasattumik imaluunniit sumiginnaaqqittaqaattarnermut imminut pisuutitaatippat, pissutsillu takutinneqartut, pineqartup siunissami ingerlatamik isumannaatsumik ingerlatsisinnaannginneranut naatsorsuuteqarnissamut tunngaviliippata, Kukkuñersuisut pillugit Ataatsimiititaliaq, piffissami qaammatinik arfinilinnik sivisussusilimmik aammalu ukiut tallimat tikillugit imaluunniit atuukkallartussamik, akuersissummik allagartaajaasinnaavoq. Kukkuñersuisup tusaamaneqaataa ima ajortigilersimappat, kukkuñersuisup pisortatigoortumik tatiginninnermik sinniisutut suliaasaq isumannaatsumik isumagisinnaannginneranik aarlerinaateqarneranut, tamanna taamatuttaaq atuuppoq. Kukkuñersiuisoq § 16, imm. 1-i naapertorlugu pisortanut tatiginninnikkut sinniisuunera, Kukkuñersuisut pillugit Ataatsimiititaliap Aalajangiinermi aalajangiisuusutut pingaartittarpaa.

Imm. 5. Kukkuñersuisut pillugit Ataatsimiititaliaq imm. 4 malillugu suliamik ataatsimiititaliap suliaqarnerata nalaani, imm. 4 naapertorlugu allagartaajaanissamut piumasqaatit naammassineqarnerannut, pissutissaqartumik pasitsaassisoqartoq, aammalu kukkuñersuisup suliap ingerlanneqarnerani, kukkuñersuisutut pisussaaffimminik ingasattumik imaluunniit unioqqutitseqqittaqaattarnissaanut annertuumik aarlerinaateqartoq ataatsimiititaliami nalilerneqarpat, akuersissummik allagartaajaagallarsinnaavoq. Allagartaajaaneq pillugu ataatsimiititaliami aalajangiineq, imm. 4 malillugu suliami ataatsimiititaliap naliliinera naammassitserlugu imaluunniit § 52 a malillugu eqqartuussiviup aalajangiinissaata tungaanut sivisussuseqassaaq.

Imm. 6. § 43, imm. 5 naapertorlugu kukkuñersiuinermik suliffeqarfik nammineerussamik akisussaaffeqarpat, imaluunniit imm. 1-i naapertorlugu kukkuñersuisup pisussaaffiñik sumiginnaanermut akisussaaqataaffeqarpat, kukkuñersiuinermik suliffeqarfik

mianersoqqussummik tunineqarsinnaavoq, imaluunniit 750.000 kr.-nik annertunerunngitsunik akiliisitsissummik tunineqarsinnaalluni. § 43, imm. 5 malillugu kukkunersiuinermik suliffeqarfiup akisussaaffia, imaluunniit imm. 1-i naapertorlugu kukkunersiuisup pisussaaffiinik sumiginnaanermut akisussaaqataanera, ingasattumik ajussuseqarpat, Kukkunersiuisut pillugit Ataatsimiititaliap akiliisitsineq 1.500.000 kr.-nut qaffassinnaavaa. Kukkunersiuinermik suliffeqarfik akisussaaqataappat, Kukkunersiuisut pillugit Ataatsimiititaliamut naammagittaalliummik suliameqataasutut suliffeqarfik ilanngunneqarsimappat, suliffeqarfik taamaallaat pillaatissinneqarsinnaavoq. Kukkunersiuinermik suliffeqarfik ima ilungersunartigisumik tusaamanerlugaatigilersimappat, allaat kukkunersiuinermik suliffeqarfiup suliassamik isumannaatsumik isumaginnissinnaannginneranik aarlerinaateqarluni, Kukkunersiuisut pillugit Ataatsimiititaliaq, piffissami qaammatinik arfinilinnik sivisussusilimmik aammalu ukiut tallimat tikillugit imaluunniit atuukkallartussamik, akuersissummik allagartaajaasinnaavoq.

Imm. 7. Sullitami pineqartumit naammagittaalliut tunniunneqarsimanngippat, pissutsini kukkunersiuisup aammalu taassuma sullitaanut tunngasuni, Kukkunersiuisut pillugit Ataatsimiititaliamiit eqqartuussut, tassani naammagittaalliummi kukkunersiuisumik ataatsimiititaliap pisuutitsisimanera, pillugu, kukkunersiuisup sullitani, ilaatillugu sullitap kukkunersiuinermik ataatsimiititaliarisinnaasaa, allakkatigut ilisimatissavaa. Kukkunersiuisut pillugit Ataatsimiititaliamiit eqqartuussummik tigusaqarnerup kingorna kingusinnerpaamik sapaatit akunneri sisamat qaangiutsinnagit kukkunersiuisup sullitaq ilisimatissavaa.

Imm. 8. Imm. 1-i aamma 6-i malillugit akiliisitsissutit eqqartuussisutigoortinnissaannik pisinnaatitaaffiligaapput.

Imm. 9. Imm. 3 aamma 4, aamma imm. 6, oqaaseqatigiit sisamaat malillugit aalajangigaaq, eqqartuussisutigit misilinneqarsinnaanissaannik piunasaqaatiginissaanut § 52 malillugu periarfissaq pillugu paasissutissanik, tamatumunngalu piffissarititamik imaqaasaaq.

§ 44 a. Manna inatsit imaluunniit, tamanit soqutigisaqarfigineqartut suliffeqarfiit, imaluunniit taamaattut suliffeqarfiit aqutsisoqarfiini qullerpaani imaluunniit kukkunersiuinermik ataatsimiititaliaanni ilaasortat pisussaaffigisaat, ilanngussaq 1-i naapertorlugu tamanit soqutigisaqarfigineqartut suliffeqarfiit naatsorsuutaannik kukkunersiuinermut piunasaqatit aalajangersimasut pillugit Europa-Parlament-ip aamma Råd-ip peqqussutaa (EU) nr. 537/2014, 16. april 2014-imeersoq, malillugu pisussaaffinnik

sumiginnaaneq pillugu naammagittaalliutinik Kukkuersiuisut pillugit Ataatsimiititaliaq suliaqartarpoq. Taamatuttaaq tamanit soqutigisaqarfigineqartut suliffeqarfiit imaluunniit taamaattut suliffeqarfiit aqutsisoqarfiini qullerpaani imaluunniit kukkuersiuiernmik ataatsimiititaliaanni ilaasortat pisussaaffigisaat, malittarisassiakkut 2014/56/EU-kkut allangortinneqartoq ukiumoortumik naatsorsuutinik aamma naatsorsuutinik patajaallisakkanik inatsisitigut kukkuersiuisussaataaneq pillugu Europa-Parlament-ip aamma Råd-ip malittarisassiaani 2006/43/EF-imi ilanngutassiaq 38-imik naammassinnittut maleruagassat malillugit, pisussaaffinnik sumiginnaaneq pillugu naammagittaalliutinik Kukkuersiuisut pillugit Ataatsimiititaliaq suliaqartarpoq.

Imm. 2. Imm. 1-imut ilaatinneqartumik suliamik Kukkuersiuisut pillugit Ataatsimiititaliap suliaqarnerani, siulittaasup imaluunniit siulittaasup tulliaata ataatsip saniatigut, minnerpaamik naalagaaffimmit akuerisaasunik kukkuersiuisumik ataatsimik aamma tamanit soqutigisaqarfigineqartuni suliffeqarfinni aqutsinermik misilittagalimmik naatsorsuutinik atuisunut sinniisumik ataatsimik peqataasoqartassaaq. Ilaasortanik amerlanerusunik peqataasoqarpat, kukkuersiuisut amerlassusaat naatsorsuutinik atuisunut sinniisuusut amerlassusaannut assingussapput. Suliani, § 44 b, imm. 2 naapertorlugu inerteqquteqaammik aalajangiiviusinnaasuni, siulittaasup imaluunniit siulittaasup tulliaata ataatsip saniatigut, minnerpaamik naalagaaffimmit akuerisaasunik kukkuersiuisunik marlunnik, taakkualu assinganik amerlassusilinnik naatsorsuutinik atuisunut sinniisunik, peqataasoqartassaaq. Naammagittaalliutinik suliap nalaani taamaattumik pillaatissiisoqarnissaa pillugu oqaaseqartoqarsimappat taamaallaat, inerteqquteqarneq pillugu Kukkuersiuisut pillugit Ataatsimiititaliap aalajangiivigisinnaavaa.

Imm. 3. Imm. 1-imut ilaatinneqartut naammagittaalliutit, § 32, imm. 7-i naapertorlugu Erhvervsstyrelsen-imit imaluunniit Finanstilsyn-imit imaluunniit tassannga pissutsinut naammagittaalliummut tunngasunut inatsisitigut soqutigisaqarfiginnittumit, suliassangortinneqarsinnaapput. Naammagittaalliutit eqqartuussisulersuussissutiginnissaanut annikippallaarpata, imaluunniit aallaqqaammulli naammagittaalliut tunngavissaqannginnera nalilerneqarpat, Kukkuersiuisut pillugit Ataatsimiititaliap imaluunniit siulittaasup naammagittaalliut itigartissinnaavaa. Aammattaaq naammagittaalliut ataatsimiititaliap piginnaasaanut ilaatinneqanngippat, imaluunniit kingusippallaakkut suliassiisutigineqarsimappat Naammagittaalliummik itigartitsineq pisinnaavoq. Naammagittaalliut Erhvervsstyrelsen-imit imaluunniit pisortat oqartussaasuinit allanit

suliassiissutigineqarsimappat, naammagittaalliut ataatsimiititaliap piginnaasaasa avataaniingippat, imaluunniit kingusippallaakkut suliassiissutigineqarsimangippat, ataatsimiititaliap naammagittaalliut suliarissavaa.

§ 44 b. Suliffeqarfiup tamanit soqutigisaqarfigineqartup, imaluunniit suliffeqarfiup taamaattup aqutsisoqarfiani qullerpaami imaluunniit kukkunersuineranut ataatsimiititaliaani ilaasortap, manna inatsit malillugu, imaluunniit ilanngussaq 1-i naapertorlugu, suliffeqarfiit tamanit soqutigisaqarfigineqartut naatsorsuutaasa kukkunersiorneqarnerinut piumasaqaatit aalajangersimasut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi pisussaaffimmik sumiginnaappat, Kukkunersuisut pillugit Ataatsimiititaliap mianersoqqussummik, imaluunniit 300.000 kr.-inik annertunerunngitsumik akiliisitsissummik tunisisinnaavoq. Malittarisassiakkut 2014/56/EU-kkut allanngortinneqartoq ukiumoortumik naatsorsuutinik aamma naatsorsuutinik patajaallisakkanik inatsisitigut kukkunersuisussaatitaaneq pillugu Europa-Parlament-ip aamma Råd-ip malittarisassiaani 2006/43/EF-imi ilanngutassiaq 38-imik naammassinnittut maleruagassat malillugit, pisussaaffimmik sumiginnaanermut taamatuttaaq atuuppoq.

Imm. 2. Inuk imm. 1-imut ilaatinneqartoq, ingasattumik imaluunniit taamaalioqqittarluni imm. 1-imi eqqaaneqartunik pisussaaffinnik sumiginnaasimappat, pineqartup ukiut pingasut tikillugit tamanit soqutigisaqarfigineqartut suliffeqarfiit ingerlatsisoqarfiini tulliuttuni ataatsimi arlalinniluunniit ilaasortaasinnaaneranut, Kukkunersuisut pillugit Ataatsimiititaliaq inerteqquteqarsinnaavoq:

- 1) Aqutsisoqarfiit qullersaanni,
- 2) pisortaaneqarfimmi aamma
- 3) kukkunersuineramik ataatsimiititaliami.

Imm. 3. Imm. 2 malillugu aalajangiineq, § 52 malillugu, eqqartuussiveqarfinni misiliinissamut qinnuteqarsinnaanermut periarfissat aammalu tamatumunnga piffissaliussaq pillugit paasissutissanik imaqassaaq.

Imm. 4. Imm. 1-i malillugu akiliisitsissutit eqqartuussisutigoortitsilluni nalinginik arsaarinnittoqarsinnaaneranik pisinnaatitaaffiligaapput.

§ 44 c. Kukkunersuisut pillugit Ataatsimiititaliap suliat suliarinerini ilisimannittup najugaani sumiiffimmi illoqarfiup eqqartuussiviani peqataasunik ilisimannittunillu killisiuinernik suliaqartitsisinnaavoq.

Imm. 2. Kukkunersiuisut pillugit Ataatsimiititaliap siulittaasuata suliat annertunerusut aammalu naammassiuminaannerusut suliarinerini, ataatsimiititaliaq sinnerlugu suliamik saqqummiussinissamut aammalu killisiuinermik suliaqarnissamut paasisimasalimmik toqqaasinnaavoq. Suliaq pisortat oqartussaasuinit suliassiissutigineqarsimappat, oqartussaasuinit pineqartunit paasisimasalimmut aningaasartuutit matussuserneqassapput.

§ 45. Qinnuteqartoqarnera malillugu § 44, imm. 3 malillugu inerteqquteqarneq, § 44, imm. 4 imaluunniit 6-i malillugu allagartaajaaneq, imaluunniit § 44 b, imm. 2 malillugu inerteqquteqarneq pillugu aalajangiineq Kukkunersiuisut pillugit Ataatsimiititaliap qaqugukkulluunniit atorunnaarsissinnaavaa.

Imm. 2. Allagartaajagaagallaqqasoqarsimatillugu, aammalu imm. 1-i malillugu allagartaajaanermik atorunnaarsitsineq pillugu qinnuteqaat ataatsimiititaliap itigartippagu, kukkunersiuisup imaluunniit kukkunersiuinermik suliffeqarfiup allagartaajaanerup kingorna ukiut tallimat ingerlareersimappata, aammalu kingusinnerpaamik eqqartuussinikkut akuersissutip itigartitsissutigineqarnerata minnerpaamik ukiut marluk kingorna, eqqartuussivimmi aalajangiinerup misilinneqarnissaa piumasaqaatigisinnaavaa. § 44, imm. 9, aamma § 52 taamatuttaaq atuupput.

§ 46. Suliamik Kukkunersiuisut pillugit Ataatsimiititaliamut suliassiissutiginninnissamut piffissaliussaq, tassaavoq pisussaaffimmut akerliusumik iliorunnaarfiusumiit imaluunniit ilangussinnngittarunnaarnermiit ullormiit, ukiut tallimat.

Imm. 2. Kukkunersiuisut pillugit Ataatsimiititaliamut naammagittaalliummik tunniussinermi, aamma § 37, imm. 1-3-mut malillugit misissuinermik aallarniineq pillugu Erhvervsstyrelsen-ip nalunaaruteqarnerani, misissuinermut attuumassuteqarfigineqartumut piffissaliussaq kipitinneqartarpoq.

§ 47. Kukkunersiuisut pillugit Ataatsimiititaliaq pillugu, ilaatillugit naammagittaalliummik suliakkiissuteqarnermut akitsuutininik akiliineq, suliassanik piareersaaneq, suliassat sumi qaqugulu suliarineqarfissaannik inissitsiterineq, peqataasut takkunnissaat, pineqaatissiisummik annertussusiliinermi ilaatinneqartussat pissutsit, aammalu ataatsimiititaliap eqqartuussutaanik tamanut saqqummiussinissaq pillugit, aalajangersakkanik

sukumiinerusunik Erhvervsstyrelsen-i aalajangersaassaaq. Erhvervsstyrelsen-imit imaluunniit pisortat oqartussa qarfiannit allamit § 43, imm. 6, oqaaseqatigiit aappaanni aamma pingajuanni allassimasut, § 43 a, imm. 1 malillugit imaluunniit § 44 a, imm. 3 malillugu suliaakkiissutaasut naammagittaalliutit pillugit akitsuutinik akiliisoqartassanngilaq.

Imm. 2. § 44, imm. 5-i malillugu sulianik Kukkuusersuisut pillugit Ataatsimiititaliap suliaqartarnera pillugu maleruagassanik sukumiinerusunik Erhvervsminister-i aalajangersaassaaq. Tamatumunnga atatillugu ingerlatsinermut inatsimmi § 8, imm. 1-imik aamma § 21, imm. 1-imik aammalu ingerlatsinermut inatsisitigut pisortatigoortumik najoqqutassiamik saneqqutsisoqarnissaanik Erhvervsminister-i aalajangersaasinnaavoq.

Imm. 3. (Kalaallit Nunaannut atuutilersinneqassanngilaq)

Tamanut saqqummiussisarneq

§ 47 a. § 40, imm. 1, nr. 3 malillugu aalajangiinerit Erhvervsstyrelsen-ip nittartakkamini tamanut saqqummiuttassavai. Inuit pillugit aalajangiinerit, kinaassusersiuminaallisarlugit tamanut saqqummiunneqartassapput.

Imm. 2. Erhvervsstyrelsen-i, § 8 a, imm. 4, nr. 2 aamma 3 malillugit aalajangiinernik nittartakkamini tamanut saqqummiussisassaaq. Piffissap atuuffiusup naanerata kingorna aalajangiineq kinaassusersiuminaallisagaasassaaq.

Imm. 3. Inatsisitigut akisussaasoqarfik pillugu aalajangiinerit, kinaassutsimik tamanut saqqummiussineq, aningaasalersuinikkut niuffaffiit patajaassusiannut, imaluunniit inatsisitigut pillaatissiissutitaqarsinnaasumut paasiniaanermut ingerlasumut, annertuumik ulorianartorsiortitsinngippat, imaluunniit tamanut saqqummiussineq naleqqutinngitsumik annertuumik ajoqusiussaannngippat, inatsisitigut akisussaasoqarfiup kinaassusianik paasissutissanik ilalerlugu tamanut saqqummiunneqartassaaq.

Imm. 4. Inatsisitigut akisussaasoqarfiup kinaassusaanik kinaassusersiuminaallisaaneq, tamanut saqqummiussinermut ullormiit naatsorsorlugu ukiut marluk qaangiunneranni pisassaaq.

Imm. 5. § 51, imm. 1-imi naammagittaalliorfissamut piffissarititaasup naannginnerani aalajangiineq tamanut saqqummiunneqarpat, imaluunniit aalajangiineq Erhvervsankenævn-imut naammagittaalliutigineqarpat, imm. 1-imi oqaaseqatigiit siulliit malillugit tamanut saqqummiussineq, Erhvervsankenævn-imut naammagittaalliutip killiffia aamma inernerana pillugit paasissutissanik imaqassaaq.

§ 47 b. Erhvervsstyrelsen-i, siunertamut naapertuuffiini, § 37 malillugu misissuinerup aallarnisarneqarneranik imaluunniit aallarnisarneqarsimaneranik tamanut saqqummiussinnaavoq. Aammattaaq, § 40 malillugu misissuinerup inernera Erhvervsstyrelsen-ip tamanut saqqummiussinnaavaa.

Imm. 2. Imm. 1-i malillugu qanoq pissuseqartillugu tamanut saqqummiussisoqassasoq Erhvervsstyrelsen-ip aalajangissavaa. Kinaassutsimik tamanut saqqummiussineq aningaasalersuinikkut niuffaffiit patajaassusiannut, imaluunniit inatsisitigut pillaatissiissutitaqarsinnaasumut paasiniaanermut ingerlasumut, annertuumik ulorianartorsiortitsinngippat, imaluunnit tamanut saqqummiussineq naleqqutinngitsumik annertuumik ajoqusiisussaangippat misissuinerup ilaatinneqartup kinaassusia Styrelsen-ip tamanut saqqummiussinnaavaa. Tamanut saqqummiussineq Styrelsen-ip nittartagaatigut pissaaq.

§ 47 c. Kukkuersiuisut pillugit Ataatsimiititaliap nittartakkamini, § 44, imm. 1-4 aamma 6, aammalu § 44 b, imm. 1 aamma 2 malillugu aaljangiiffiusimasut eqqartuussutit tamanut saqqummiuttassavai.

Imm. 2. § 43, imm. 3, § 43 a, imm. 2, imaluunniit § 44 a, imm. 1-i malillugu naammagittaalliummut Kukkuersiuisut pillugit Ataatsimiititaliamit inummik pisuutitaasortallit eqqartuussutinut inernerit, kinaassutsimik tamanut saqqummiussinerup aningaasalersuinikkut niuffaffiit patajaassusiannut, imaluunniit inatsisitigut pillaatissiissutitaqarsinnaasumut paasiniaanermut ingerlasumut, annertuumik ulorianartorsiortitsinnginnissaanik, imaluunnit tamanut saqqummiussinerup naleqqutinngitsumik annertuumik ajoqusiisussaanginnissaanik pineqartoq ataatsimiititaliamit mianersoqquneqarsimangippat, pineqartup kinaassusia pillugu paasissutissanik ilalerlugit tamanut saqqummiunneqartassapput. Kinaassutsimik kinaassusersiuminaallisaaneq, tamanut saqqummiussiffiusumiit ullormiit naatsorsorlugu ukiut marluk qaangiunnerini pisassaaq. Oqaaseqatigiit aappaanni allassimasut apeqqutaatinnagit, pillaatissiissutip sunniuteqarfigisaata piffissarititap qaangiunnerani aatsaat, taamaattoq siusinnerpaamik tamanut saqqummiussinerup ullormiit naatsorsorlugu ukiut marluk aammalu kingusinnerpaamik tamanut saqqummiussinerup kingorna ukiut tallimat qaangiutsinnagit, § 44, imm. 3 aamma 4,

aammalu § 44 b, imm. 2 malillugit eqqartuussutit inerner
kinaassusersiuminaallisagaasassapput.

Imm. 3. Inatsisitigut akisussaasoqarfiit pillugit eqqartuussutit inernerinut, § 47 a, imm. 3 aamma 4 taamatuttaaq atuupput. Taamaattoq § 44, imm. 6, oqaaseqatigiit sisamaanni allassimasut malillugit eqqartuussutit inerner, pillaatissiissutip sunniuteqarfiata piffissarititap naanerata kingorna, taamaattoq kingusinnerpaamik tamanut saqqummiussinerup ulluata ukiut tallimat kingorna, kinaassusersiuminaallisagaasassapput.

Imm. 4. § 52, imm. 5-imi, aamma § 52 b-mi eqqaaneqartut piffissaliussat naatinnagit eqqartuussutit inerner tamanut saqqummiunneqarpata, imaluunniit eqqartuussutit inerner eqqartuussiveqarfinnut suliassiissutigineqarpata, imm. 1-i malillugu tamanut saqqummiussineq, eqqartuussiveqarfinnut suliakkiinerup killiffia aamma inerner pillugit paasissutissanik imaqassaaq.

Nipangiussisussaataaneq aamma paasissutissanik avitseqatigiittarneq

§ 48. Erhvervsstyrelsen-imi atorfillit pinerluttulerinermik inatsimmi §§ 152-152 e-mut malillugit akisussaaffeqarlutik, nakkutilliinermik ingerlataqarnikkut ilisimalikkaminnik, paasissutissanik isertuussanik isertuussissallutik pisussaapput. Tamatuma saniatigut nipangiussisussaataaneq, styrelsen-i sinnerlugu kiffartuussinermik suliassanik suliaqartunik, kimilluunniit, pitsaassutsimik nakkutilliinermik suliaqarnermut peqataatinneqarluni aammalu suliaqartunik, paasisimasalinnik, styrelsen-i sinnerlugu iliuuseqartunik, aammalu inunnik, § 39, imm. 4 naapertorlugu misissuineramik ingerlataqarnermi styrelsen-imit ilagisaqartunik, inunnik ilaqarpoq. Aammattaaq oqaaseqatigiinni siullerni allassimasut, atorfinitsitaanerup imaluunniit isumaqatigiissusiornikkut pissutsinik taamaatitsinerup kingorna atuupput.

Imm. 2. Nipangiussisussaataanermit illersugaasup isumaqataanera, imm. 1-imi eqqaaneqartunik inunnik paasissutissanik isertuussaasunik ingerlatitseqqiinissamut pisinnaatitsinnigilaq.

Imm. 3. Paasissutissat isertuussat, kapitali manna naapertorlugu Erhvervsstyrelsen-imit tiguneqartut, pillaatissiissutinik tunniussinermut, imaluunniit styrelsen-imit aalajangigaq oqartussaasunut qaffasinnerusunut naammagittaalliutigineqarpat, imaluunniit

eqqartuussiveqarfinnut suliassiissutigineqarpat, nakkutilliinermik sulinermut atatillugu taamaallaat atorineqarsinnaapput.

Imm. 4. Imm. 1-i aamma 3 apeqqutaatinnagit paasissutissat allakkiallu isertuussat makkununga ingerlateqqinneqarsinnaapput

- 1) manna inatsit malillugu suliassaminik isumaginninnissaminut Kukkuersuisut pillugit Ataatsimiititaliamut,
- 2) aningaasaqarnermut inatsit aamma ukiumoortumik naatsorsuutit pillugit inatsit malillugit suliassaminik isumaginninnissaminut Finanstilsyn-imut,
- 3) inatsisaatitik attuumassutillit malillugit suliassaminik isumaginninnissaminut, pisortat oqartussaasoqarfiinut allanut, ilaatillugit unnerluussisussaataasunut aamma politiinut,
- 4) paasissutissanik tiguisut suliassaminik isumaginninnissaminut taamaallaat atussagaat piunasaqaataalluni EU-mi nunani allani, EØS-imi nunani allani imaluunniit nunani EU-p isumaqatigiissuteqarfigisaani, imaluunniit Kalaallit Nunaat sinnerlugu isumaqatigiissuteqarfigineqarsimasuni, aammalu akuersissutinik, nalunaarsuinernik, pitsaassutimik nakkutilliinermik, misissuinissamik aamma maleruagassanik eqqortitsinissamik nakkutilliinissamut akisussaaffiginnittuni, kukkuersuisunut aamma kukkuersuinermik suliffeqarfinnut nakkutilliinermut oqartussaasunut, aamma
- 5) pisortani nakkutilliinerup iluani ingerlatsinerminnik isumaginninnissamut atugassatut imaluunniit pitsaassutsimik nakkutilliinermut imaluunniit misissuinermut atatillugu, nr. 4-mi allaaserineqartunit allaanerusuni nunani kukkuersuisunut aamma kukkuersuinermik suliffeqarfinnut nakkutilliinermut oqartussaasunut, taamaattoq tak. imm. 5-i aamma 6-i.

Imm. 5. Imm. 4, nr. 5-i malillugu ingerlatitseqqiineq

- 1) paasissutissat imaluunniit allakkiaat,
 - a) nunami pineqartumi pappiaqqanik nalilinnik atuutilersitsisimasup suliffeqarfiup imaluunniit
 - b) nunami pineqartumi inatsisitigut pisussaaffittut suliffeqarfissuurtut naatsorsuutinik suliaqartartumut suliffeqarfissuarmut ilaatinneqartup suliffeqarfiup naatsorsuutaanik kukkuersuinermut tunngassuteqarpata,
- 2) nunamik pineqartumik illuatungeriilluni peqatigiinnissaq pillugu isumaqatigiissuteqartoqarsimappat,
- 3) qinnuteqaammik siunertaasoq naapertuilluartuutinneqarsinnaappat,

4) tiguisut minnerpaamik, imm. 1-imi nipangiussisussaataanermit assingusumik, inatsitigut aalajangersakkamik nipangiussisussaataanerat, aammalu, pisortani oqartussaasut nakkutilliinerisa imaluunniit pitsaassutsimik nakkutilliinerup iluanni imaluunniit misissuinermit atatillugu, ingerlatsinerminnik isumaginninnissamut taamaallaat paasissutissanik allakkianillu atuisinnaanerat, tunngavigalugit, aamma

5) Kunngip peqqussutaatigut Kalaallit Nunaannut atuutilersinneqartoq qarasaasiakkut paasissutissanik illersuineq pillugu inatsit naapertorlugu ingerlatitseqqiineq pippat taamaallaat pisinnaavoq.

Imm. 6. Imm. 5-imi piunasaqaatit pillugit maleruagassanik sukumiinerusunik Erhvervsstyrelsen-i aalajangersaassaaq.

Imm. 7. Imm. 4 apeqquataatinnagu, paasissutissat, nunani allani piginnaatitaallutik oqartussaasuniit Erhvervsstyrelsen-imit tiguneqartut, nunani allani piginnaatitaallutik oqartussaasut allanut tunniussisinnaanermit akuersisimangippata, taamaallaat Kukkuersiuisut pillugit Ataatsimiititaliamut aamma unnerluussisussaataasunut ingerlateqqinneqarsinnaapput.

Imm. 8. Imm. 4, nr. 1-3-mut naapertorlugit paasissutissanik isertuussanik Erhvervsstyrelsen-imiit tiguisut tamarmik, paasissutissat tamakku eqqarsaatigalugit imm. 1-i malillugu nipangiussisussaataapput.

Imm. 9. Ilanngussaq 1-i naapertorlugu kukkuersiuisut pillugit inatsimmik imaluunniit tamanit soqutigisagarfigineqartut suliffeqarfiit naatsorsuutaannik kukkuersiuiinermit piunasaqaatit aalajangersimasut pillugit Europa-Parlamentet-ip aamma Råd-ip peqqussutaanik (EU) nr. 537/2014, 16. april 2014-imeersumik unioqquitsinermik imaluunniit unioqquitsisinnaanermik, pineqartoq suliffeqarfimmik imaluunniit inummik styrelsen-imut nalunaarutiginnissimappat, Erhvervsstyrelsen-imi atorfillit, inuk pillugu paasissutissanik ingerlatitseqqeeqqusaanngillat.

§ 49. Erhvervsstyrelsen-i, ataani tullerriaakkat makkuusut sisamat

1) § 3, imm. 1-i naapertorlugu nunami maani akuerisaasut kukkuersiuisut, aammalu EU-mi nunami allami imaluunniit EØS-imi nunami allami imaluunniit nunami allami EU-mit isumaqatigiissuteqarfigineqartumi imaluunniit Kalaallit Nunaat sinnerlugu isumaqatigiissusiorfigineqarsimasumi kukkuersiuisutut inissisimaffeqalerumaneq pillugu qinnuteqartut,

2) § 3, imm. 1-i naapertorlugu kukkunersiuisut nunami maani akuerisaasut, aammalu EU-mi nunami allami imaluunniit EØS-imi nunami allami imaluunniit nunami allami EU-mit isumaqatigiissuteqarfigineqartumi imaluunniit Kalaallit Nunaat sinnerlugu isumaqatigiissusiorfigineqarsimasumi utaqqiisaasumik imaluunniit periarfissatigut kiffartuussinermik sullissisarnissamik pilersaaruteqartut,

3) EU-mi nunami allami imaluunniit EØS-imi nunami allami imaluunniit nunami allami EU-mit isumaqatigiissuteqarfigineqartumi imaluunniit Kalaallit Nunaat sinnerlugu isumaqatigiissusiorfigineqarsimasumi ukiumoortumik naatsorsuutinik aamma naatsorsuutinik patajaallisakkanik inatsisitigut pisussaaffittut kukkunersiuineq pillugu Europa-Parlamentet-ip aamma Råd-ip malittarisassiaanik naammassinnittut maleruagassat malillugit akuerisaasut kukkunersiuisut, aammalu § 10, imm. 1-i naapertorlugu nunami maani kukkunersiuisutut inississinnaatitaaneq pillugu qinnuteqartut, aamma

4) EU-mi nunami allami imaluunniit EØS-imi nunami allami imaluunniit nunami allami EU-mit isumaqatigiissuteqarfigineqartumi ukiumoortumik naatsorsuutinik aamma naatsorsuutinik patajaallisakkanik inatsisitigut pisussaaffittut kukkunersiuineq pillugu Europa-Parlamentet-ip aamma Råd-ip malittarisassiaanik naammassinnittut maleruagassat malillugit akuerisaasut kukkunersiuisut, aammalu § 11, imm. 1-i naapertorlugu nunami maani utaqqiisaasumik imaluunniit periarfissatigut nalunaarutinik tunniussisarumasut, pillugit

EU-mi nunami allami imaluunniit EØS-imi nunami allami imaluunniit nunami allami EU-mit isumaqatigiissuteqarfigineqarsimasumi imaluunniit Kalaallit Nunaat sinnerlugu isumaqatigiissusiorfigineqarsimasumi piginnaatitaallutik oqartussaasunik allanik, paasisutissanik pisariaqartunik paarlaateqateqartarsinnaavoq.

Imm. 2. Imm. 1-imi piginnaatitaallutik oqartussaasut pineqartillugit, matumani inatsimmi ima paasineqassaaq. taanna oqartussaaffeqarfik nunami pineqartumi kukkunersiuinermik inuussutissarsiuteqarnermik aqutsisoq.

Imm. 3. Tamakku paasisutissat paarlaasseqatigiissutigineqarsinnaasut, tassaassapput, imm. 1-i malillugu Erhvervsstyrelsen-ip aamma nunani eqqaaneqartuni piginnaatitaallutik oqartussaasut allat suliassaminnik isumaginninnissaannut pisariaqartut.

Imm. 4. Imm. 1-i malillugu paasisutissanik Erhvervsstyrelsen-ip paarlaasseqateqartarnera, Kunngip peqqussutaatigut Kalaallit Nunaannut atuutilersinneqartumik qarasaasiami paasisutissanik illersuineq pillugu inatsimmik aamma paasisutissanik taamaattunik

killeqanngitsumik paarlaasseqatigiittarneq pillugu aamma inuk pillugu paasissutissanik passussinermut atatillugu inunnik illersuineq pillugu Europa-Parlament-ip aamma Råd-ip peqqussutaa nr. 2016/679, 27. april 2016-imeersumik eqqortitsinikkut pisassaaq.

Imm. 5. Imm. 1-4-mi aalajangersakkat, EU-mi nunami allami imaluunniit EØS-imi nunami allami malittarisassiakkut 2014/56/EU-kkut allanngortinneqartoq, ukiumoortumik naatsorsuutinik aamma naatsorsuutinik patajaallisakkanik inatsisitigut pisussaaffittut kukkunersiuneq pillugu Europa-Parlament-ip aamma Råd-ip malittarisassiaani 2006/43/EF-imi maleruagassat malillugit, kukkunersiuinermik suliffeqarfinnut akuerisaasunut, aammalu § 13 a malillugu kukkunersiuisunut aamma kukkunersiuinermik suliffeqarfinnut akuerisaasunut pisortani nalunaarsuivimmi nalunaarsugaanissaq pillugu qinnuteqartunut, taamatuttaaq atuupput.

Imm. 6. Imm. 1-i aamma 5-i malillugit piginnaatitaallutik oqartussaasunik allanik paasissutissanik paarlaasseqateqartarneq pillugu maleruagassanik Erhvervsstyrelsen-i aalajangersaassaaq.

Aningaasarsianik malunnaarsaarisarnermik nakkutilliisoqarfimmik aningaasalersuineq

§ 49 a. Aningaasarsianik malunnaarsaarisarneq pillugu inatsit naapertorlugu kukkunersiuisunik aamma kukkunersiuinermik suliffeqarfinnik nakkutilliinermut aningaasalersuutaasussaanik, kukkunersiuinermik suliffeqarfimmut attuumassuteqartunut kukkunersiuisunut tamanut, Erhvervsstyrelsen-i akitsuummik akileeqqusisassaaq. Taamaattoq, taamaallaat kukkunersiuinermik suliffeqarfinni allani piginneqatigiissutinik pigisaqarniarnermik siunertalimmik kukkunersiuinermik suliffeqarfimmut attuumassuteqartunut kukkunersiuisunut, akitsuummik akileeqqusisoqartassanngilaq.

Imm. 2. Akitsuutip annertussusissaanut maleruagassanik sukumiinerusunik Erhvervsstyrelsen-i aalajangersaasinnaavoq.

Pitsaassutsimik nakkutilliinermik aamma misissuineramik- aamma pissusissanik saneqqutsinernut aqqissuussinermut aningaasalersuineq

§ 50. Pitsaassutsimik nakkutilliinermik aamma misissuineramik- aamma pissusissanik saneqqutsinernut aqqissuussinermut aningaasalersuineq, kukkunersiuinermik suliffeqarfimmut attuumassutilinnut kukkunersiuisunut akuerisaasunut akitsuummik

akileeqqusinikkut pinissaa, Erhvervsstyrelsen-imit aalajangersarneqarsinnaavoq. Tamanit soqutigisaqarfigineqartut suliffeqarfiit naatsorsuutaannik kukkundersiuisunut, aamma kukkundersiuinermik suliffeqarfinnut allanut attuumassutilinnut kukkundersiuisunut, kukkundersiuinermik suliffeqarfinnut attuumassutilinnut kukkundersiuisunut pitsaassutsimik nakkutilliinermut akitsuut immikkoortillugu aalajangersarneqassaaq.

Imm. 2. Kukkundersiuisut pillugit Ataatsimiititaliap aningaasalersorneqarnissaanut tapersiisussamik § 11, imm. 1-i naapertorlugu akitsuummik akiliissasoq, Erhvervsstyrelsen-imit aalajangerneqarsinnaavoq.

Imm. 3. § 10, imm. 5-i malillugu akuersisummik pissarsisimasut kukkundersiuisut, aammalu §§ 13 a-mut imaluunniit 15-imut ilaatinneqartut kukkundersiuinermik suliffeqarfiit, pitsaassutsimik nakkutilliinermik aamma misissuineramik aamma Kukkundersiuisut pillugit Ataatsimiititaliamik aningaasalersuinissamut akitsuummik akiliisarnissaat pillugit maleruagassanik Erhvervsstyrelsen-i aalajangersaasinnaavoq.

Imm. 4. Imm. 1-imi aamma 2-mi eqqartorneqartut akitsuutit, eqqartuussisulersuunneqarsinnaapput.

Kapitel 9 a

Attaveqaqatigiinneq

§ 50 a. Matumunnga inatsimmut ilaatinneqartut pissutsit imaluunniit manna inatsit malillugu atuutilersinneqartut maleruagassat pillugit styrelsen-iminngaaniit aamma styrelsen-imut allakkatigut attaveqaqatigiinneq pillugu qarasaasiakkut ingerlanneqartarnissaat maleruagassanik Erhvervsstyrelsen aalajangersaasinnaavoq.

Imm. 2. Qarasaasiakkut attaveqaqatigiinneq pillugu, ilaatillugit qarasaasiamik aqqissuussinernik (it-system-inik), qarasaasiami naqinnerit isikkuinik immikkut ittunik (særlige digitale formater) aammalu qarasaasiakkut atsiornernik atuneq pillugit maleruagassanik sukumiinerusunik Erhvervsstyrelsen aalajangersaasinnaavoq.

Imm. 3. Qarasaasiakkut nalunaarut, nalunaarummik nassiussiffigineqartumit pissarsiarineqarsinnaanngoraangat, apuuttutut isigineqartarpoq.

§ 50 b. Atsiornertaqannngitsunik, atortorissaarummik imaluunniit periaatsimik assingusumik atsiornernik assilisamik, imaluunniit taassuminnga aalajangiinermik imaluunniit allakkiamik

atuutilersitsisumik paatsuugassaangitsumik kinaassusersinissamut qulakkeerisumik, periaatsimik atuinikkut, inatsit manna malillugu, imaluunniit inatsit manna malillugu atuutilersitat maleruagassat malillugit, styrelsen-ip aalajangikkanik aamma allakkianik allanik atuutilersitsisinnaanera pillugu, maleruagassanik Erhvervsstyrelsen aalajangersaasinnaavoq. Aalajangikkat aamma allakkiat taamaattut aalajangikkanut aamma allakkianut atsiorneqarsimasunut naleqqiunneqartarput.

Imm. 2. Qarasaasiami paasissutissanik suliaqartarnej tunngavigalugu taamaallaat aalajangigaasut aalajangikkat aamma allakkiat allat taamaallaat Erhvervsstyrelsen-i nassiussisutut allassimatillugu atuutilersinneqarsinnaanerat pillugu maleruagassanik Erhvervsstyrelsen-i aalajangersaasinnaavoq.

§ 50 c. Allakkiaq Erhvervsstyrelsen-imit, Kukkunersiuisut Siunnersuisoqatigiivinit imaluunniit Kukkunersiuisut pillugit Ataatsimiititaliamit allaanerusunit atuutilersinneqartup, atsiugaanissaa, manna inatsit imaluunniit manna inatsit malillugu atuutilersinneqartut maleruagassat malillugit piumasaqaataatillugu, taassuminnga allakkiamik atuutilersitsisup kinaassusianik paatsuugassaangitsumik qulakkeerisumik periaatsimik atuinikkut piumasaqaat tamanna eqqortinneqarsinnaavoq, taamaattoq tak. imm. 2. Allakkiat taamaattut, allakkianut inuttut atsiukkanut naleqqiunneqartarput.

Imm. 2. Atsiorsimanissamut piumasaqaammik saneqqutsinissaq pillugu maleruagassanik sukumiinerusunik Erhvervsstyrelsen-i aalajangersaasinnaavoq. Tamatumunnga ilaatillugu allakkiat ilaannut inuttut nammineq atsiorderup saneqqunneqarsinnaannginneranik, aalajangerneqarsinnaavoq.

§ 50 d. Matumunnga inatsimmut imaluunniit inatsit manna malillugu atuutilersinneqartunut maleruagassanut ilaatinneqartut pissutsit pillugit, Kukkunersiuisut Siunnersuisoqatigiiviniit imaluunniit Kukkunersiuisut pillugit Ataatsimiititaliamiit taakkunungalu allakkatigut attaveqaqatigiinneq, qarasaasiakkut ingerlanneqarnissaat pillugit, maleruagassanik Erhvervsstyrelsen-i aalajangersaasinnaavoq. § 50 a, imm. 2 aamma 3, aammalu § 50 b taamatutaaq atuupput.

Kapitel 10

Naammagittaalliornissamut periarfissaq

§ 51. Inatsit manna imaluunniit inatsit manna malillugu najoqqutassiat atuutilersinneqartut naapertorlugit, imaluunniit Ilanngussaq 1-i naapertorlugu tamanit soqutigisaqarfigineqartut suliffeqarfiit naatsorsuutaannik kukkunersiuinermut piunasaqaatit aalajangersimasut pillugit Europa-Parlament-ip aamma Råd-ip peqqussutaa (EU) nr. 537/2014, 16. april 2014-imeersoq naapertorlugu aalajangiinerit Erhvervsstyrelsen-imit aalajangerneqartut, pineqartumut aalajangiinerup nalunaarutigineqarnerata kingusinnerpaamik sapaatit akunneri 7-it qaangiutsinnagit Erhvervsankenævn-imut suliassiissutigineqarsinnaapput.

Imm. 2. Taamaattoq aalajangiinerit §§ 29, 34-35 b aamma 37-39 aammalu § 47 a, stk. 3, aammalu § 47 b, stk. 1 aamma 2 malillugit aalajangerneqartut, aqutsinikkut oqartussaasunut qaffasinnerusunut suliassiissutigineqarsinnaanngillat. Tamanna, aalajangiinernut najoqqutassiat, § 50 a malillugu atuutilersinneqartut naapertorlugit aalajangerneqartunut taamatutaaq atuuppoq.

Imm. 3. Aalajangiinerit Kukkunersuisut Siunnersuisoqatigiivinit imaluunniit Kukkunersuisut pillugit Ataatsimiititaliamit aalajangerneqartut, aqutsisoqarnikkut oqartussaasunut allanut suliassiissutigineqarsinnaanngillat.

§ 52. § 8, imm. 1, aammalu § 44, imm. 3 aamma 4 aamma stk. 6, 4. pkt., aammalu § 44 b, imm. 2 malillugit aalajangiinerup, aalajangiinermut attuumassuteqarfigineqartumit, eqqartuussivimmu suliassiissutigineqarnissaa piunasaqaatigineqarsinnaavoq. Eqqartuussiviup aalajangigaq aalajangiussinnaavaa, atorunnaarsissinnaavaa imaluunniit allannortissinnaavaa.

Imm. 2. Pineqartumut aalajangiinerup nalunaarutigineqarnerata kingusinnerpaamik sapaatit akunneri arfineq marluk kingorna, § 8, imm. 1-i malillugu Erhvervsstyrelsen-ip aalajangigaanik suliassiissutiginninnissaq pillugu qinnuteqaat, styrelsen-imit tiguneqareersimassaaq. Styrelsen-i, Kalaallit Nunaanni eqqartuussisaaseq pillugu inatsimmi maleruagassat malillugit pineqartumik eqqartuussisulersuussissaaq.

Imm. 3. § 8, imm. 1-i malillugu aalajangiinermik suliassiissutiginninneq pillugu qinnuteqaat, ingerlatanik unitsitsinermik sunniuteqanngilaq, kisianni eqqartuussummut atatillugu, pineqartoq suliap ingerlanneqarnerani § 1, imm. 2 aamma 3 malillugit suliassanik suliaqarnissamut periarfissaqassasoq eqqartuussivik aalajangiisinnaavoq.

Imm. 4. Akuersissummik arsaarineq inatsisinik unioqqutitsinertut isigineqarluni, imm 3 naapertorlugu eqqartuussut ingerlateqqinneqarpat, eqqartuussivik taanna, eqqartuussummik aalajangiisooq, imaluunniit suliassiissummik tiguisimasooq, ingerlatitseqqiinerup nalaani

kukkunersiuisup § 1, imm. 2-mi aamma 3-mi pineqartunik suliassanik suliaqaqqusaassannginnissaanik aalajangiisinaavoq.

Imm. 5. § 44, imm. 3 aamma 4 aamma stk. 6, 4. pkt., aammalu § 44 b, imm. 2 malillugit Kukkunersiuisut pillugit Ataatsimiititaliamit aalajangiunneqartumik, eqqartuussummik suliassanngortitsinissaq pillugu qinnuteqaat, pineqartumut eqqartuussutip nalunaarutigineqarnerata kingusinnerpaamik sapaatit akunneri arfineq marluk kingorna, Ataatsimiititaliat Illuanni (Nævnenes Hus-imi) tiguneqareersimassaaq. Taamatuttaaq, § 44, imm. 3 aamma 4 aamma imm. 6, oqaaseqatigiit sisamaanni allassimasut naapertorlugit § 43 a, imm. 2 malillugu Kukkunersiuisut pillugit Ataatsimiititaliamit aalajangiunneqartumut, eqqartuussummut tamanna atuuppoq. Ataatsimiititaliat Illuat (Nævnenes Hus-i) pineqartumik, innuttaasut eqqartuussisaasiannik eqqartuussisulersuussissaaq.

Imm. 6. Aalajangiineq § 44, imm. 3 aamma 4 aamma imm. 6, oqaaseqatigiit sisamaanni allassimasut, aammalu § 44 b, imm. 2 malillugit aalajangerneqartoq pillugu eqqartuussisulersuussineq, ingerlatanik unitsitsinissamik sunniuteqassaaq. Eqqartuussummik eqqartuussisulersuussisup qinnuteqarneratigut, suliap eqqartuussivimmi ingerlanneqarnerani, eqqartuussisulersuussineq ingerlatanik unitsitsigallarnermik sunniuteqassanersoq, piareersaataasumik ataatsimiinnermi eqqartuussiviup aalajangissavaa. Eqqartuussutip inerneranik ingerlatitseqqiineq ingerlatanik unitsitsinermik sunniuteqassanersoq eqqartuussiviup aalajangersinnaavaa. Piareersaataasumik ataatsimiinneq, eqqartuussisulersuussinerup kingorna sapaatit akunneri arfineq marluk qaangiutsinnagit ingerlanneqartassaaq. Kukkunersiuisut pillugit Ataatsimiititaliamit aalajangerneqartoq tamakkiisumik imaluunniit ilaannakuusumik eqqartuussivimmit aalajangersarneqarpat, ingerlatitseqqiineq ingerlatanik unitsitsinermik sunniuteqassanersoq, eqqartuussiviup eqqartuussusiinnermi aalajangissavaa.

§ 52 a. § 44, imm. 5-i malillugu aalajangikkap eqqartuussivimmut suliassiissutigineqarnissaa kukkunersiuisup piumasaqaatigisinnaavaa. Eqqartuussiviup aalajangigaq aalajangersarsinnaavaa, atorunnaarsissinnaavaa imaluunniit allanngortissinnaavaa.

Imm. 2. Eqqartuussisulersuussinissaq pillugu qinnuteqaat, pineqartumut aalajangiinerup nalunaarutigineqarnerata kingorna ullut 14-it qaangiutsinnagit, Ataatsimiititaliat Illuannut (Nævnenes Hus-imut) saqqummiunneqassaaq. Tamatuma kingorna Ataatsimiititaliat Illuata (Nævnenes Hus-ip) peqquteqanngitsumik kinguarsarnagu innuttaasut eqqartuussisaasiannik

kukkuersiuisoq eqqartuussisulersuutissavaa. Eqqartuussisulersuussinerup kingorna sapaatit akunneri sisamat qaangiutsinnagit eqqartuussivik aalajangiissaaq.

Imm. 3. Eqqartuussisulersuussinissaq pillugu qinnuteqaat, qaqutiguiissumik eqqartuussiviup taamaannissaanik aalajangiinnagippat, ingerlatanik unitsitsinermik sunniuteqassanngilaq. Kukkuersiuisut pillugit Ataatsimiititaliap aalajangiinera tamakkiisumik imaluunniit ilaannakortumik eqqartuussivimmit aalajangersarneqarpat, ingerlatitseqqiineq ingerlatanik unitsitsinermik sunniuteqassanersoq, eqqartuussutikkut eqqartuussiviup aalajangissavaa.

§ 52 b. Kukkuersiuisut pillugit Ataatsimiititaliamit eqqartuussutit inernerinik eqqartuussiveqarfinnut suliaassiisutiginnineq, eqqartuussutip inenera pineqartumut nalunaarutigineqarnerata kingusinnerpaamik sapaatit akunneri arfineq marluk kingorna pissaaq. Eqqartuussutip inernerata pineqartumut nalunaarutigineqarnerata kingorna qaammatit arfinillit qaangiutsinnagit tamatumunnga qinnuteqaat tunniunneqarpat, piffissarititap qaangiunnerata kingorna suliap suliaassiisutigineqarnissaa, eqqartuussiviup qaqutigoorluinnartumik akuerisinnaavaa. Taamaattoq oqaaseqatigiit aappaanni allassimasut malillugit akuersissut nalunaarutigineqarpat, akuersissutip nalunaarutigineqarnerata kingorna sapaatit akunneri sisamat qaangiutsinnagit suliaq suliaassiisutigineqareersimassaaq.

Imm. 2. § 44, imm. 3-5 imaluunniit imm. 6, oqaaseqatigiit sisamaanni allassimasut, imaluunniit § 44 b, imm. 2 malillugit inerteqquteqarneq imaluunniit allagartaajaaneq pillugu eqqartuussutip inerneranut imm. 1-imi aalajangersagaq atuutinngilaq.

Kapitali 11

Piffissaliussat

§ 53. Inatsit malillugu atuutilersinneqartuni inatsimmi imaluunniit najoqqutassiani, sukumiinerusumik allaaserineqartup pisup pinerata kingorna, ulluni, sapaatit akunnerini, qaammatini imaluunniit ukiuni aalajangersimasumik amerlassusilinni kingusinnerpaamik iliuutsip suliarineqarnissaa aalajangerneqarsimasoq, imm. 2-4-mut naapertorlugit pisup tamatuma kingorna ullormiit iliuutsip suliarineqarnissaanut piffissaliussaq naatsorsorneqartassaaq.

Imm. 2. Imm. 1-i naapertorlugu piffissaliussaq sapaatit akunnerinut allassimappat, pisup pineranut ullormut sapaatit akunnerata ulluani, iliuutsip suliarineqarnissaanut piffissaliussaq qaangiutissaaq.

Imm. 3. Imm. 1-i naapertorlugu piffissaliussaq qaammatinut allassimappat, pisup pineranut ullormut qaammatip ulluani, iliuutsip suliarineqarnissaanut piffissaliussaq qaangiutissaaq. Pisoq qaammammi ullormi kingullermi pisimappat, imaluunniit piffissaliussaq qaammatit ulluanni piunngitsumi qaangiussimappat, qaammatip takissusaa apeqqutaatinnagu qaammammi ullormi kingullermi piffissaliussaq qaangiuttuaannassaaq.

Imm. 4. Imm. 1-i naapertorlugu piffissaliussaq ukiunut allassimappat, pisup pineranut ullormut ukiup ulluani, iliuutsip suliarineqarnissaanut piffissaliussaq qaangiutissaaq.

Imm. 5. Sapaatit akunnerisa naaneranni (weekend-imi), nalliuttuni, inatsisitaarfimmi, juuliaqqami imaluunniit ukiutoqqami piffissaliussaq qaangiutissagaluarpat, iliuusissaq kingusinnerpaamik tamatuma kingorna ulluinnarmi aggersumi siullermi suliarineqassaaq.

Kapitali 12

Pineqaatissiisutit

§ 54. § 5-*imik*, § 8 b-*mik*, § 9, *imm.* 1-*imik*, § 11, *imm.* 1-*imik* aamma *imm.* 2, oqaaseqatigiinni siullernik, § 13, *imm.* 3-*mik* aamma 4-*mik*, § 13 a, *imm.* 2-*mik*, § 17, *imm.* 1-*imik* aamma 2-*mik*, §§ 20, 22-24, 24 c, 25, 26-*imik*, § 31, *imm.* 1, oqaaseqatigiinni siullernik, *imm.* 5-*imik* aamma 7-*imik*, § 35 a, *imm.* 3-*mik* aamma 4-*mik*, § 40, *imm.* 3-*mik*, kiisalu § 44, *imm.* 9-*mik* unioqqutitsineq, Kalaallit Nunaannut pinerluttulerinermik inatsit malillugu annertunerusumik pillaatissiisoqangippat, akiliisitsinermik pillarneqassaaq. Taamatuttaaq ilanngussaq 1-i naapertorlugu tamanit soqutigisaqarfigineqartut suliffeqarfiit naatsorsuutaannik kukkunersiunermt piumasaqaatit aalajangersimasut pillugit Europa-Parlament-ip aamma Råd-ip peqqussutaani (EU) nr. 537/2014, 16. april 2014-imeersumi ilanngutassiaq 4, *imm.* 1-*imik* aamma 2-*mik*, ilanngutassiaq 5, *imm.* 1-*imik*, ilanngutassiaq 11, *imm.* 1-*imik* aamma 2-*mik*, ilanngutassiaq 15, *imm.* 1-*imik*, aamma ilanngutassiaq 17, *imm.* 7-*imik* unioqqutitsineq pillarneqassaaq.

Imm. 2. Inatsit malillugu atuutilersinneqartuni najoqqutassiani, najoqqutassiani aalajangersakkanik unioqqutitsinermut, akiliisitsinermik pillaanermik aalajangersaasoqarsinnaavoq.

Imm. 3. Kalaallit Nunaannut pinerluttulerinermik inatsimmi kapitali 5-imi maleruagassat malillugit ingerlatseqatigiiffinnik il.il. (inatsisitigut akisussaasoqarfinnik) pillaatissiisoqarsinnaavoq.

Imm. 4. Kukkuñersiuisoq, § 1, imm. 2 aamma 3 malillugit suliaasat suliarinerini, eqqunngitsumik allakkatigut nalunaarusiortoq imaluunniit allakkatigut ilisimannittuusooq, pineqartoq sammisamut ilisimasaqarani, pinerluttulerinermik inatsit malillugu pillaatissinneqassaaq. Taamatuttaaq, pineqartumit kukkuñersiuigaanngitsuni, naatsorsuutini kukkuñersiuinermut oqaaseqaammut atsiortumut kukkuñersiuusumut, kukkuñersiuinermullu oqaaseqaammi tunniunneqartumi tamanna ersersinneqarani, imaluunniit kukkuñersiuinermik suliffeqarfimmuut attuumassuteqarani § 1, imm. 2-mi eqqartorneqartunik suliaasani suliaqartumut, tamanna atuuppoq.

Imm. 5. Kukkuñersiuisoq § 11, imm. 2 malillugu Erhvervsstyrelsen-imut nalunaarsorneqarnissaaq pillugu nalunaarummik tunniussinikuunani, § 11, imm. 1-imi, oqaaseqatigiit siulliit malillugit nalunaarusiortoq, pinerluttulerinermik inatsit malillugu pillaatissiissutinik eqqartuunneqassaaq.

Imm. 6. Taamatuttaaq, § 11. Imm. 3 malillugu nalunaarsugaasunut kukkuñersiuusunut, kisianni § 11, imm. 2, oqaaseqatigiit aappaanni allassimasuni eqqaaneqartunik nalunaarutinik tunniussaartunut, imm. 5-imi aalajangersagaq atuuppoq.

Imm. 7. Inuk § 8a, imm. 4, nr. 2, § 44, imm. 3, imaluunniit § 44 b, imm. 2 malillugit, pineqartumut peqqusissummut, inerteqqummut akerliusumik iliuuseqartoq, pinerluttulerinermik inatsit malillugu pillaatissiissutinik eqqartuunneqassaaq.

Imm. 8. Inatsimmi aalajangersakkanik, imaluunniit inatsit malillugu atuutilersitanik maleruagassanik unioqqutitsinermut pisoqalisoornissamut piffissaliussaag tassaaq ukiut tallimat.

Kapitali 13-i

Atuutilersitsineq, ikaarsaarnermi aalajangersakkat il.il.

§ 55. Peqqussut atortuulerpoq ulloq 1. juli 2022.

Imm. 2. Artikeli 41 Europa-Parlamentip aamma Siunnersuisoqatigiit peqqussutaanni (EU) nr. 537/2014, 16. april 2014-imeersumi suliffeqarfinni kukkuñersuisarnernut immikkuualuttortalersugaasunik tamat oqartussaaqataaneranni piumasaqaatinut tunngatillugu ilanngussaaq 1, atortinneqassaaq imaalillugu artikelimi 41, imm. 1-imi eqqaaneqartoq ulloq »17. juni 2020« allanngortinneqassalluni imaalillugu »1. juli 2026«, artikelimi 41-mi, imm. 2-mi eqqaaneqartoq ulloq »17. juni 2023« allanngortinneqassalluni imaalillugu »1. juli 2029«, aamma artikelimi 41, imm. 3-mi eqqaaneqartut ullut »16. juni 2014« aamma »17. juni 2016«

allanngortinneqassallutik imaalillugit »1. juli 2020« aamma »1. juli 2022«, soorluttaaq
artikelimi 44 -mi eqqaaneqartut ullut »17. juni 2016« aamma »17. juni 2017«
allanngortinneqassasut imaalillugit »1. juli 2022« aamma »1. juli 2023«.

Imm. 3. Kukkuersiuisoqarneq aamma kukkuersiuinermik suliffeqarfiit akuerisaasut
pillugit inatsimmik Kalaallit Nunaannut atuutilersitsineq pillugu peqqussut, nr. 623 ulloq 27.
juni 2008-imeersoq atorunnaarsinneqarpoq. Nalunaarutit peqqussummik tunngaveqartumik
pilersinneqarsimasut atuutiinnassapput atorunnaarsinneqarnissami tungaannut, imaluunniit
peqqussut manna naapertorlugu nalunaarutitsigut.

Tunniunneqarfia ..., ulloq ...

Kunngiussutsitsinnik Atsiorpugut Naqissusiillutalu